



Կ. Ն. ԶՈՒԶԲԱՇՅԱՆ

ԱԿԱԴԵՄԻԿՈ
ՀՈՎՍԵՓ ՕՐԲԵԼԻ



 АКАДЕМИЯ НАУК АРМЯНСКОЙ ССР

К. Н. ЮЗБАШЯН

АКАДЕМИК
ИОСИФ ОРБЕЛИ

ИЗДАТЕЛЬСТВО АН АРМЯНСКОЙ ССР
ЕРЕВАН

1987

008(-11) 479.25(092) 64267
ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱ.

✓

Կ. Մ. ՑՈՒԶԲԱՅՅԱՆ

ԱԿԱԴԵՄԻԿՈՍ
ՀՈՎՍԵՓ ՕՐԲԵԼԻ

A ՀՀՀՀ

Y



ՀԱՅԿԱԿԱՆ ՍՍՀ ԳԱ ՀՐԱՏԱՐԱԿՈՒԹՅՈՒՆ
ԵՐԵՎԱՆ

1987

Տպագրվում է ՀՍՍՀ ԳԱ Արևելագիտության
ինստիտուտի գիտական խորհրդի որոշմամբ

Խմբագրական կոլեգիա

Գալոյան Ա. Ա. (Նախագահ)

Բարսեղյան Խ. Հ., Թովմասյան Ս. Ս., Հախվերդյան Լ. Հ.,

Ղազարյան Վ. Հ., Ղարազյոլյան Կ. Գ., Մովսիսյան Մ. Ե.,

Սարգսյան Գ. Խ. (Նախագահի տեղակալ), Սահասարյան Հ. Ա.

(պատասխանատու քարտուղար), Վարդանյան Ս. Հ., Տեր-Միքայելյան Մ. Լ.

Պատասխանատու խմբագիր՝

պատմական գիտությունների դոկտոր Պ. Մ. Մուրադյան

Գիրքը հրատարակության են երաշխագիրել

ՀՍՍՀ ԳԱ ակադեմիկոս Գ. Խ. Սարգսյանը և
բանասիրական գիտությունների դոկտոր Կ. Մ. Մուրադյանը

Յուղբաշխ Կ. Մ.

0—842j Ակադեմիկոս Հովսեփի Օրբելի [Պատ. խմբ.

Պ. Մ. Մուրադյան]. ՀՍՍՀ ԳԱ Արևելագիտ. ին.-տ.


—Եր.: ՀՍՍՀ ԳԱ հրատ., 1987. 111 էջ. 4 թերթ նկ.:

Ակադեմիկոս Հ. Օրբելին առավել ակնառու այն հայագետ-արևելագետներից է, որոնք նշանակալի շափով կանխորշել են հայրենական արևելագիտության, ինչպես նաև հայագիտության զարգացման մերօրյա ուղին: Նրա կյանքի և գործի ուսումնասիրությանը նվիրված այս գրքույկը միաժամանակ հայրենի գիտության պատմությունը ներկայացնող մի դրվագ է՝ գրված փաստական հարուստ նյութի հիման վրա:

Այն հասցեագրվում է պատմությամբ, հնագիտությամբ, ազգագրությամբ ու արվեստով զբաղվող մասնագետներին, ինչպես նաև ընթերցող լայն հասարակայնությանը:

Յու 0505040000
703 (02) — 87 97—88

ԳՄԴ 63.3դ (2Հ) Օրբելի Հ. +
+ 63.4 (2Հ) + 63.5 (2Հ)



Հովհաննես Օբրելի



ԵՐԿՈՒ ԽՈՍՔ

Ակադեմիկոս Հովսեփ Օրբելին պատկանում է իր ժամանակի առավել ակնառու հայագետների շարքին։ Նա այն գիտնականներից է, որոնք կանխորոշել էին հայրենական արևելագիտության, հատկապես հայագիտության արվի ընթացքն ու ուղղվածությունը։ Գիտության մի քանի բնագավառներում նա ճանաչվել է իրքև բարձրագույն հեղինակություն։ Հ. Օրբելին եղել է գիտության խոշոր կազմակերպիչ, բազմիցու իրեն զրաւորելով իրքև բարդ ստեղծագործական կոլեկտիվների իսկական հոգածու առաջնորդ։ Հովսեփ Օրբելու ազգեցության ներքո ձևավորվել են գիտության տասնյակ մշակներ։

Իր կյանքի մեծ մասը Հ. Օրբելին անց է կացրել Պետրովուրդ-Լենինգրադում, ուր արտասովոր ժողովրդականություն է վայելել որպես էրմիտաժի բազմամյա տնօրին։ Հայրենական պատերազմի առաջին օրերին նա է կազմակերպել այդ թանգարանի անգին գանձերի տեղափոխումը թիկունք, իսկ հետագայում՝ ղեկավարել էրմիտաժի վերակենդանացումը։

50-ական թվականների կեսերից, երբ Լենինգրադի և առհասարակ երկրի արևելագիտառությունը նոր վերելք էր ապրում, Հ. Օրբելին էր այդ ընթացքին ուղղվածություն տվող հեղինակավոր գեմքերից մեկը։ Միաժամանակ նա իսկական հայաստանցի էր, հատուկ սեր ու հարգանք էր վայելում Հայաստանում, մանավանդ որ նրա անունը ընդմիշտ կապված է մեր միջնադարյան մշակութիւնի փառքը կազմող Անիի ուսումնասիրության հետ, իսկ «Սասնա ծռեր» հերոսական վեպը, ասես, նոր կյանք է ապրել նաև Հ. Օրբելու շնորհիվ։ Նա է եղել մեր Գիտությունների ակադեմիայի հիմնադիր պրեզիդենտը, վերջապես, մարմնավորելով հայ մտավորականի լավա-

գույն զծերը, նա հայ մտքի և մշակույթի իսկական դեսպանն է եղել Ռուսաստանում:

Հովսեփ Օբեկու ծառայություններից մեկն էլ այն է, որ նա պահպանել է իր ուսուցիչների՝ գիտության դասականների ավանդները և դրանք փոխանցել գալիք սերունդներին:

Հովսեփ Օբեկին բացառիկ անձնավորություն էր, և սխալ կլիներ նրա կյանքի նկարագիրը դիտել որպես գիտական գործչի տիպական կենսագորություն: Լինելով արտակարգ գործունյա, ապրելով իր դարաշրջանի ուրախությամբ ու ցավլով, նաև միաժամանակ ամփոփում էր այդ դարաշրջանի որոշ հատկանշական կողմերը, դարձել էր նրա մի մասնիկը:

Հ. Օբեկու մասին շատերն են գրել, հատկապես գիտականի մահից հետո: Հեղինակներից շատերը ճանաչել են իրենց հերոսին և, անտարբեր շլինելով նրա անձի նկատմամբ, յուրովի են մեկնել նրա կյանքի ուղին, յուրովի վերարտադրել կերպարը: Անձնականության երանգ ունի թերևս սույն գըրքույկի շարադրանքը ևս, բայց ինչ արած՝ անհնար է սառն ու անտարբեր դիտող մնալ, երբ աշքիդ առաջ բացվում է Հովսեփի Օբեկու բարդ, վառ ու բոցկատուն էությունը*:

* Այս գրքույկը հասցեագրված է մասնագետներին ու ընթերցող հասարակյանությանը, ուստի Հ. Օբեկու կենսագրական իրողություններին վերաբերող հղումները (այդ տվյալները մասամբ քաղլած են արխիվային նյութերից) սղված են: Ավելի մանրամասն տե՛ս Կ. Ի. Յօձանի, Ակադեմիկ Իօսիֆ Աբգարովիչ Օրբելի. Մ., 1986, ինչպես նաև նույն աշխատության նախորդ հրատարակությունները՝ ոռուսերեն, Մ., 1964 և հայերեն՝ Եր., 1971: Նշված հրատարակություններում ընթերցողը կդտնի նաև Հովսեփի Օբեկու ընդարձակ հուշերը, որոնք վերաբերում են նրա ուսանողական կյանքին, ուսուցիչներին, գործնկերներին: Դրանք 1955 թ. մարտի 3-ին լենինգրադի պետական համալսարանի արևելյան ֆակուլտետում Օբեկու ելույթի գրառումն են: Սույն գրքույկում այդ կարեսը նյութերը բերված են միայն հատվածաբար: Հ. Օբեկու կյանքին ու գործին վերաբերող ուշագրավ նյութեր կան Պ. Մ. Մուգադյանի հրատարակած ն. Մասի և Հ. Օբեկու ծագալուն նամակագրության էջերում (տե՛ս «Հայագիտական հետազոտություններ», պրակ LХ, Երևան, 1974, էջ 227—306):

Ա. ԿՅԱՆՔՆ ՈՒ ԳՈՐԾՈՒՆԵՈՒԹՅՈՒՆԸ

Հովսեփի Օրբելին ծնվել է տոհմիկ մտավորականների լնաւանիքում: Նրա պապը՝ Հովսեփի Հովսակիմի Օրբելին, ավարտել էր Մոսկվայի Լազարյան ճեմարանը, ցանկացել զբաղվել բժշկությամբ կամ իրավաբանությամբ, բայց հնթարկվել էր մոռ կամքին և դարձել քաջանա: Առժամանակ ծառայել էր Աստրախանում, ապա Պետերբուրգում և, ի վերջո, հաստատվել թիֆլիսում: Երկար տարիներ զբաղվել է ուսուցչությամբ (Պետերբուրգում հայոց լեզու է դասավանդել Կաղետական դպրոցի հայ սաներին), եղել թիֆլիսում 1850-ական թվականներին հրատարակվող «Արարատ» հանդեսի ցենզուրը, հեղինակել տպագիր մի շարք աստվածաբանական աշխատություններ: Վախճանվել է 1891 թ.¹:

Հովսեփի Օրբելի ավագը ունեցել է երեք տղա և երկու աղջիկ: Ավագ որդին՝ Դավիթը, ավարտել էր Խարկովի Շամալսարանը և դարձել բժիշկ-հոգեբույժ: Ժամանակին Անդրկովկասում նա մեծ հեղինակություն և լայն ճանաչում է ունեցել: Դ. Օրբելու գրին են պատկանում տեղաճարակային վղատակի ուսուցքին և բժամտությանը վերաբերող մի քանի ուսումնաբիրություններ: Մասնակցել է հոգեբույժների գիտական բազմաթիվ համագումարների ու համաժողովների:

Երկրորդ որդին՝ Համազապապը, թիֆլիսում հայանի բժիշկատամնաբույժ էր:

Երրորդը՝ Աբգարը, ուսանել է Պետերբուրգի համալսարանի իրավաբանական ֆակուլտետում և ավարտել իրավագիտության թեկնածուի աստիճանով: Պահպանվել է պետական փոխառություններին նվիրված նրա ավարտական աշխատանքը: Աբգար Օրբելին ցանկացել է մնալ Պետերբուր-

գում, սակայն Հոր պահանջով վերադարձել է Հայրենիք և իրեն հաշտարար դատավոր պաշտոնավարել Նախիչևանում, ապա՝ Ծաղկաձորում, Քութայիսում: Թիֆլիս տեղափոխվելուց հետո նա մի քանի տարի աշխատել է որպես դատական պարատի դատախազի օգնական, ապա դարձել փաստաբան և զբաղվել մասնավոր գործառնությամբ:

Արգար Օրբելին հիրավի կրթված մարդ էր, հետևում էր մշակութային կյանքին, շատ էր կարդում, ուներ մեծ գրադարան: Նա առանձնակի կարեռություն էր տալիս իր երեխաների դաստիարակությանը. լինելով համեմատաբար համեստ հնարավորությունների տեր մարդ, գիմնազիա հաճախող հրեխանների համար հրավիրում է նաև մասնավոր ուսուցիչներ, իսկ հետագայում բոլոր զավակներին սովորելու ուղարկում Պետերբուրգ:

Ընտանիքում նրա ազգեցությունը մեծ էր, հեղինակություն՝ անառարկելի: Որդիների ազատությունը ոչնչով չէր սահմանափակում, այնուհանդերձ՝ 1906 թ. արդեն Պետերբուրգի համալսարանի ուսանող 19-ամյա Հովհաննես Անի մեկնեց միայն Հոր թույլտվությունը ստանալով: Հովհաննես մտածում էր թողնել Պատմա-բանասիրական ֆակուլտետը և մնալ միայն Արեւլյան լեզուների ֆակուլտետում, սակայն այդպես շարեց: «Հինգրոպեանոց խոսակցությունը հորս հետքավական էր, որպեսզի մի կողմ նետվի այդ միտքը», — նշում է Հովհաննեսի Օրբելին իր հուշերում:

Արգար Օրբելու կինը՝ Վարդառան, Արդության իշխանական տոհմից էր (Մովսես Արդության-Երկայնաբազուկի դուստրն էր) և, հակառակ իր աղնվական ծագմանը (որով նա հպարտանում էր), դեռատի հասակից ընտելացել էր Փիդիկական աշխատանքի, իսկ հետագայում այդ սովորությունը ձգտում էր արմատավորել նաև զավակների մեջ: Ուշագրությամբ հետևում էր նրանց պարապմունքներին («երեք անգամ արական գիմնազիա եմ ավարտել», — կատակում էր նա): Ժամանակակիցների վկայությամբ Հովհաննես էր նաև հարեւանների երեխանների հանդեպ և շրջապատի հարգանքն ու սերն էր վայելում:

Կորցնելով ամուսնուն, Վարվառա Մոհսենան, ինչպես նրան անվանում էին բոլորը, սկսեց ֆրանսերենի դասեր տալ, իսկ Վրաստանում սովետական իշխանության հաստատումից հետո գրադարձ հասարակական աշխատանքով, անգամ թիֆ-լիսի քաղաքացին սովետի գեպուտատ ընտրվեց:

Արգար Օրբելու ավագ որդին՝ Ռուբենը (1880-1943), ավարտել էր Պետերբուրգի համալսարանի իրավաբանական ֆակուլտետը, ստացել առաջին կարգի դիպլոմ և մնացել համալսարանում՝ քաղաքացիական իրավունքի ամբիոնում պրոֆեսորի կոչում ստանալու: 1906 թ. արժանացել էր իրավագիտության մագիստրոսի աստիճանի, ստաժավորվել նաև Գերմանիայում՝ Ենայի համալսարանում, ճանաչվել այդ համալսարանի գոկտոր: Հետագայում նա տարվեց զրասուզական գործով, որի պատմությանը մի շաբթ կարեռ ուսումնասիրություններ նվիրեց: Ռուբեն Օրբելին ստորջրյա հնագիտության հիմնադիրներից մեկն է մեր երկրում. 1937 թ. Բուգ գետի ափին նա պեղեց հնագարյան մի մակուց՝ արժանանալով վաստակած ուշադրության: Կյանքի վերջին տարիներին Ռ. Օրբելին գիտական մեծ գործունեություն էր ծավալել Հատուկ նշանակության ստորջրյա աշխատանքների արշավախմբում (ԹՊРОՀ)²:

Միջնեկ որդու՝ Լևոն Օրբելու (1882-1958) անունը հայտնի է բոլորին: Իբրև ի. Պ. Պավլովի աշակերտն ու մերձավոր գործակիցը նա ֆիզիոլոգիայի բնագավառում կանգնած է գիտական մի շաբթ ուղղությունների սկզբնավորողի տեղում: Լ. Օրբելու գաղափարների գարգացմամբ այժմ զբաղված են գիտահետազոտական ամբողջ հաստատություններ: Լ. Օրբելու աշակերտներն ու աշխատակիցները հիշում են նրա ազնուվագույն կերպարը, հիշում են ինչպիսի տոկունություն ցուցաբերեց, երբ 40-ական թվականների վերջին նրա հեղինակությունը կասկածի տակ դրվեց, և նա գրեթե զրկվեց հետագա աշխատանքի հնարավորությունից: Բայց անգամ այդ պայմաններում Լ. Օրբելին հետ չկանգնեց իր սկզբունքներից, անարատ պահեց իսկական գիտնականի պատիվը³:

Օրբելիների գերդաստանը աշքի էր ընկնում մի շարք այնպիսի գծերով, որոնք հատուկ էին XIX դ. վերջի — XX դ. սկզբի հայ մտավորականությանը: Հայ (և ավելի լայն՝ արեգելյան) կյանքի ավանդույթներն այստեղ զուգակցվում էին ռուս և արևմտաեվրոպական կենցաղավարության սկզբունքների հետ, և դրանց համագրությունը զարժանալի պտուղներ էր տալիս: Ընտանեկան մթնոլորտը, անշուշտ, ազգել է Հովսեփի Օրբելու խառնվածքի վրա: Մասամբ ընտանիքին էր նա պարտական իր այնպիսի գծերով, ինչպիսիք են՝ դատողությունների շիտակությունը, հասարակական պարտքի բարձր ըմբռնումը, իսկական, անվարան ինտերնացիոնալիզմը:

Ընտանեկան ավանդույթը պահպանել է նաև հաջորդ սերունդը: Լևոն Օրբելու Մարիամ դուստրը (1916-1949) եղել է հոր պես տաքարյուն, համարձակ: ՀՍՍՀ ԳԱ Ռադիումի ինստիտուտում աշխատելիս փորձերի ընթացքում ստացել է ճառագայթային հիվանդություն, որից և վախճանվել է: Նրա որդի Արգարը, որին պապը դստեր մահվանից հետո որդեգրել էր, նույնպես ֆիզիկոս է:

Ռուբեն Օրբելու դուստր Գուստովանը (1910-1985) կովկասագետ-բանասեր էր: Երկար տարիներ աշխատում էր ՍՍՀՄ ԳԱ Արևելագիտության ինստիտուտի Լենինգրադի բաժանմունքում, Հովսեփ Օրբելու մահվանից հետո վարում Կովկասյան կարինետը: Նա հեղինակ է մի շարք կարևոր աշխատությունների՝ նվիրված հատկապես վրացական ձեռագրերին*:

Հովսեփ Օրբելու միակ որդի Դմիտրին (1946-1971), հետեւ նվիրված օրինակին, որոշել էր իր կյանքը նվիրել ֆիզիոլոգիային: Արդեն ուսանողական տարիներին լուրջ գիտահետազոտական աշխատանքի էր լծվել, սակայն գիտական մեծ ապագա ունեցող երիտասարդի կյանքը վաղաժամ ընդհատվեց:

Սաղկաձորում բացված է Օրբելի եղբայրների թանգարան, որի ցուցանմուշները հստակ պատկերացում են տալիս

* Օրբելիների գերդաստանին վերաբերող տվյալների մի մասը սույն գրքի հեղինակը ժամանակին ստացել է Ռուսության Օրբելուց:

այդ գարմանալի ընտանիքի մասին: Ինչպես Երևանում, այնպես և Լենինգրադում կան «Օրբելի» կամ «Օրբելի եղբայրների» անունը կրող փողոցներ: Լուս Օրբելու անունն են կրում մի քանի գիտական օջախներ: Հուսանք, որ Հովսեփ Օրբելու անունով ևս հաստատություններ կկռվեն:

* * *

Աբգար Օրբելու կրտսեր որդի Հովսեփը ծնվել է 1887 թ. մարտի 8(20)-ին, Քութայիսում: Հաջորդ տարին ընտանիքը վերահաստատվեց Թիֆլիսում՝ Անդրկովկասի մշակութային ամենախոշոր կենտրոններից՝ մեկում: Բազում դպրոց-ուսումնարաններ ունեցող քաղաքը փառաբանված էր նաև իր թատրոններով, ուր երեմն հանդես էին գալիս համաշխարհային անուն վաստակած դերասաններ: Քաղաքի բազմազդ բնակչությունը խոսում էր վրացերեն, հայերեն, ոռւսերեն, գերմաներեն, աղբեհցաներեն: Արևելքն ու Արևմուտքը Թիֆլիսն ընտրել էին իբրև իրենց հանդիպման վայրերից մեկը: Ապագա գիտնականի համար Արևելքը եղել է ոչ միայն ուսումնասիրության առարկա, այլև նրա կյանքի, էության մի մասը:

Հովսեփ Օրբելին 1896 թ. ընդունվում է Թիֆլիսի Յ-րդ արական գիմնազիան: Այստեղ նա ձեռք է բերում դասական լեզուների՝ հունարենի և լատիներենի լավ գիտելիքներ: Որոշ առարկաներ լրացուցիչ անցնում է նաև տանը, հրավիրված ըսուցիչների օգնությամբ (հայրը գտնում էր, որ բնագիտության, քիմիայի, ֆիզիկայի դրվածքը գիմնազիայում անբավարար է): Հայրը հոգ տարավ նաև, որպեսզի որդին միաժամանակ ձեռք բերի որոշ արհեստներ, ուստի պատանի Հովսեփը մասնագիտությունը յուրացրեց ատաղձագործությունը, ապա քարգործությունը: Հարեան երեխաների հետ շփվելով, հայերենից և ոռւսերենից բացի, սովորեց վրացերեն, աղբեհցաներեն:

1904 թ. նա ավարտեց գիմնազիան: Ավարտականում գրանցված էր, որ՝ «Թիֆլիսի Յ-րդ գիմնազիայում սովորելու ամբողջ ընթացքում նրա վարքը առհասարակ եղել է գերադանց, դասերին հաճախելու, ինչպես նաև գրավոր աշխա-

տանքների ճշտապահությունը՝ գերազանց, աշխատասիրությունը՝ գերազանց, հետաքրքրասիրությունը՝ գերազանց...», այնուհետև գալիս են միայն «Հինգեր»: Նշվում է, որ շրջանավարտը առանձնահատուկ հաջողությունների է հասել պատմաբանասիրական գիտությունների բնագավառում:

1904 թ. հունիսի 26-ին տասնյոթամյա Հ. Օբելին խրնդագիր ներկայացրեց Պետերբուրգի համալսարանի Պատմաբանասիրական ֆակուլտետն ընդունվելու համար: Փամանակին, ինչպես ասվեց, այդ համալսարանն ավարտել էր հայրը՝ Աբգար Օբելին, ավարտելուց հետո համալսարանում էր թողնվել եղբայրը՝ Ռուբենը:

Հովսեփի Օբելին անցավ Պատմաբանասիրական ֆակուլտետի լրիվ դասընթացը՝ դասական բանասիրության բաժանմունքի ծրագրով: Դիմնապիայից ստացած գերազանց պատրաստությունը, անշուշտ, նպաստում էր համալսարանական ասարկաների հեշտ հաղթահարմանը: Իսկ դասախոսների կազմում կային այնպիսի խոշոր գիտնականներ, ինչպիսիք էին՝ անտիկագետներ Ս. Ա. Ժերելյովը (1867-1942), Մ. Ի. Ռոստովցինը (1870-1952), Ֆ. Ֆ. Զելինսկին (1859-1946), Բ. Վ. Ֆարմակովսկին (1870-1928), բյուզանդագետ Վ. Ն. Բենեշեկիլը (1874-1938):

Հովսեփին հնությունների հետ միասին ուսանող «դասականագետներին» ավելի ու ավելի էր հրապուրում Արեգելքը՝ Հայաստանի, Վրաստանի, Իրանի պատմությունն ու մշակույթը: 1906 թ. ամռանը Հ. Օբելին մասնակցում է քաղաքամայր Անիի պետումներին, իսկ 1907 թ. ընդունվում համալսարանի նաև Արենելյան լեզուների ֆակուլտետը: Այնուամենայնիվ, արդեն որոշելով նվիրվել արենելագիտությանը, Հ. Օբելին շթողեց դասական բանասիրությունը, որը նա դիտում էր որպես մի անհրաժեշտ աստիճան՝ արենելագիտական առարկաների տիրապետման ուղղությամբ: Ի դեպ, ճիշտ այդպիսին էր նաև Հ. Օբելու ուսուցիչ, XXդ. խոշորագույն հայագետներից մեկի՝ Նիկողայոս Ագոնցի մոտեցումը, որը փայլուն կերպով ավարտեց Արենելյան լեզուների ֆակուլտետը, միաժամանակ անցնելով Պատմաբանասիրական ֆակու-

տեսի լրիվ դասընթացը: Խսկ Նիկողայոս Մաոր (որի կերպարին բազմիցս պիտի անդրադառնանք սույն գրքի էջերում) դիտմամբ մնաց գիմնազիայի վերջին դասարանում, որպեսզի Հնարավորություն ունենա կատարելագործվելու հին հունարենում:

Սերն ու Հետաքրքրությունը դեպի դասական բանասիրությունը և առհասարակ անտիկագիտությունը Հ. Օրբելին պահպանեց ընդմիշտ:

1909 թ. Հ. Օրբելին ավարտեց Պատմա-բանասիրական ֆակուլտետը և ձեռնամուխ եղավ թեկնածուական աշխատություն գրելուն: Այն նվիրված էր Կովկասի ազգագրությանը՝ ըստ դասական (Հունական և Հոռմեական) հեղինակների տեղեկությունների: «Թեման շատ հետաքրքիր է, ծավալով այնքան էլ մեծ չէ..., բայց շատ խառը և մանրակրկիտ աշխատանք պահանջող: Հենց այսօր վերջացրի նյութերի ընտրությունը, հույս ունեմ երկու շաբաթում ավարտել ամբողջ աշխատության սեագրությունը: Դրում եմ պլոփ. Ժերելյովի ղեկավարությամբ, բայց այն նախօրոք պետք է գրախոսվի Մատի կողմից»: Այսպես էր նա գրել ծնողներին 1910 թ. դեկտեմբերի 10-ին ուղարկած նամակում:

1911 թ. Հ. Օրբելին ավարտեց Համալսարանը, ավարտեց ոչ միայն Պատմա-բանասիրական, այլ նաև Արևելյան լեզուների ֆակուլտետը:

Անցյալ հարյուրամյակի վերջերից, հատկապես այն շըրշանից, երբ ֆակուլտետի դեկան է ընտրվում խոշորագույն արաբագետ Վիկտոր Ռոմանովիչ Ռոպենը (1849-1908), Պետերբուրգը դառնում է արեելագիտության համաշխարհային կենտրոններից մեկը: Արևելքի, նրա բազմադարյան մշակույթի նկատմամբ խոր հարգանքի մթնոլորտ էր տիրում այստեղ: Մեկընդիշտ ընդունված էր, որ Արևելքը պետք է ուսումնասիրվի նույնպիսի խիստ գիտական մեթոդներով, ինչպես և Արևմուտքը: Մեծ ուշադրության էին արժանանում ոչ միայն մեռած, այլև կենդանի լեզուների ուսումնասիրությունը, ազգագրությունը, նյութական մշակույթի հուշարձանները: Պրաֆեսորական կազմի մեջ էին համաշխարհային անուն ձեռք

բերած գիտնականներ՝ իրանագետ Վ. Ա. Ժուկովսկին (1858-1918), Միջին Ասիայի պատմաբան Վ. Վ. Բարթոլդը (1869-1930), սեմագետ Պ. Կ. Կոկովցովը (1861-1942), եղիպատագետ Բ. Ա. Տուրակը (1863-1920) և ուրիշներ: Դիտությանը անշահախնդրորեն նվիրված այս մեծությունները ձգտում էին պատրաստել արժանի փոխարինողներ:

Արևելագիտական առարկաներից Հավաքի Օրբելուն գրավեց նախ և առաջ հայագիտությունը. այդ բնագավառում նա գտավ այնպիսի մի բարեկամ, ուսուցիչ ու դաստիարակ, որպիսին Նիկողայոս Մառն էր (1864-1934): Երբ Հ. Օրբելին եկավ Պետերբուրգ, Մառն արդեն ճանաչված էր որպես Ռուսաստանի խոշորագույն արեւելագետներից մեկը: Նրա անվան հետ էր կապված հայրենական կովկասագիտության մի ամբողջ դարաշրջան: 1888 թ. ն. Յա. Մառը ավարտում է Արևելյան լեզուների ֆակուլտետը և Ք. Պատկանյանի առաջարկությամբ մնում համալսարանում՝ իբրև պրոֆեսորի պաշտոնակատար հայագիտության ամբիոնում: Շուտով գիտական մամուլում մեկը մյուսի հետևից լույս են տեսնում նրա հմտալից պատմական ու բանասիրական հետազոտությունները: Արևելյան մի շարք լեզուների ու մատենագրությունների գիտակն. Մառը գրական-մշակութային այնպիսի աղերսներ է բացահայտում, որոնք վրիպել էին (երեմն՝ իսպառ) իր նախորդների տեսադաշտից: Նա իրավամբ համարվում է հայության բանասիրության՝ գիտական այդ նոր ճյուղի հիմնադիրը: Նա մշակել է գիտության այդ մարդի մեթոդիկան, որը նրա իսկ աշխատություններում տվել է ապշեցուցիչ արդյունքներ: Դրացի այդ երկու ժողովուրդների կողմից ստեղծված դպրությունները նա դիտել է որպես մեկ ամբողջության քրիստոնյա Արևելքի մշակույթի հարազատ պտուղներ ու բաղկացուցիչ մասեր:

Անսահմանորեն նվիրված լինելով գիտությանը, ն. Յա. Մառը նրա իսկական մշակն է եղել: Մառի առաջարկած գաղափարները դրվում էին կապիտալ ուսումնասիրությունների հիմքում: Նրա աշակերտները սկսեցին համալրել Արևելյան լեզուների ֆակուլտետի պրոֆեսորական կազմը: Բուռն եռան-

դը, անձնական հմայքը դեպի իրեն էին գրավում և ոճկըն-դիրներին, և հետևողներին: Ն. Յա. Մառի ընդհանուր զեկա-վարությամբ Հ. Օրբելին յուրացրեց Արևելյան լեզուների Փա-կուլտետի լրիվ դասընթացը՝ հայ-վրացական-պարսկական բաժնի սահմաններում: Լսեց լեզվաբանության ներածության, հայերենի, վրացերենի, պարսկերենի, մասամբ արաբերենի, հին Արևելքի, Վրաստանի և Հայաստանի պատմության, Հա-յաստանի և Վրաստանի պատմական աշխարհագրության, հա-յոց և վրաց գրականության պատմության, պարսիկների պատմության դասընթացները:

Ֆակուլտետում, Ն. Մառից բացի, կովկասագիտության գծով մասնագիտական պարագմունքներ էին վարում նաև նրա աշակերտներ ի. Ա. Զավախովը (Զավախիշվիլի, 1876-1940), որը 1906 թ. հաջողությամբ պաշտպանեց հին Հայաս-տանի և հին Վրաստանի պետական կարգին նվիրված իր հայտնի մագիստրոսական դիսերտացիան⁴, և Ն. Գ. Արոնցը, որի «Հայաստանը Հուստինիանոսի դարաշրջանում» դիսեր-տացիան, իրոք, մի դարաշրջան կազմեց հայագիտության համար⁵:

Ն. Մառը համառորեն պայքարում էր հանուն ուսումնա-կան առարկաների տարրորշման. նա կտրականապես դեմ էր, որ նույն դասընթացում բոլորովին հնացած եղանակով շա-րադրվեին և լեզուն, և գրականությունը, և պատմությունը: Այն տարիներին, երբ Հ. Օրբելին հաճախում էր համալսարա-նի պարագմունքներին, դասավանդումը տարվում էր արդեն լրիվ ժամանակակից եղանակով:

Հ. Օրբելու պատրաստության հարցում մեծ վեր խաղաց Ցակով Խվանովիչ Սմիռնովը (1869-1918): Նա արտասավոր լայն գիտելիքների տեր մարդ էր, շատ էր հետաքրքրվում նաև հայկական հնություններով: Մառի հետ միասին Յա. Ի. Սմիռ-նովը մասնակցեց Գառնիի հեթանոսական տաճարի պեղում-ներին, ուսումնասիրեց այն ժամանակ այնքան խորհրդավոր թվացող Դեղամա լեռների վիշապ-կոթողները: 1899 թ. Սմիռ-նովը հրաժարվում է Պետերբուրգի համալսարանում դասա-խոսական աշխատանքից և անցնում էրմիտաժ՝ որպես Մի-

չին դարերի և Վերածննդի բաժնի ավանդապահ։ Սակայն շարունակում է պարապել ունկնդիրների հետ, որոնց թվում էր նաև Հ. Օբբելին։ Մի ամբողջ տարի Հ. Օբբելին մասնակցեց Աղթամարի տաճարին նվիրված սեմինար պարապմունքներին։

Հ. Օբբելին ընդմիշտ պահպանեց Յա. Ի. Սմիռնովի նըկատմամբ սերն ու ակնածանբը։ Երբ 1913 թ. Սմիռնովը վերադարձավ Համալսարան, Հ. Օբբելին դարձյալ սկսեց մասնակցել նրա դասախոսություններին, Սմիռնովն էլ իր հերթին հաճախում էր Օբբելու դասերին և հարկ եղած դեպքում օգնության գալիս նրան։⁶

Շատ զիտելիքներ ձեռք բերեց Հ. Օբբելին Համալսարանի լսարաններում, սակայն իոկական բարձրագույն կրթություն նա ստացավ թերևս ոչ այնքան նեայի ափին, որքան Անիում։

Հայաստանի միջնադարյան մայրաքաղաքի պեղումները բացառիկ տեղ են գրավում Ն. Յա. Մառի բազմակողմանի գործունեության մեջ։ XIX դարում ճանապարհորդները քանից այցելել էին Անի, սակայն նրանց դիտարկումները չէին կարող էական ազգեցություն ունենալ ավանդական Հայացքների վրա, որոնց Համաձայն՝ Բագրատունիների անկումից հետո XI դ. երկրորդ կեսին քաղաքն աստիճանաբար կորցրեց իր նշանակությունը։ 1892 և 1893 թթ. Ն. Մառը ձեռնարկեց երկու գիտական արշավ գեպի Անի, սակայն ստիպված եղավ դադարեցնել պեղումները, քանի որ թանգարանի շգոյության պատճառով Հայտնաբերված առարկաները ցրվում էին, վըտանգ կար, որ գրանք առհասարակ կվրիպեն գիտության տեսադաշտից։ Բայց, ահա, 1904 թ. պեղումները վերսկըսվեցին և շարունակվեցին մինչև 1917 թ.։ Այսպիսով, 16 անգամ հեռավոր Պետերբուրգից Անի էին ժամանում գիտնականներ, 16 ամառ անցկացնում ավերակ քաղաքում։

Պեղումների արդյունքները տպավորիչ էին։ Մառը կարողացավ մանրամասնորեն վերականգնել միջնադարյան քաղաքի տեսքը։ Հնագիտական նյութերը վկայում էին, որ Անին սկսեց լքվել ոչ թե XI դարում, այլ երկու-երեք Հարյուրամյակ

Հետո, և հենց այդ շրջանում դարձավ ինքնատիպ և շատ բարձր մշակույթի օրրան:

Մառն ու նրա աշխատակիցները ձգտում էին ոչ թե սեն-սացիոն հայտնագործումների, այլ իրական պատմական պատկերի վերականգնման՝ իր բոլոր հակասություններով հանդերձ: «Հասարակության մեջ և գիտնականների շրջանում գոյություն ունի հետաքրքրություն դեպի տոնական ու շքեղաշուրջ Անին, — ասում էր Ն. Մառը, — բայց չի կարելի մոռանալ, որ որքան էլ փոքր էր Անին, այնուամենայնիվ, այնտեղ ապրել են և հասարակ մահկանացուներ, աշխատավորներ, արհեստավորներ, մանր առևտրականներ, ընդհանրապես աշխատավոր մարդիկ: Նրանց կենցաղի, որքան էլ այն համեստ ու անհրապուլր լինի, նրանց անշուր բնակարանների ու տբնտեսության, մի խոսքով առօրյա և ամենօրյա Անիի ուսումնասիրությունը ոչ պակաս հասարակական-պատմական հետաքրքրություն է ներկայացնում»⁷:

Մասի զեկավարությամբ Անիում հիմնադրվեց փաստուրնեն իսկական հնագիտական ինստիտուտ: Թեև պաշտոնական հաստատում չստացած, այդ ինստիտուտը գործում էր իրեւ իսկական գիտահետազոտական հաստատություն՝ աշխատակիցների բավականին կայուն կազմով, գիտական աշխատությունների սեփական շարքով, հնագարանով: Իր փայփայած հաստատության գործունեությունը ծրագրելիս Մառը ինչ-որ շափով առաջնորդվել է 1894 թ. Կոստանդնուպոլսում հիմնված ուսումնական մի այլ հնագիտական ինստիտուտի օրինակով: Անին, սակայն, ունեցել է իր առանձնահատկությունները, նախ և առաջ՝ այն սեբտորեն կապված էր հայ հասարակության հետ: Անիի հետազոտական ինստիտուտը Հայաստանում գործող առաջին գիտահետազոտական հաստատությունն է եղել: Հետազայում այն հիմք է ծառայել 1918 թ. Թիֆլիսում ստեղծված Կովկասյան պատմահնագիտական ինստիտուտին, որից, կարելի է ասել, սկիզբ են առնում Հայաստանի, Վրաստանի և Աղրբեջանի մի շարք այլ գիտական հիմնարկություններ:

Մասնակիցների համար Անիի պեղումները հնագիտական հիանալի դպրոց են եղել: Այդ արշավներից Հ. Օրբելին ստա-

ցավ և նյութի, և նրա վերլուծության խոր գիտելիքներ: Անիի հուշարձանների դիտումները ծնեցին մի շարք նոր ու կարևոր գաղափարներ: Այդ գաղափարները շուտով դրվեցին Առաջավոր Ասիայի մշակույթին նվիրված նրա աշխատությունների հիմքում: «Իր գիտական գործունեությամբ և գիտական աշխարհայցքի զարգացմամբ Հ. Ա. Օբբելին մեծ շափով պարտական էր ուսումնասիրվող իրական առարկաների հետ եղած անմիջական շփմանը», — նշում էին հետագայում Ն. Յա. Մառը, Ս. Ֆ. Օլդենբուրգը (1863-1934) և ի. Յու. Կուչակովսկին (1883-1951)⁸:

Անիում, հիշում էր Հ. Օբբելին, «շարունակվում էր և լեզուների, և պատմության, և բանասիրության, և արվեստի պատմության ուսումնասիրությունը՝ պեղված հնագույն հուշարձանների հիման վրա: Այդ բոլորը աշակերտներին էր անցնում հենց իրենից՝ Մառից... Աշակերտների հետ նա սիրալիր էր, ինչպես երեխաների հետ, ժպտալով մեղ անվանում էր «տղաներ», բայց սխալի դեպքում՝ վրդովվում ու պատասխան պահանջում, ասես մենք չափահաս էինք, իրեն հավասար»⁹:

Առաջին անգամ Հ. Օբբելին Անի եկավ 1906 թ.: Արշավը հաջող էր անցնում, ավարտվել էր Գագկաշեն եկեղեցու (որը Զվարթնոցի ընդօրինակումն էր) մաքրումը: Հենց այդ ժամանակ էր հայտնաբերվել Գագիկ Ա. թագավորի (990-շուրջ 1017) արձանը՝ շալմայով, տաճարի մանրակերտը ձեռքին: Գագկաշեն տաճարում գտնվեց XI դ. պղնձյա հսկայական մի շահ, այնքան ծոմոված ու այլանդակված, որ սկզբում դրա կառուցվածքը անհասկանալի էր անգամ ընդհանուր գծերով: Զահի վերականգնումը ն. Մառը հանձնարարեց Հ. Օբբելուն, վերջինս միևնույն Ալեքսանդրապոլ (այժմ Լենինական) և մեկ շաբաթ սովորեց փականագործի մոտ, ապա հավաքեց կտորները և, ելնելով հայտնաբերման ժամանակ ունեցած դիրքից, վերականգնեց շահը իր նախնական ձևով:

Այդ ժամանակվահից Հովհանք Օբբելին համարյա ամեն ամառ անցկացնում էր Անիում, դառնալով Մառի առենամերձավոր աշխատակիցը: Այլ պարտականությունների հետ միասին տնօրինում էր Անիի հնագարանը: Վերջինս հիմնվել

էր մասնավոր միջոցների շնորհիվ: Սկզբում հնադարանի համար հարմարեցված էր այն շենքը, որը XI դ. դարձվել էր մզկիթ (*Մանուչեի մզկիթը*): 1906 թ. հաշվեավության մեջ ն. Մառը նշում էր. «Վերջապես, շատ էին Անիի թանգարանի ժաքրման, կարգի բերման, հնությունների նկարագրման ու տեղադրման աշխատանքները: Սակայն այստեղ շարվեց այն ամենը, ինչ անհրաժեշտ էր, իսկ այն, ինչ արված է, ձեռք է բերվել շնորհիվ նրա, որ այս տարի ևս ունեի հիանալի աշխատակիցներ՝ նկարիչ Ա. Տ. Պոլտորացկի և ուսանող Հ. Ա. Օրբելին: Որոնք առանց ձեռքերը ծալելու թանգարանում աշխատում էին ոչ միայն ցերեկները, այլ երբեմն նաև գիշերները»¹⁰:

1908 թ. սեպտեմբերին ավարտվեց թանգարանի նոր շենքի կառուցումը: Այժմ Մանուչեի մզկիթում (առաջին բաժանմունք) պահպում էին մանր առարկաները և Գագիկի արձանը: Իսկ նոր թանգարանում (երկրորդ բաժանմունք) տեղավորված էին արձանագրությունները, ճարտարապետական մանրակերտներն ու խաչքարերը:

Անիի այցելուների թիվը մեծ էր: Ամռանը այնտեղ լինում էր մոտ երկու հազար մարդ: Գալիս էին նաև հեռավոր նահանգներից: Այցելուների մի զգալի մասը կազմում էին օտարերկրացիները: Հովսեփ Օրբելուն հարկ էր լինում տաքընդարձակ բացատրություններ, որոնք հաճախակի վեր էին ածվում իսկական դասախոսությունների: Զերք բերված փորձի հիման վրա Հ. Օրբելին պատրաստեց և «Անոյ շարքում» հրատարակեց պեղվող քաղաքի ուղեցուցը, ապա կազմեց հնադարանում պահպող նյութերի գիտական ցուցակը, իսկ ամփոփելով այն գիտելիքները, որոնք կուտակվել էին Անիի պատմության և նրա հուշարձանների վերաբերյալ՝ հրատարակեց նաև «Անոյ ավերակները» հանրամատչելի մի փոքրիկ գրքույկ:

1909 թ. Հ. Օրբելին ձեռնարկեց մի ինքնուրույն ճանապարհորդություն դեպի պատմական Հայաստանի գավառներից մեկը՝ Խաչեն (Լեռնային Ղարաբաղում): Ուղեսորությունից առաջ մանրամասն ուսումնասիրել էր Խաչենի տիրակալ Հասան Քալալի դաշույնի երախակալը, այդ կապակցությամբ

նաև՝ ողջ գավառի պատմությունը։ Մանրթանալով աշխատության ձևագրին, Ն. Մառը հիմք ուներ առաջադրել հենց Հ. Օբելու թեկնածությունը։

Ամսավա մեծ մասն Անիում անցկացնելուց հետո, Հ. Օբելին ուղևորվեց դեպի Ղարաբաղ։ «Այստեղ եղած ժամանակ, — գրում էր նա իր հաշվետվության մեջ, — ինձ հաջողվեց շրջագայել Ջիվանշիրի գավառի միայն «նախալեռնային» (իրականում շատ լեռնոտ) մասը, այն էլ մասսամբ։ Այն բոլոր հուշարձանները, որոնք ես այցելեցի, վերաբերում են գլխավորապես XIII դարին, մասամբ XII և XIV դարերին... Բոլոր վայրերում պատճենահանեցի 220 արձանագրություն, ընդ որում նրանց մի մասը մինչև օրս անհայտ է եղել։ Հետազայում, 1911 թ. Հ. Օբելին ներկայացրեց իր ուսումնասիրությունը որպես ավարտական շարադրություն։

Այդ համեմատաբար կարծատե ինքնուրույն գիտական ճանապարհորդությանը հաջորդեց մեկ ուրիշը՝ այս անգամ բոլոր առումներով ավելի բարդ. խոսքը դեպի Մոկս ձեռնադկած ուղևորության մասին է։ Մինչև կյանքի վերջը Հ. Օբելին մնաց Մոկսում տեսածի ու լսածի տպավորության տակ։ Նա Արելյան ֆակուլտետի վերջին կուրսում էր, երբ 1910 թ. սեպտեմբերի 22-ին Գիտությունների ակադեմիայի Պատմաբանասիրական բաժանմունքի նիստում Ն. Յա. Մառը առաջարկեց Վան ուղարկել մի մասնագետի, որը կզբաղվի այնտեղի հնություններով և ձեռնամուխ կլինի բարբառագիտական նյութերի հավաքմանը։ Զեկուցողի կարծիքով, այդպիսի աշխատանք կարող էր կատարել Հ. Օբելին։ Առաջարկությունն ընդունվեց, և Հ. Օբելին անցավ նախապատրաստական աշխատանքի։ «Ի՞նչարկե, ստիպված եմ շատ պարագել ու պատրաստվել այդ ուղևորությանը, որովհետև ինչպես իր պայմաններով, այնպես էլ ըստ իր էության դա շատ պատասխանատու աշխատանք է, — գրում էր Հ. Օբելին ծնողներին 1910 թ. գեկտեմբերի 12-ին։ — Հիմա պատրաստվում եմ գլխավորապես լեղվի գծով։ Դա, իսկապես, ամենադժվարն է, բայց ի ուղևորության հիմնական նպատակն է»։ Եվ, իրոք, հարկավոր էր կարելվույն շափ յուրացնել Մուշի և Մոկսի բարբառ-

ները, որոնք այնքան հեռու էին թե՛ գրական լեզվից, թե՛ Օռ-
բելուն մանկուց հարազատ Թիֆլիսի հայերենից:

1911 թ. հովհանքի 1-ին Հովսեփի Օրբելին Բաթումից մեկնեց
Կոստանդնուպոլիս և Տրապիզոնի, Բայրութի (Բաբերդ) ու
Էրզրումի (Կարին) վրայով ուղևորվեց Վան: Ճանապարհին
նա լուսանկարեց և նկարագրեց մի շարք ճարտարապետական
հուշարձաններ, ընդօրինակեց արձանագրություններ: Օգոս-
տոսի 14-ին հասավ Վան և որոշեց կենտրոնանալ Մոկսի հայ
բնակչության բարբառի ուսումնասիրության վրա:

Մոկսն ընկած է Վանա լճի հարավային մասում և բոլոր
կողմերից շրջապատված է լեռներով: Հովսեփի Օրբելին ձիով
համար Մոկս և մնաց այնտեղ 5 շաբաթ: Նահանգի կառավար-
չությունը կենտրոնացված էր Ֆինդ թաղերից, փաստորեն հինգ
համարյա միաձուլված գյուղերից բաղկացած Մոկս «բաղա-
քում»:

Մոկսի մշտական նստակաց բնակչությունը կազմում
էին հայերը (672 տուն), հաստատվել էին նաև քրիեր (սունիի
դավանության՝ 640 տուն): Այս-
տեղ ապրում էր նաև թուրքական պաշտոնյանների երեք-ըստ
ընտանիք:

Հ. Օրբելին ձեռնամուխ եղավ Մոկսի բարբառին վերաբերող
նյութերի հավաքմանը, կազմեց հատուկ բառարան. «Բառա-
րան մտան առօրյա կենցաղի բոլոր այն բառերն ու արտա-
հայտությունները, որոնք վերաբերում են դաշտային աշխա-
տանքներին, արհեստներին, անասունների ու բույսերի անուն-
ներին, մի խոսքով այն ամենին, ինչը կարելի է տեսնել շուր-
ջը... Արժեքավոր ծառայություն մատուցեցին ինձ երեխանե-
րը, որոնք աշխատանքս դիտում էին որպես զվարճակիք և
ամեն բոպե վազում մոտս հարցնելու՝ գրել եմ արդյոք այս
կամ այն բառը», — հայտնում էր երիտասարդ ուսումնասի-
րողը Գիտությունների ակադեմիային ներկայացրած հաշվե-
տվության մեջ: Բառացանկում տեղ էին գտել գրառումներ
թաղիքագործների և բուրդ զգողների (որոնք տեղական բար-
բառով կոչվում էին կատան) գաղտնի լեզվից: Կատաններն
ապրում էին Մոկսի մի քանի շրջաններում, բայց ամեն աշուն

Հեռանում արտագնա աշխատանքների: Հ. Օրբելին կարողացավ կազմել տեղական բարբառի հոլովման և խոնարհման հատուկ աղյուսակներ, դրի առավ առակներ, հերիաթներ, զվարձալի պատմություններ, որոնցում «քաղաքացի» հեղինակները հումորով (երբեմն բավականին կծու) արտահայտվում էին գյուղացիների բարքերի մասին: Դրանեց նաև տեղական բալլագներ, երգեր, առակներ և ասացվածքներ:

Զմեռն անցկացրեց վանում, իսկ 1912 թ. գարնանը, հենց որ ճանապարհը բացվեց, նորից ուղևորվեց Մոկս: Երկրորդ ուղևորության ընթացքում ավարտեց հավաքված բնագրերի վրա կատարելիք աշխատանքը և շարունակեց դեռևս ձմռանն սկսած քրդերենի ուսումնասիրությունը: Օգտագործելով հայերեն բառարանի բառացանկը, կազմեց քրդերենի բառարան, ուսուգեց արդեն եղած բառարանները:

Մոկսում Հովսեփ Օրբելին հավաքեց վերին աստիճանի հետաքրքիր՝ թե՛ բանահյուսական, թե՛ բարբառագիտական, թե՛ ազգագրական նյութ: Ի տարբերություն իր նախորդների, նյութը հավաքելիս նա դիմում էր մարդկանց, որոնք երբեք դուրս չեին եկել իրենց ծննդավայրից, ուստի լեզուն, արտասանությունը անարատ էին պահպանել: Առհասարակ, Հ. Օրբելին եղել է միակ եվրոպացի գիտնականը, որն աշխատանքը կատարել է հենց տեղում: Երկրամասի բնակչության շատ սովորություններ, կենցաղացին առարկաներ կալիս էին շատ հնաց: Այսպիս, և Մոկս «քաղաքում», և Զեստան գյուղում նանկատեց ահագին սալերից կառուցված շինություններ, որոնց ներսում կային կարծր բարից տաշած հակայական անիվներ: Դրանք ձիթհաններ էին, որոնք միանույն ժամանակ կարող էին ծառայել որպես գինգ: Այդպիսի անիվներ հայտնի էին Անիում, Մըհենում, իսկ 1936 թ. հայտնաբերվեցին նաև Ամբերդում, բայց միայն Մոկսում կարելի էր դիտել գրանք աշխատելիս:

Մոկսի Մուրթուլա: Բեգի տանը գիտնականը ուշադրություն է դարձնում պատուհանի գոգին դիզված բառակուսի հարթ բարձերին: Երբ երեկոյան տանտիրոջն այցելում էին հյուրեր՝ բրդեր և հայեր, այդ բարձերը դրվում էին հատակին, և պատվավոր հյուրերը նստում էին դրանց վրա: Առավել մեծանունը

կարող էր ստանալ նաև երկրորդ բարձը: Բարձերը դարսում էր «մեջմանդարը» (Հյուրենկալը), ընդ որում՝ մի գեպքում տան տերն էր բերելու նշան տալիս, մյուս դեպքում՝ մեջմանդարը բարձը բերում էր, չսպասելով նշանի: Հյուրերը նստում էին հատակին, ըստ ավագության և անվանիության, ճիշտ այնպես, ինչպես տեղավորվում էին հին Պարսկաստանում և հին Հայաստանում պալատ հրավիրված ազնվականները: «Բարձը» (ինչպես և «գահը») խորհրդանշում էր հասարակական սանդուղքի վրա նախարարի գրաված աստիճանը: Հետագյում Հ. Օրբելին կռահեց, որ էրմիտաժում պահվող մի ըսկուտեղի վրա պատկերված են հենց այդպիսի բարձեր, իսկ նրանց կույտի վրա հենված գահին նստած է Խոսրով Անուշիրվան արքան:

1912 թ. Հ. Օրբելին հնարավորություն ունեցավ ուսումնասիրել նաև Աղթամար կղզին, նրա հնությունները, հատկապես հոչակավոր տաճարը: Հետագայում նա մեծ աշխատություն գրեց այդ մասին, որը լույս տեսավ հետմահու:

Մոկս կատարած ուղևորությունը մեծապես ազգեց Հ. Օրբելու աշխարհայացքի վրա: 1895-1896 թթ. հայկական շարդերն արձագանք գտան ամբողջ աշխարհում: Մասնավորապես Ռուսաստանում հայերի աղետավոր ճակատագրի մասին հաղորդվում էր և հատուկ աշխատություններում, և պարբերական մամուլում: Հայտնի է, որ ճգույն ապահովել իր շովինիստական քաղաքականությունը, սովորական կառավարությունը կաշառում էր քուրդ ցեղապետներին, քրդերին գրգռում հայ գյուղացիության դեմ: Այդ բոլորի մասին Հ. Օրբելին գիտեր, անշուշտ, ոչ միայն գրավոր ազբյուրներից: Եվ աճա նա ընկնում է լեռնային մի մարդ, ուր խաղաղ հարևանություն են անում հայերն ու քրդերը, ուր միահյուսվում են նրանց կենցաղը, զուգընթաց զարգանում ժողովրդական բանավոր ստեղծագործությունը: Երիտասարդ գիտնականի վրա մեծ տրապավորություն էր թողել Մուրթուկա բեգը: «Ապրում եմ մուգիրի (տեղամասային պրիստալի) քրդական բեյի՝ հայկական կոտորածի ժամանակ հայերի պաշտպաններից մեկի և մեծ ոռուսասերի տանը: Ես հազվադեպ եմ հանդիպել այդպիսի հա-

մակրելի և գեղեցիկ ծերունու։ Եվ ամենից գլխավորը՝ նա զարմանալիորեն բարեկիրթ է, թեև Վանից այն կողմ ոչ մի տեղ չի գնացել։ Ինձ հիանալի է վերաբերվում», — նկարագրում է Հ. Օբբելին 1911 թ. սեպտեմբերի սկզբին ծնողներին ուղղված նամակում։ Ընդգծելով Մուրթուլա բեգի գերը հայերի կոտորածի ժամանակ, նկատի է ունեցել հետեւյալը։ 1895 թ. Ողիմ գյուղը շրջապատված էր գազաված ֆանատիկոսների ամբողջով, և միայն Մուրթուլա բեգի անձնազո՞հ միջամտությունը փրկեց այդ գյուղի բնակչությանը։

Սոկսի քրդերի, նրանց հոգեկան հատկանիշների մասին Հովսեփ Օբբելին միշտ սիրով էր հիշում։ Կրկնում ու կրկնում էր, թե ինչպես նա Մոկսում հասկացավ, որ ոչ թե քուրդ ժողովորդն է հայերի ոխերիմ թշնամին, այլ քրդերին հայերի գեմ սաղրող թուրքական վարչակազմը։

Ավարտելով Մոկսին նվիրված աշխատությունը, գիտնականը ցավով նշում էր, որ 1915 թ. եղեռնից փրկվեց միայն մի քանի հայ ընտանիք. բնակչության մի մասը բնաջնջվեց, մյուս մասը փախուստի գիմեց. Մոկսն ամայացավ։ «Իսկ 1911-1912 թթ., երբ ես եղա Մոկսում, այնտեղ շատերն էին ապրում, կյանքն աշխատանքի մեջ էր ընթանում և զուրկ չէր փոքր ուրախություններից, թեև պայմանները անիրավ էին ու ծանր։ Եվ հատկապես ցավալի է գիտակցել, որ այն քիչը, որը ես կարողացա գրառել Մոկսում՝ և բնագրերի այս փոքր ժողովածուն, և հայկական, և քրդական բառարանները, կարծես, վերջին վկայություններն են հայերի և քրդերի՝ երկու ժողովորդների մի քանի հաղար ցավակների լեզվի, կացութաձևի, սովորությունների, աշխատանքի և ուրախության մասին»¹¹։

Վանում եղած ժամանակ Հ. Օբբելին մասնակի պեղումներ սկսեց վան քաղաքի մոտակայքում գտնվող Թոփրակ-կալե (Հողաբերդ) բլուրում, տեղացի բնակիչներից և հնավաճառներից գնեց մի շարք հետաքրքիր հնագիտական-ազգագրական առարկաներ, որոնք հետագայում հանձնեց էրմիտաժի

Վերադառնալով Պիտերբուրգ, Հ. Օբբելին իր աշխատանքների մասին հանգամանորեն գեկուցեց Գիտությունների

սկագեմիալի Պատմա-բանասիրական բաժանմոմքում և Բուսական հնագիտական ընկերության Արևելյան բաժանմունքում։ Գիտական աշխարհն այդ ելույթներն ընդունեց մեծ հետաքրքրությամբ։ Այնուհետև երիտասարդ հայագետը ձեռնամուխ եղավ մագիստրոսական աստիճան ստանալու համար նախատեսված քննություններ հանձնելուն և սկսեց պատրաստվել Արևելյան լեզուների ֆակուլտետում դասավանդելու համար։ 1914 թ. ապրիլի 25-ին նա կարդաց իր փորձնական դասախոսությունը՝ «Սելզուկյան գմբեթային դամբարանների և տապանաքարերի կախյալությունը համապատասխան հայկական հուշարձաններից» թեմայով։ Նույն թվականի սեպտեմբերի 6-ին, արդեն որպես դասախոս, նա սկսեց իր՝ հայկական վիմագիր արձանագրություններին նվիրված դասընթացը։

1892 և 1893 թթ. Անիում պեղումներ կատարելիս Ն. Մառը հավաքեց նաև արձանագրություններ, միաժամանակ ստուգելով այլ գիտնականների կողմից առաջարկված ընթերցումները։ Ն. Մառը մտադիր էր արձանագրությունների լիակատար դիվան կազմելու սկիզբ դնել, սակայն, ծանրաբեռնված լինելով այլ աշխատանքներով, նա գրեթե դադարեցրեց իր պրպտումներն այդ ուղղությամբ, իսկ երկու տասնամյակ հետո վերահանձնարարեց այդ գործը Հ. Օրբելուն։ Արդեն Դարպաղում եղած ժամանակ (1909 թ.) Հ. Օրբելին ընդօրինակել էր շուրջ 220 վիմագիր արձանագրություն, իսկ 1913 թ. սկսած նրա կարևորագույն աշխատությունները պատկանում են հենց այդ բնագավառին։ Հ. Օրբելին ձեռնամուխ եղավ հատկապես Անիի արձանագրությունների հավաքմանը՝ մի գործ, որ լույս տեսավ, ցավոք, հետմահու։

Հ. Օրբելու հետաքրքրությունների շրջանակը շարունակ ընդլայնվում էր։ 1916 թվականը նրա կյանքում նշանավորվեց ուրարտագիտությանը մատուցած կարևոր ժառայությամբ։

Դարասկզբին ուրարտագիտությունը տակավին նոր գիտություն էր, որը դժվարությամբ էր անշատվում ասորագիտությունից։ Արձանագրական նյութը բավականին առատ էր, ուրարտերեն լեզվի ուսումնասիրությունը շոշափելի արդ-

յունքներ էր տալիս, սակայն Վանի թագավորության հնագիտական ուսումնասիրությունը դեռևս սաղմնային վիճակում էր: Սիստեմատիկ պեղվում էր միայն Թոփրակ-կալե բերդը, մինչդեռ Վանի հնությունների նկատմամբ հետաքրքրությունն աճում էր տարեցարի, իսկ Մառը իրեն հատուկ կըրքությամբ պաշտպանում էր ուրարտացիներից դեպի Հայերն ու վրացիները ձգվող պատմական ու մշակութային կապերի դրույթը: Զեկուցելով Վանի շրջակալքում կատարած պեղումների մասին, Հ. Օրբելին շեշտում էր, որ «զգալի արդյունքներ կարելի է սպասել Հետագա պեղումներից»: Ծուսական Հնագիտական ընկերության Արևելյան բաժանմունքը բազմիցս հարց էր Հարուցել դեպի Վան արշավախումբ ուղարկելու վերաբերյալ, սակայն նման ձեռնարկումը հաջողվեց իրականացնել միայն 1916 թ., երբ ինդիր առաջացավ անհապաղ արշավախումբ ուղարկել Հարավային Հայաստան՝ պատերազմական գործողություններով ու կոտրածներով վտանգված Հայկական մշակութային արժեքները գեթ մասմբ փրկելու համար: Նախաձեռնողը դարձյալ ն. Մառն էր: Ն. Մառը, Հ. Օրբելին, Ս. Տեր-Ավետիսյանը և այլք ուղևորվեցին Վան, որն այդ ժամանակ գրավված էր ոռուսական զորքերի կողմից: Հունիսի 11-ից մինչև Հուլիսի 16-ը Մառը պետք է թոփրակ-կալե բլուրը, իսկ Հ. Օրբելին (Հունիսի 22-ից մինչև Հուլիսի 16-ը)՝ Վանի ժայռի մոտակայքը: Թուրքական Հարձակումը և ոռուսական զորքերի նահանջը ստիպեցին գիտնականներին արագացնել իրենց վերադարձը:

Վանի ժայռի նկարագրությանը Հ. Օրբելին պիտի ծանոթացած լիներ դեռևս ուսանողական տարիներին, երբ ընթերցում էր Մովսես Խորենացու «Հայոց պատմությունը» (Գիրք Ա, գլ. 16): Ժայռի Հյուսիսային լանջերին, Վանի Միջնաբերդի պարիսպների մոտ, երեսում էին քարաժայռի մեջ փորված երկու խոր որմնախորշեր, որոնք կիսով շափ լցված էին հողով: Արևմտյան որմնախորշի արևելյան պատի վրա փորագրված էր ուրարտական Սարդուրի Բ թագավորի սեպագիր արձանագրությունը: Արձանագրության վերջին տողի տակ ինչ-որ տառեր էին երևում: Պեղումները ցույց տվին, որ դրանք հայե-

բեն տառեր են, որոնք հայտնի են եղել արձանագրության արդեն առաջին հետազոտող Ֆ. Շուլցին:

Թվում էր, որ որմնախորշերը ունեն աննշան բարձրություն, և Հ. Օրբելին ցանկացավ պարզել արևմտյան որմնախորշի ձևը ու նշանակությունը: Հունիսի 22-ին սկսեցին այն պեղել: Աշխատանքը ծանր էր և թվում էր ապարդյուն: Եղանակությունը, և ինքը՝ Հ. Օրբելին, արդեն սկսել էին հուսահատվել, երբ հունիսի 28-ին, երեկոյան ժամը 4-ին, 2 մետր խորության վրա երեաց ուղղանկյուն կտրվածք ունեցող, երկու կողմերից մշակված մի մեծ կոթող: Երբ կավը հեռացրին, պարզվեց, որ բոլոր շորս հղկված կողերի վրա կան սեպագրեր: Դա մի բնորոշ ուրարտական կոթող էր՝ զուգահեռանիստ ձևի, կլոր վերնամասով, ըստ որում՝ կոտրված: «Դժվար չէ պատկերացնել, — հաշվետվության մեջ գրում էր Հ. Օրբելին, — թե ինչպիսի անհամբերության մթնոլորտում էին շարունակվում մեծ զգուշություն պահանջող և անձնակազմի անդամների կողմից հիմնալի կատարվող աշխատանքները՝ կոթողը մաքրելու և փորել-հանելու համար. շատ հուզմունք և ուրախություն էր պատճառում այն, որ արձանագրությունն անսահման էր թվում. կոթողի վերին, այսինքն՝ հարավային նիստի մաքրմանը զուգընթաց, այն շարունակ դեպի խորն էր գնում»: Շուտով որմնախորշի հետնապատի վրա հայտնաբերվեց և մաքրվեց ևս մեկ արձանագրություն:

Պեղումները շարունակվում էին. երեաց խորանարդաձև պատվանդանը՝ իր բնով, ուր մտնում էր կոթողի ելուստը, որի շարդված լինելու պատճառով կոթողը թերվել էր: Երբ պեղումները դադարեցրին, կոթողը նախապես երեք անգամ պտտեցին իր առանցքի շուրջը; որպեսզի հնարավոր լիներ արձանագրությունը լուսանկարել ամբողջությամբ, ապա այն դրին իր տեղը:

Պեղվեց նաև արևելյան որմնախորշը: Այստեղ հայտնաբերվեց մեր թվարկության 949-950 թթ. տապանախաչ, հայերեն արձանագրությամբ. «ԶԳՈՒՐԳԵՆ ՅԻՇ(Ե)Ա. Ի Ք(ՐԻՄ-ՏՈ)Ս»: Հ. Օրբելու կարծիքով տապանը Վասպուրականի թագավոր Գագիկ Ա Արծունու եղբայր Գուրգենին էր:

Արևելյան որմնախորշի հատակի գույնը ցույց էր տալիս, որ այստեղ երբեկցե կոթող է եղել:

Հ. Օրբելու հայտնաբերած ուրարտերեն արձանագրությունները բովանդակում էին մ. թ. ա. VIII դարի կեսերին իշխած Սարդուրի Բ թագավորի տարեգրության նշանակալից հատվածներ: Այն վերաբերում էր Ուրարտուի ժաղկման շրջանին, հաղորդելով կարեռագույն տեղեկություններ դարաշրջանի իրադարձությունների մասին: Բնական է, որ արձանագրությունների հայտնաբերումը Հ. Օրբելուն բերեց մեծ և արժանի փառք: Մինչդեռ գիտնականը համարում էր, որ կատարված է աշխատանքի միայն շնչին մասը՝ այն էլ ոչ ընդհանրապես ուրարտական հնությունների, այլ անգամ Վանի ժայռի ուսումնասիրության բնագավառում «Որմնախորշերի պեղումներով», — գրում էր նա իր հաշվետվության մեջ, — այս տարի հանված է սոսկ մի շնչին բուռ հող այն հսկայական նյութերից, որոնց ձեռք չի տրված, և որոնք մեծ քանակությամբ, բոլորովին բաց վիճակում գտնվում են հողի մակերեսին»:

Վանում կատարված պեղումներն, ասես, խորհրդանշում էին Հ. Օրբելու գիտական ուղու մի որոշ շրջանի ավարտը. 29 տարեկան էր, բայց արդեն ճանաչված գիտնական, ուներ 21 տպագրված աշխատություն, դասախոսում էր Համալսարանում, 1914 թ. ընտրվել էր Ռուսական հնագիտական ընկերության Արևելյան բաժանմունքի իսկական անդամ, դարձել այդ բաժանմունքի գիտնական քարտուղար: Այս շրջափուլի ուսումնասիրություններում զգալիորեն գերակշռում է վերլուծությունը, սակայն առանց լայն ամփոփումների: Հեղափոխությունից հետո Օրբելու կերպարը հիմնովին փոխվեց:

* * *

Հեղափոխությունից հետո Պետրոգրադի, ինչպես նաև ողջ Ռուսաստանի գիտական աշխարհի առջև ելակետացին մի հարց ծագեց՝ ինչպես վերաբերվել կատարված պատմական իրադարձությանը: Ոմանք հավատարիմ մնացին իրենց հետմահերի հայացքներին և անցան Հեղափոխությունը մերժողների ճամբարը: Մի մասը լրեց հայրենիքը: Շատերը շփոթության

մեջ էին, մանավանդ որ ստիպված էին հրաժարվել աշխատանքի սովորական ձևերից, նյութապես ծայրահեղ ծանր վիճակում էին գտնվում, կորցրել էին երբեմնի գիտական կապերը: Բայց քիչ չէին նաև այնպիսիները, «որոնք կողմնորոշվեցին գեղի նոր կարգերը և շարունակեցին ծառայել հայրենական գիտությանը: Պետրոգրադում այդպիսի գիտնականները (մեր խոսքը հումանիտար գիտությունների գործիչներին մասին է) համախմբվեցին Ն. Մարի շուրջը: Նրանց թվում էր նաև Հովհաննես Օբրելին:

Այդ տարիներին հատկապես բացահայտվեցին նրա կազմակերպչական ունակությունները: Զդադարեցնելով հետազոտական աշխատանքը, նա հոանդուն կերպով նվիրվում է մի շարք հիմնարկների վերակառուցմանը: Առաջին հերթին դա վնրաբերում է նյութական մշակութիւն պատմության ակադեմիային:

Մինչև հեղափոխությունը հնագիտական հետազոտությունների պաշտոնական կենտրոնը եղել է արքունի մինիստրությանն առընթեր հաստատված Կայսերական հնագիտական հանձնաժողովը (Հիմնադրվել է 1859 թ.): Նրա խնդիրների շարքին էին պատկանում պեղումների կազմակերպումը և հնությունների ուսումնասիրությունը: 1889 թ. սկսած միայն այդ հանձնաժողովը կարող էր թույլատրել պեղումներ կատարել կամ վերականգնել հեղած կոթողները: Նկատի ունենալով էրմիտաժ թանգարանի շահերը, հանձնաժողովը խրախուսում էր նախ և առաջ անտիկ և սկյութական-սարմատական առարկաների որսնումները: Հանձնաժողովը գլխավորում էին ոռոսական բարձր ազնվականության ներկայացուցիչները, նրա վերջին նախագահը կոմս Ա. Ա. Բոբրինսկին էր:

Հոկտեմբերյան հեղափոխությունից հետո և այս երական հնագիտական հանձնաժողովը վերակազմվեց Ռուսական պետական հնագիտական հանձնաժողովի (1918 թ. նոյեմբեր), իսկ ընտրովի առաջին նախագահը դարձավ Ն. Մարը: Սկսվեց վերակառուցման ծանր աշխատանքը, որին Ն. Մարի, Ա. Յ. Օլդենբուրգի, Վ. Վ. Բարթոլդի, Ա. Ա. Ժերելյովի հետ միասին հոանդուն մասնակցություն ցուցաբերեց Հ. Օբրելին: Նոր հիմ-

Նարկությունը շատառվ ստացավ «Նյութական մշակուլթի պատմության ոռուսական ակադեմիա» անունը, իսկ հետագայում վերանվանվեց «Թետական»։ Համախմբելով պատմաբանների, հնագետների, արվեստի մասնագետների, Ակադեմիան մեծ դեր կատարեց գիտության մի շարք բնագավառներում։

Հ. Օրբելին ընտրվել էր Ակադեմիայի իսկական անդամ, ստանձնել գիտնական քարտուղարի պարտականությունները, ղեկավարում էր 2 բաժին՝ Հայաստանի և Վրաստանի պատմության, Հայաստանի և Վրաստանի արվեստի Բայց հենց այդ տարիներին տարածայնություններ առաջացան Եւսի հետ, որոնց պատճառը դուս գիտական էր՝ Հ. Օրբելին կտրականապես մերժում էր ն. Մառի՝ լեզվի «նոր ուսմունքը»։ Նշանավոր է հետեւյալ փաստը. 1921 թ. սեպտեմբերին Հ. Օրբելին ընտրվում է Գիտությունների ակադեմիային առընթեր Հաբեթական ինստիտուտի անդամ, որը ղեկավարում էր ն. Մառը և որը կոչված էր զարգացնելու և տարածելու վերջինիս «նոր ուսմունքը»։ Բայց արդեն հաջորդ տարվա մարտին Հ. Օրբելին թողնում է հաստիքը, իսկ հետո առհասարակ հրաժարվում մասնակցել ինստիտուտի աշխատանքներին։

1931 թ. Հ. Օրբելին հեռանում է նաև Նյութական մշակութի ակադեմիայից, թողնում է համալսարանը (ուր վարում էր Ս. Առենելքի նյութական մշակութի պատմության ամբիոնը), տալով մի ընդարձակ դիմում՝ լեզուների և բանասիրական առարկաների կրծատուման անթույլատրելիության մասին։ Նա փաստորեն խզում է իր հարաբերությունները Մառի հետ, շատ ծանր ապրելով այդ քայլը։ Հարաբերությունները վերականգնվում են Մառի մահվանից մի քանի ամիս առաջ, երբ Մառը (Հ. Օրբելու ասելով) ինքն էր հրաժարվել իր «նոր ուսմունքից»։

Մակայն լեզվաբանության բնագավառում եղած տարածայնությունները չեին կարող կասկածի տակ դնել Մառի մեծությունը։ Դրախոսելով ն. Մառի «Անի» հոլակավոր գիրքը, նվիրելով ն. Մառին հատուկ հոգված, Հ. Օրբելին շարունակում էր դիտել նրան որպես ոռուսական խոշորագույն արևելագետներից մեկը։ Այն տարիներին, երբ գրվում էին այդ հոգ-

վածները, Մառի նկատմամբ այդպիսի վերաբերմունքը հատուկ էր զիտնականների մեծամասնությանը, այդ թը-վում նաև նրանց, ովքեր շէին բաժանում «նոր ուսումնակի» հիմնական դրույթները: Բայց ուսուցչի նկատմամբ ունեցած հավատարմությունը Հ. Օրբելին պահպանեց նաև այն ժամանակ, երբ լեզվաբանությանը նվիրված ի, Ստալինի հոգվածներից հետո ն. Մառի անունը դարձավ պախարակելի, նրա աշխատությունները հախուն կերպով վատաբանվում՝ իսկ թվացող կամ իսկական հետևորդները ամենուրեք ենթարկվում էին «մշակման»: Եվ հենց այդ պահին, լեզվաբանությանը նվիրված ի. Ստալինի հոգվածների մասին խոսելիս, էրմիտաժի տնօրին Հ. Օրբելին ասաց. «Խոր կերպով օգտագործելով այն ամենը, ինչ որ Մառը գրել է առանձին բանասիրական հարցերի և լեզվաընտանիքների մասին, կարելի է հենարան գտնել հերքելու այն, ինչ որ մտցրել է մեր գիտակցության մեջ մոլար «նոր ուսմունքը»: Մինչդեռ հանել Մառի դիմանկարները, հայտարարել նրան «մերկ արքա», երբ ճշալով այդ անում են նրանք, ովքեր քարոզում էին Մառի անսխալականության մասին՝ հեշտից հեշտ է... Ես ինքս ինձ անվանել եմ, անվանում եմ և կշարում ակեմ անվանել Մառի աշակերտ, սակայն առանց չակերտների: Քանի Մառը կենդանի էր և շփման համար մատչելի, ես կատարում էի աշակերտի այն պարտքը, որին սովորեցրել էր ինձ ինքը Ն. Մառը, այն է՝ ուղղել ուսուցչի սխալները: Ես դա արել եմ. մինչև որ մեր մեջ անանցանելի պատճեշ չէր առաջացել: Ամենամեծ կորուստը ուսուցչի կորուստն է: Ես ապրել եմ այդ կորուստը, բայց, բարեբախտաբար, ժամանակավորապես, որովհետև կյանքի վերջին 3-4 տարիներին Մառը վերաբարձավ իր նախկին հայացքներին դեպի լեզվագիտությունը»: Այնուհետև, խոսելով պատմության և լեզվաբանության գոեհկացված դըրույթների դեմ մղած իր պայքարի մասին, Հ. Օրբելին ընդգծեց, որ էրմիտաժում Մառի կույր պաշտամունք չի եղել, սակայն «եղել է խոր հարգանք դեպի նրա ծառայությունները: Այդ հարգանքը շէր ընդունում անքննադատական ձևեր, նրա վրա, ինչպես ավետարանի, աղոթելու ցանկություն: Բայց

Հարցերում անհասկանալիություն էր տիրում։ Անձամբ ես Մառից ընդունել եմ այն, ինչ որ ինքս եմ ստուգել, այդ ինձ սովորեցրել էր Մառը։

Իսկ 1955 թ. մարտին, ելույթ ունենալով լենինգրադի համալսարանի դասախոսների և ուսանողության առջև, Հ. Օրբելին ասաց. «Մեր արևելագետների, բանասերների, լեզվաբանների սրբազն պարտականություններից մեկն է՝ սահմանադատել լեզվաբանության և մշակույթի հարցերում խոր, ամենախոր ուսումնասիրության հողի վրա կանգնած Մառին այն Մառից, որին մարդիկ (որոնց համար դա ավելի հեշտ էր՝ քան լեզուներ սովորելը) դարձրին իրենց դրոշը։ Իրենց դրոշը դարձրին, որպեսզի հետո կոխուտեն այդ դրոշը և նետեն ցեխի մեջ»¹²։

Հետհեղափոխական տարիներին բացառիկ մեծ էին Հ. Օրբելու ծառայությունները խմբագրական-հրատարակչական ասպարեզում։ Խմբագրի պարտականություններին նա վաղուց էր ծանոթ։ XXII հատորի № 3-4 պրակից սկսած նա խմբագրել է Ռուսական հնագիտական ընկերության Արևելյան բաժանմունքի աշխարհահռչակ պարբերականը։ Դա մի ծանր և պատասխանատու աշխատանք էր, կապված բազմաթիվ արեգելյան գրչությունների հետ։ 1917-1918 թթ. նա առհասարակ լուրացրել էր գրաշարի մասնագիտությունը, որին ծանոթ էր այն տարիներից, երբ սկսել էին լույս տեսնել նրա՝ հայ վիճակությանը նվիրված աշխատությունները։ 1918 թ. լույս տեսավ Հ. Օրբելու ձեռքով շարված իր իսկ գրքույկը, նվիրված Անանիա Շիրակացու «Յաղագս հարցման և լուծման» խնդրագրքին, շարված ճշմարիտ ճաշակով և շքեղությամբ։

Եվ ահա, 1920 թ. մայիսին Հ. Օրբելուն ընտրում են Մըշակույթի պատմության ակադեմիայի հրատարակչական բաժնի վարիչ, իսկ 1921 թ. Գիտությունների ակադեմիայի տպարանի տնօրին։ Ակադեմիայի 1728 թ. հիմնված տպարանը հոչակված էր իր տառատեսակների բազմազանությամբ, որոնց շարքում պատվավոր տեղ էին գրավում արևելյան տպատեսակները։ Այստեղ տպագրվում էին ոչ միայն ուսւա, այլև արտասահմանյան գիտնականների աշխատությունները։ Իսկ Հ.

Օրբելու ստանձնման տարիներին, ընդհանուր քայլայման պատճառվ, պայմանները շատ ծանր էին. պակասում էր էլեկտրաէներգիան, թղթի խիւտ կարիք էր զգացվում, բացակայում էին որակյալ աշխատողներ: Եվ ահա, Հ. Օրբելին հավաքում է գիտական աշխատողների մի խումբ, նրանց գրաշարություն սովորեցնում և ապահովում «Նյութական մշակութիւն» պատմության ոռուական ակադեմիայի տևողեկագրից առաջին հատորի լույս ընծայումը:

Խմբագրելով մի շաբթ գիտական պարբերականներ, Հ. Օրբելին միաժամանակ հայթայինում է տպագրական մեքենաներ, ապահովում բանվորների մթերային մատակարարումը, ձգտում է վերադարձնել որակյալ աշխատողներին, պայքարում ակադեմիական տպարանի դիմագրկման դեմ: Նրա օրոք տպարանը ենթարկվում է Գիտությունների ակադեմիայի և Նյութական մշակութիւն պատմության ակադեմիայի տնօրինությանը և կատարում միայն մասնագիտական պատվերներ:

Թե որքան բարձր է գնահատվել Հ. Օրբելու գործունեությունը որպես տպարանի տնօրինի, կարելի է հավաստիանալ 1922 թ. մարտի 6-ին Գիտությունների ակադեմիայի մշտական քարտուղար, ականավոր հնդկագետ Ա. Ֆ. Օլդենբուրդի նամակից.

«Մեծարգո իոսիֆ Աբգարովիչ,

Ուստական գիտությունների ակադեմիայի կոնֆերանսը (ընդհանուր ժողովը — Կ. Յ.) փետրվարի 4-ին իր նիստում լսեց Զեր Հրաժարականը ակադեմիայի տպարանի տնօրինի պաշտոնից: Կոնֆերանսը միաձայն որոշեց իր խորին շնորհակալությունը հայտնել Զեղ այն ամենի համար, ինչ արված է ակադեմիայի տպարանի օգտին: Կոնֆերանսը քաջ գիտե, որ եթե Ռուսաստանում՝ իր բացառիկ սարքավորումներով այդ միակ տպարանը չկործանվեց հեղափոխության ժամանակ, ապա դրա համար ոռու գիտնականները և, առաջին հերթին, Ակադեմիան, պարտական են Զեղ: Զեր բացառիկ եռանդն ու անձնագությունը փրկեցին գիտական աշխատանքի այդ կարևորագույն միջոցը: Որպես գիտնական և տպագրական գոր-

ծի գիտակ, Դուք, ավելի քան որևէ մեկը, կարողացաք ակադեմիայի տպարանի աշխատանքն այնպես կազմակերպել, որ այնտեղ շարվեին և հրատարակվեին գիտական գրքեր այն դեպքում, եթե մյուս տպարանները չեին կարող այդ անել:

Թույլ տվեք նաև ինձ, որպես մշտական քարտուղարի և տպարանի Զեր աշխատակցի, ավելացնել անձնական շնորհակալությունս այն անխոնջ և բարեկամական պատրաստակամության համար, որով օգնության էիք գալիս մշտական քարտուղարին՝ ակադեմիական հրատարակության գործում։ Հաճախակի տված արժեքավոր խորհուրդների և ցուցումների համար, որոնք վերաբերում էին Ակադեմիայի աշխատությունների տպագրությանը։

Խորապես և անկեղծորեն Զեր հարգող
Սերգեյ Օլդենբուրգը¹³:

Հ. Օբելին այն մարդկանցից էր, որոնք հետհեղափոխական ծանր տարիներին ապահովում էին գիտական օջախների կենդանի շունչը, այն է՝ գիտահետազոտական արտադրանքի հրատարակումը, դարձնելով այն հասարակական սեփականություն։

Զարմանում ես, թե որքան բազմակողմանի է եղել Հ. Օբելու գործունեությունն այդ տարիներին։ Նա շարունակում էր գասավանդել համալսարանում, 1919-1922 թթ.՝ նաև Հնագիտության ինստիտուտում, մեկ տարի Արլեստի պատմության ինստիտուտի պրոֆեսոր էր, մասնակցում էր նաև Լազարյան ճեմարանի աշխատանքներին։

1815 թ. հիմնադրված Լազարյան ճեմարանը 1919 թ. մարտի 4-ին, Վ. Ի. Լենինի ստորագրած դեկրետով, դարձավ Հայկական ինստիտուտ, ասկա վերակառուցվեց Առաջազնության ինստիտուտի, 1920 թ. կոչվեց Արևելյան կենդանի լեզուների կենտրոնական ինստիտուտ, իսկ 1921 թ. վերածվեց Մոսկվայի արևելագիտության ինստիտուտի։ Դեռևս 1918 թ. Ն. Մատը մյուս թեկնածությունների հետ միասին, առաջարկում էր գասախոսության ներգրավել նաև Հ. Օբելուն («Հայպետ, Հայկական վիմագրության, Անի քաղաքի հնություն-

ների, Կովկասի քրիստոնեական և մահմեդական հուշարձանների մասնագետ — Առաջավորասիական Արևելքի պատմության ամբիոնի և Արևելյան արվեստի ու Կովկասի հնությունների ամբիոնի գծով»): Հ. Օրբելին մասնակցեց Լազարյան ճեմարանի վերակառուցմանը և դասախոսական աշխատանքից հրաժարվեց միայն 1921 թ.: Մշտապես ապրելով Պետրովադում, նա միայն ժամանակ առ ժամանակ կարող էր գնալ Մոսկվա:

Այդ նույն ժամանակաշրջանում տեղի ունեցավ մի իրողություն, որը երեք տասնամյակով կանխորոշեց Հ. Օրբելու ճակատագիրը. 1920 թ. նոյեմբերի 1-ին որպես ավանդապահ նա աշխատանքի անցավ Էրմիտաժում, որին նվիրվեց ամբողջ էությամբ: Անիկից հետո այդ թանգարանը դարձավ նրա սիրո իսկական առարկան, որտեղ ամենամեծ չափով բացահայտվեցին և ծաղկեցին նրա՝ գիտության խոշորագույն կազմակերպչի լավագույն կարողությունները: Ավանդապահ ընտրվելուց շատ շանցած, նա գլխավորեց Մահմեդական Արևելքի բաժինը, 1924 թ. ամռանից մինչև 1925 թ. աշունը կատարեց տնօրենի օգնականի պարտականությունները: 1926 թ. Հ. Օրբելին դարձավ իր իսկ նախաձեռնությամբ ստեղծված Արևելքի բաժնի վարիչ, 1933 թ.՝ գիտական մասնագետ-խորհրդատու: 1934 թ. հոմիսին Հ. Օրբելին նշանակվեց Էրմիտաժի տնօրենի սիեղակալ, իսկ մեկ ամիս անց ստանձնեց տնօրենի պաշտոնը: Հասարակության աշքում երկար տարիներ Օրբելին և Էրմիտաժը ի մի էին ձուլվել:

Երբ որպես աշխատակից Հ. Օրբելին առաջին անգամ ոտք դրեց Էրմիտաժի շեմքը, թանգարանը կիսադատարկ էր: Դեռևս 1914 թ. Արքունի մինիստրությունը, որի տնօրինության ներքո էր գտնվում Էրմիտաժը, Մոսկվա Էվակուացցեց հարավ-ուսական և սիբիրյան հնությունները, գրեթե բոլոր թանգարժեք իրերը, արևելյան արծաթեղենը և դրամական հավաքածուների մի մասը: 1917 թ. սեպտեմբերին երկու գնացքով Մոսկվա ուղարկվեցին նկարներ, քանդակներ, ճենապակի և այլն: 811 արկդ և ուշեսնդուկ տեղավորվեցին Կրեմ-

լում: Երրորդ գնացքի ուղևորումը կասեցվեց հեղափոխական իրադարձություններով:

Չնայած հիմնական հավաքածուների բացակայությանը, էրմիտաժում մշակվում էր թանգարանի նոր կառուցվածքը, աշխատակիցները զբաղվում էին հեղափոխությունից հետո ազգայնացված արվեստի բազմաթիվ հուշարձանների հաշվառմամբ և նկարագրությամբ: Բայց ամբողջական կյանքով էրմիտաժը կարող էր ապրել միայն իր արժեքների վերադարձից: Հետո: 1918 թ. հունիսից էրմիտաժի խորհուրդը սկսեց պահանջել իր հավաքածուների վերադարձը, որոնց, այլ վետանգներից բացի, սպառնում էր ցրումը տարբեր թանգարաններով մեկ: Եվ ահա, 1920 թ. հունիսի 23-ին վերջապես որոշվում կայացվեց էրմիտաժի հավաքածուները վերադարձնելու մասին: Թանգարանի մի շաբաթ աշխատակիցներ, այդ թվում նաև Հ. Օրբելին, գործուղվեցին Մոսկվա: Տեղափոխումը կատարվեց բացառիկ հմտությամբ, առանց կորստի և վնասվաճարի: Արդեն նոյեմբերի 28-ին բացվեց Ռեմբրանդտի դահլիճը: Վերահակուացմանը մասնակցող Հովհաննի Օրբելին կարող էր արդյոք մտածել, որ քսան տարի անց, ոմբակոծության դղբրդյունի տակ, ստիպված կլինի դեպի Սվերդլովսկ ուղարկել այդ նույն հուշարձանները, իսկ 1945 թ. կրկին անգամ խորապես ապրել դրանք վերադարձնելու ուրախությունը:

Տասնյակ տարիների ընթացքում էրմիտաժի համաշխարհային հուշակը գլխավորապես կապված էր արևմտաեվրոպական գեղանկարչության հավաքածուների հետ: Արևելյան արվեստի հուշարձանները (շուրջ 10.000 առարկա) ցրված էին տարբեր բաժանմունքներում և հաճախակի դուրս էին մնում հետազոտողի տեսագաղտից: 1909 թ. հայտնի «Արևելյան արծաթ» աշխատավորթյունը հրապարակած Յա. Ի. Սմիռնովը ըստ էության մնացել էր միայնակ: Ցուցադրվում էր հուշարձանների միայն փոքր մասը: Ընդամենը մեկ դահլիճ էր հատկացված Եգիպտոսին և Միջագետքին, փոքր սրահներ էին առանձնացվել Հինարևելյան, դպտի, վաղ քրիստոնեական առարկաներին: Արևելյան իրերի մի մասը մտցված էր «Ռուսական մինչմոնղոլական հնություններ» և «Ռուսաստանյան

սլավոնների հարևանների հնություններ» ցուցադրումների մէջ: Արևելյան գենքը առանձնացվել էր մյուս առարկաներից և ցուցադրվում էր արևմտաեվրոպականի հետ միասին:

Հեղափոխությունից հետո արևելյան հոլարծանների ուսումնասիրությունն ու ցուցադրումը դարձել էին խիստ արդիական, ուստի հարց դրվեց առանձին Արևելյան բաժանմունք ստեղծելու մասին: Բաժանմունքը (որը հետագայում կոչվեց Մահմեդական Արևելքի բաժանմունք) ստեղծվեց Ն. Մարի, Վ. Վ. Բարթոլդի, Ս. Ֆ. Օլդենբուրգի գործում մասնակցությամբ: Հենց այդ բաժանմունքի աշխատակից դաշտավ Հ. Օրբելին:

Երիտասարդ գիտնականն իր գործունեությունն սկսեց թանգարանի այլ բաժիններում ցրված հուշարձանների հավաքումով և ցուցահանդեսի նախապատրաստումով: Շատ հաճախ այդ առարկաներն ունեին ոչ այնքան գեղարվեստական, որքան պատմամշակութային արժեք, և հին ավանդույթներին կապված աշխատակիցները զիմագրում էին նման ցուցահանդեսների բացմանը: Բայց, հենվելով բաժանմունքի այն աշխատակիցների վրա, որոնք համամիտ էին իրենց ղեկավարի գաղափարներին, Հ. Օրբելին կենսագործեց իր ծրագիրը: Այստեղ տեղին է հիշել, որ գաղափարակիցների շարքում էր նաև Կամիլա Վասիլևնա Տրեերը, որը, մասամբ Հ. Օրբելու ազդեցությամբ, հակվել էր Միջին և Մերձավոր Արևելքի մշակույթիների ուսումնասիրությանը, իսկ հետագայում հատուկ ըզբաղվել հայ մշակույթով: 1920 թվականից սկսվեց Հ. Օրբելու և Կ. Վ. Տրեերի ամենօրյա ստեղծագործական համագործակցությունը, որը շարունակվեց 40 տարի: Մինչև Հ. Օրբելու կյանքի վերջին օրերը Կ. Վ. Տրեերը մնաց նրա անսահմանորեն հավատարիմ լնկերը և օգնականը գիտական բոլոր ձեռնարկումներում: Քսանական թվականներից սկսած՝ Կ. Վ. Տրեերը առաջինն էր, որ ծանօթանում էր Հովսեփ Օրբելու տակավին շնորատարակված ձեռագրերին, և հեղինակը շատ բարձր էր գնահատում նրա կարծիքը: Իր մի շարք ուսումնասիրություններում Կ. Վ. Տրեերը զարգացնում էր Հ. Օրբելու մտքերն ու կուսակցումները,

իսկ երկու աշխատություն նրանք պատրաստեցին որպես Հեղակակիցներ:

Սրդեն առաջին ցուցահանդեսը (1922 թ.), որ նվիրված էր սասանյան արվեստին, արժանի փառք բերեց բաժանմունքին: Էրմիտաժում սասանյան արվեստը հարուստ էր ներկայացված, որովհետև բազմաթիվ առարկաներ գտնվել էին Ռուսաստանում, մասնավորապես նախկին՝ Պերմի և Վյատկայի նահանգներում: «Այստեղ՝ կուլտուրական աշխարհի այս խոր ծայրամասերն էին բնրվում արծաթե սկուտեղներ և այլ ամաններ՝ փոխանակելու համար մորթիների հետ. դա կիսավայրենի գաղանորսների գլխավոր հարստությունն էր, որոնց դարերի ընթացքում իրենց սրբավայրերում պահպանել էին հեռավոր իրանի ապրանքները», — գրում էր Հ. Օրբելին: Ցուցահանդեսին նախորդեց տարբեր բաժիններում ցրված առարկաների հավաքման երկար աշխատանք: Ցուցադրված էին նաև այն նմուշները, որոնք էրմիտաժ էին բերվել հեղափոխությունից հետո: Ներկայացված էին էրմիտաժից գուրս պահվող ցուցանմուշներ՝ սկուտեղներ, ափսեներ, գավաթներ, սափորներ, թասեր, կանթեղներ, ջրլիցներ, կաթսաներ, փորագրված քարեր, ոսկե, արծաթե և բրոնզե դրամներ: Անդրադառնալով այդ ցուցահանդեսին, Ա. Յու. Յակուբովսկին հետագայում գրեց, թե այն միշտ կմնա որպես «գիտական ցուցադրման առաջին հաջողված փորձ, որպես ցուցադրվելիք Հուշարձանների հետ կապված որոշակի գիտական պրոբլեմի կամպենիային լուծում»¹⁴:

Էրմիտաժին միացված Շտիգլիցի թանգարանի մեծ դահլիճում 1923 թ. Հ. Օրբելին կազմակերպեց մահմեդական հախճասալերի ցուցահանդես, որին 1925 թ. հաջորդեց երրորդ մեծ ցուցահանդես՝ նվիրված գլխավորապես մահմեդական արվեստին:

Այդ երեք ցուցահանդեսները պայմաններ ստեղծեցին, որպեսզի բաժանմունքը (1921 թ. արդեն անվանվում էր «Կովկասի, իրանի և Միջին Ասիայի բաժանմունք») վերածվի ինքնուրույն Արևելքի բաժնի: Վերջինս պիտի ի մի բերեր էրմիտաժում եղած արևելյան մշակույթի բոլոր նմուշները: 1926 թ.

մայիսին Հ. Օրբելին գլխավորեց նորաստեղծ Արևելքի բաժնի
աշխատանքները:

Գիտակազմակերպչական աշխատանքով գրադադար Հ. Օր-
բելին շարունակում էր նաև մանկավարժական գործունեու-
թյունը: 1925 թ. աշնանից մինչև 1929 թ. գարունը նա ղեկա-
վարում էր համալսարանի Հայ-վրացական բանասիրության
ամբիոնը, իսկ 1929 թ. աշնանից՝ նոր կազմակերպված Արևել-
քի նյութական մշակույթի պատմության ամբիոնը: Քսանա-
կան թվականների կեսերին նրա ունկնդիրների թվում էին Ա.
Վ. Բանկը, Վ. Ա. Բոգովլենդը, Լ. Տ. Գյուղալյանը, Ն. Վ. Դյա-
կոնովան, Ե. Է. Լիպշիցը, Ա. Հաջյանը, Ա. Լ. Յակոբսոնը:
Ավելի ուշ նա դասավանդում է նաև քրդերեն, նրա մոտ սո-
վորել են Ի. Ի. Ցուկերմանը, Ղ. Փ. Քուրդոնը և ուրիշներ: Բայց
հիմնական գործունեությունը ծավալվում էր էրմիտաժում:
Այստեղ նա մշակում և իրավործում է ցուցադրման նոր ըս-
կրդեռներ, շարունակում նմուշների կենտրոնացման աշ-
խատանքը:

Էրմիտաժի գործերով ծանրաբեռնված Հ. Օրբելին երկար
ժամանակ ստիպված էր հրաժարվել հնագիտական հետա-
խուզումներից: Բայց ահա 1928 թ. հնարավորություն առա-
ջացավ մեկնել Դաղստան: Այստեղ մի քանի տեղացի գիտա-
կանների հետ նա ձեռնամուխ եղավ XII—XIII դդ. բարձրա-
քանդակների ուսումնասիրությանը, այցելեց Կուբաչի գյուղը,
ծանոթացավ տեղական արհեստներին: Հաշվառման վերցվեց
ավելի քան 100 բարձրաքանդակ, որոնցից մի քանիսը տեղա-
փոխվեցին էրմիտաժ: Հ. Օրբելին այցելեց նաև Դերենդի ամ-
րոց, որի պարիսպների վրա հայտնաբերեց մի շարք պարս-
կալեզու արձանագրություններ:

Հաջորդ՝ 1929 թ. Հ. Օրբելին կազմակերպեց մի նոր գի-
տական արշավ, այս անգամ ոչ միայն Դաղստան, այլև՝ Հա-
յաստան: Նրա հետ էին Կ. Վ. Տրեերը, Ա. Հաջյանը, Լինի-
գրադի համալսարանի փորձնակներ Ս. Զոլյանը և Ա. Լ. Յա-
կոբսոնը: Արշավախումբը պետք է ծանոթանար պատմական
Հուշարձանների վիճակին, ուսումնասիրեր հեղափոխությու-
նից հետո թանգարաններ մուտք գործած առարկաները, վեր-

շապիս՝ կապ հաստատեր Նյութական մշակույթի պատմության ակադեմիայի և Կովկասի հետազոտական հիմնարկների միջև:

Հովկիսի 22-ից մինչև սեպտեմբերի 3-ը խումբը աշխատեց Հայաստանում: Մասնակիցները գրաղվեցին էջմիածնում և Երևանում պահվող նմուշներով, նպաստեցին նոր ցուցահանդեսի բացմանը, օգնեցին բրոնզի դարից մնացած փայտյա սալի վերականգնմանը: Հ. Օրբելին հատուկ ուշադրությամբ վերաբերվեց Հայաստանի պետական թանգարանում պահվող՝ Անից փրկված առարկաներին, որոնք շնորհ 13. տարի: Ուղևորություններ կազմակերպեցին դեպի Սևան, Արթիկ, Արամուս, Քասախ, Փարպի, Բյուրական, Աշտարակ, Պտղնի, Զվարթնոց, Գառնի, Էլար, Ավան, Բաշքենդ և այլ վայրեր: Հ. Օրբելին եղավ Ամբերդում՝ Պահլավունի իշխանների հոյակապ ամրոցում, և այդ ժամանակ էլ ծրագրեց ապագա արշավախմբի աշխատանքը:

Հայաստան ուղևորվելիս Հ. Օրբելին և Կ. Վ. Տրեերը մեկ շաբաթ մնացին Դաղստանում, ուր ծանոթացան Մախաչկալայի և Դերբենդի թանգարանային հավաքածուներին, զիտեցին շիրմաթմբերը: Հայաստանից Լենինգրադ վերադառնալու ճանապարհին Հ. Օրբելին նորից եղավ Դաղստանում: Դերբենդի քաղաքային սովետում նա մի դեկուցում կարդաց քաղաքի պարիսպների և միջնաբերդի մասին, որից հետո հատուկ ուրոշում ընդունվեց գրանց պահպանության վերաբերյալ:

Վերադառնալով Լենինգրադ, Հ. Օրբելին իր ամբողջ ուշադրությունը կենտրոնացրեց այն առարկաների վրա, որոնք 1931 թ. պիտի ցուցադրվեին միջազգային ցուցահանդեսում:

1926 թ. Պենսիլվանիայում (ԱՄՆ) տեղի ունեցավ իրանական արվեստի և հնագիտության առաջին միջազգային համաժողովը: Այդ առթիվ բացվեց նաև մի հատուկ ցուցահանդես: Համաժողովը որոշում ընդունեց երկրորդ ցուցահանդեսը բացել Լոնդոնում, որունեց նաև հրատարակության պատրաստել մի բաղմահատոր՝ «Պարսկական արվեստի տեսություն» (A Survey of Persian Art): Լոնդոնի երկրորդ համաժողովին մասնակցեց նաև Սովետական Միությունը:



Դիմեսկան 2. Յովկի



Հ. ՕՐԲԵԼԻՆ ՌԱՍՎԵԼՈՂ

Հ. Օրբելին ընտրվեց համաժողովի կազմակերպչական կոմիտեի կազմի մեջ, նրա ղեկավարությամբ էրմիտաժի աշխատանկիցները ցուցանմուշների ընտրություն կատարեցին, և առաջ, 1930 թ. վերջերին նա մեկնեց Լոնդոն՝ իր հետ վերցնելով սասանյան տորետիկայի մի շարք նմուշներ:

Համաժողովը բացվեց 1931 թ. հունվարի 5-ին. նրան մասնակցեցին խոշորագույն գիտնականներ Մ. Ի. Ռոստովցիկը, Ֆ. Զառեն, Դ. Թալբոտ Ռայսը, Ա. Պոռպը, Յո. Ստրժիգովսկին, Վ. Ֆ. Մինորսկին և ուրիշներ: Հ. Օրբելուց բացի, Սովետական Միության պատվիրակ էր նաև պրոֆ. Ֆ. Վ. Կիպարիսովը: Ջեկուցողները համերաշխ էին այն բանում, որ պարսկական արվեստն իր հուժկու ազգեցությունն է գործել հարկան ժողովուրդների արվեստների վրա:

Հունվարի 7-ին տեղի ունեցավ ցուցահանդեսի բացումը: Հետագայում Հ. Օրբելին հիջում էր, որ երբ այդ հանդիսավոր պահից 6 օր առաջ ինքը ծանոթացավ նախապատրաստական աշխատանքների վիճակին, նրա մոտ այն տպավորությունն ստեղծվեց, որ նշանակված ժամկետին աշխատանքները ոչ մի կերպ չեն ավարտվի: Բայց զործում էին համերաշխ, և ցուցահանդեսը բացվեց սահմանված օրը: Գործը թեթևացրեց պիտակների բացակայությունը, անհրաժեշտ բոլոր տեղեկությունները կարելի էր քաղել տպագրված ցուցակից: Ցուցահանդեսում ներկայացված էր 27 ճրկրներից բերված 3.000 առարկա:

Սովետական Միությունը ներկայացրել էր էրմիտաժում, Սրբելյան մշակույթների թանգարանում, Պատմության թանգարանում, Ասիական թանգարանում պահվող իրանական հուշարձանները: Սկզբում, ճիշտ է, լոնդոն ուղարկվեց ընդամենը 30 ցուցանմուշ (էրմիտաժն, օրինակ, վախենում էր, որ արծաթե իրերը տեղափոխման ժամանակ կվնասվեն), բայց արդեն հունվարի 25-ին, ի պատճիւան Հ. Օրբելու վճռական հեռագրի, էրմիտաժը լրացրեց նմուշներ ուղարկեց, որոնց արժեքը, ինչպես հաղորդում էր «Թայմ» թերթը, հասնում էր մինչև 50.000 ֆունտի: Սովետական Միության ցուցանմուշների բանակը կրկնակատկվեց: Դրանք «սասանյան շրջանի»

գերազանցապես ոսկե, արծաթե և բրոնզե իրեր էին: Սովումական թանգարանների և հատկապես էրմիտաժի ցուցանը-մուշները զգալիորեն հարստացրին ցուցահանդեսը և այնպիսի տպավորություն թողեցին համաժողովի մասնակիցների վրա, որ նրանք մեր պատվիրակությանը դիմեցին III միջազգային համաժողովը, համապատասխանաբար նաև ցուցահանդեսը, Սովետական Միությունում կազմակերպելու խնդրանքով: Կառավարական պատասխանը դրական էր:

1931 թ. բացվեց Հ. Օրբելու և նրա աշխատակիցների կողմից պատրաստված Արևելքի բաժնի մշտական ցուցահանդեսը: Ցուցադրումը ծավալուն էր. ներկայացված էին Հյուսիսային Աֆրիկայի և Միջերկրական ծովի, Առաջավոր Ասիայի, Արևելյան Եվրոպայի, Կովկասի, Իրանի, Միջին Ասիայի, Հնդկաստանի և Հեռավոր Արևելքի երկրները: Այդ ցուցահանդեսը մնաց մինաց մինչև 1935 թ., երբ նրա հիման վրա բացվեց մի նոր ցուցադրություն: Այն Հարմարեցված էր մոտակա իրանական արվեստի և հնագիտության միջազգային համաժողովին:

Իր գործունեությունը Հ. Օրբելին շեր սահմանափակում Արևելքի բաժնով. նրա տեսադաշտում էր ողջ էրմիտաժը, հատկապես 1934 թ.՝ Հետո, երբ նա նշանակվեց թանգարանի տնօրեն: Նոր նշանակումը ընդլայնեց Հ. Օրբելու հնարավորությունները՝ իրականացնելու իր մտահղացումները, բայց միաժամանակ աճեցին նաև պարտականություններն ու հոգածերը: Էրմիտաժը դարձել էր տարբեր ինդիրներով զբաղվող խոշոր գիտական հաստատություն: Թանգարանի բոլոր օդակներ թափանցելու և նրանց ղեկավարելու համար լայն գիտելիքներ էին պահանջվում, և Հ. Օրբելին օժտված էր դրանցով: Նա հսկայական նշանակություն էր տալիս պահպանման աշխատանքին, ուստի նրա օրոք աշխատատար գույքագրում և ցուցակագրում անցկացվեց, որի ընթացքում այնպիսի հուշարձաններ հայտնաբերվեցին, որոնք արժանի էին ցուցադրության և գիտական լայն շրջանառության մեջ մտնելու: Գիտական պահպանման հարցերի հետ միասին Հ. Օրբելին մտահոգված էր նաև հուշարձանների փաստական պահպանու-

թյամբ: Զեռնարկվեցին գործուն միջոցառումներ, որոնց շնորհիվ էրմիտաժի գանձերը պահպում էին լիակատար անվտանգության մեջ:

Կազմակերպչական և տնտեսական հարցերը շատ ժամանակ էին խլում: Ժամանակ էր պահանջում նաև հասարակական աշխատանքը (մի քանի անգամ Հ. Օրբելին ընտրվել էր Լենինգրադի քաղաքային սովետի դեպուտատ): Աշխատանքային օրը սկսվում էր արշալույսին և ավարտվում ուշ գիշերը: Տնօրենը խորամուխ էր լինում թանգարանի տեխնիկական հագեցվածության բոլոր մանրութների մեջ, զբաղվում լուսավորության, ջեռուցման հարցերով, սանիտարական վիճակով և այլն: Էրմիտաժը շնորհի կարիք էր զգում, և Հ. Օրբելին երկարատև պայքար էր մղում, որպեսզի եղած շենքերից հանվեն ոչ թանգարանային հիմնարկները: Այդպիսիք էին, օրինակ, Փոքր էրմիտաժ կոչված շենքի տակ գտնվող հեծելազորային դպրոցը կամ նոր էրմիտաժում տեղ գտած գինու պահեստները: Հ. Օրբելու հաստատակամության շնորհիվ էրմիտաժին միացվեցին Զմեռային պալատի առանձին սրահներ, իսկ 1945 թ. թանգարանին անցավ ամբողջ Զմեռային պալատը:

Հ. Օրբելին ելույթներ էր ունենում էրմիտաժի դասախոսարանում, վարում էքսկուրսիաներ, ղեկավարում դպրոցական խմբակներ, դասախոսություններ կարդում բանվորական և գյուղացիական լսարանի առջև:

30-ական թվականները Հ. Օրբելու գործունեության առավել մեծ թափի ժամանակաշրջանն են: Նա հանդես է գալիս որպես մի շարք գիտամշակութային միջոցառումների կազմակերպիչ, նրա ղեկավարությամբ այդ միջոցառումները վերէին ածվում իսկական տոնախմբությունների:

1934 թ. ՍՍՀՄ-ում, Իրանում և մի շարք այլ երկրներում նշեցին պարսից մեծ բանաստեղծ Աբուլ-Կասիմ Ֆիրդուսու հազարամյա հոբելյանը: Լենինգրադում նախապատրաստական աշխատանքը ղեկավարում էր Հ. Օրբելին: Էրմիտաժի և ՍՍՀՄ Գիտությունների ակադեմիայի Արևելագիտության ինստիտուտի ուժերը համախմբվեցին, մայիսի 29-30-ին տեղի ունեցավ ներկայանալի գիտաժողով: Էրմիտաժի թատրոնի

պրոսամբահում բացվեց Ֆիրդուսուն նվիրված ցուցահանդես, որը պատրաստել էր, բնականաբար, Արևելքի բաժինը: Հոբելյանը նշվեց նաև Մոսկվայում (Մեծ թատրոնում կայացած նիստում գլխավոր ելույթը Հ. Օրբելուն էր), ապա Երևանում, Բաքվում, Թբիլիսիում, Տաշքենդում, նաև մյուս քաղաքներում: Հոկտեմբերին Հոբելյանական տոնակատարություններ սկսվեցին իրանում: Սովետական Միության պատվիրակության կազմում էր նաև Հ. Օրբելին, որը Թեհրանում տեղի ունեցած համաժողովում խոսեց սասանյան արծաթի և Շահնամեի աղերսների մասին:

Ֆիրդուսու Հոբելյանի հաջող ավարտից հետո, Հ. Օրբելին զբաղված էր իրանական աղվեստի և հնագիտության III միջազգային համաժողովի կազմակերպմամբ (որը, ինչպես վերևում ասացինք, որոշված էր գումարել Սովետական Միությունում): Այդ տարիներին նա արգեն բացառիկ հեղինակություն ուներ ինչպես մեր երկրում, այնպես էլ նրա սահմաններից դուրս. 1924 թվականից նա Գիտությունների ակադեմիայի թղթակից անդամ էր, իսկ 1935 թ. Հունիսի 1-ին ընտրվեց ակադեմիայի խսկական անդամ (միաժամանակ ակադեմիկոս դարձավ նաև նրա եղբայր Լևոն Օրբելին):

Սեպտեմբերի 11-16-ին Լենինգրադում տեղի ունեցան վերոհիշյալ համաժողովի նիստերը, իսկ եղրափակիչ երկու նիստերը կայանալու էին Մոսկվայում: Համաժողովի կապակցությամբ էրմիտաժում բացվեց մեծ ցուցահանդես՝ նվիրված իրանի և նրա սահմանակից երկրների արվեստին: Սովետական մի շարք թանգարաններից բացի, արժեքավոր ցուցանըմուշներ էին տրամադրել իրանի թանգարանները և մահհղական սրբավայրերը, լուսվը, իրանական արվեստի և հնագիտության ամերիկյան ինստիտուտը, մասնավոր հավաքածուների սեփականատերերը:

Լենինգրադում հավաքված իրանագիտության խոշորագույն դեմքերի առջև Հ. Օրբելին հանդես եկավ սելցուկյան արվեստին նվիրված զեկուցումով, որն իր համարձակությամբ և թարմությամբ պիտի գիտվի իրու այդ շրջանի նրա գիտական խոշորագույն նվաճումներից մեկը: Նշելով Հ. Օրբելու

դերը ամբողջ միջոցառման նախապատրաստման գործում, իրանի ժողովրդական լուսավորության մինիստրությունը նուան պարգևատրեց շքանշանով։ Միաժամանակ նա ընտրվեց Ռէզըրանի համալսարանի պատվավոր պրոֆեսոր։

1936 թ. Հ. Օրբելին մի մեծ արշավախումբ է գլխավորում, որը պիտի հետազոտն Ամբերդ ամրոցը։ Իբրև էրմիտաժի և ՍՍՀՄ ԳԱ հայկական ֆիլիալի ընդհանուր միջոցառում, դրան մասնակցում էին 15 գիտնական՝ Կ. Վ. Տրեերը, Ա. Յա. Բորիսովը, Գ. Գյուկամիրյանը, Ս. Տ. Երեմյանը, Տ. Ա. Իզմայլովան, Ա. Լ. Յակոբսոնը, Կ. Ղաֆարյանը, Բ. Բ. Պիոտրովսկին, Ն. Մ. Տոկարսկին, Ա. Վրուցը և ուրիշներ։ Աշխատանքներն ընթանում էին 1936 թ. սկզբներից մինչև օգոստոսի կեսերը։ Մաքրվեցին Պահլավոնի իշխանների պալատի առանձին մասեր՝ բաղնիքը, մատուռը, գեղի կիրճը տանող ստորերկրյա դետնուղին, X—XI դդ. անցկացված ջրմուղը։ Ճարտարապետական կառուցների պեղումները և գտնված առարկաները պատկերացում էին տալիս XI-XIII դդ. ավատական ամրոցի տնտեսական ու մշակութային կյանքի մասին, մի շրջանի, որի հետազոտությանը Հ. Օրբելին հմտացել էր դեռևս Անիում։

Գիտամշակութային խոշոր միջոցառումները մեծ տեղ են գրավում Հ. Օրբելու 30-ական թվականների գործունեության մեջ։ 1937 թ. նա մասնակցում է Ա. Ս. Պուշկինի մահվան հարյուրամյակին նվիրված Համամիկութենական ժողովին, էրմիտաժում Պուշկինին նվիրված մեծ ցուցահանդես է կազմակերպում։ Հաջորդ՝ 1938 թ. նա գործուն մասնակցություն է ունենում Շոթա Ռուսթավելու 750-ամյա հոբելյանի կազմակերպման և անցկացման աշխատանքներին։ Հոբելյանական հանձնաժողովը գլխավորում էր Ա. Սվանիձեն, Լենինգրադում նրա տեղակալն էր Հ. Օրբելին։ Բայց շուտով իրադարձություններն անսպասելի ընթացք ստացան, ուստի հոբելյանի հետ կապված մի շարք հրապարակումներ ձախողվեցին։ Եվ, այնուամենայնիվ, Հ. Օրբելին ձգտում էր հատուկ փայլ տալ տոնակատարություններին։

1938 թ. հունվարի 16-ին, ՍՍՀՄ ԳԱ հանդիսավոր նիստում Հ. Օրբելին գեկուցում կարդաց «Ռուսթավելու դարա-

Հրշանը» վերնագրով, իսկ Կ. Դ. Դռնդուան խոսեց Շոթա Ռուս-թավելու և վրաց գրականության մասին: Փետրվարին այդ զեկուցումները կրկնվեցին Լենինգրադում, իսկ էրմիտաժում բացվեց Ռուսթավելու դարաշրջանին նվիրված մեծ ցուցահանդիս:

Լրագրերում լույս տեսան: Հ. Օրբելու հողմածները՝ նվիրված Շոթա Ռուսթավելուն, նրա խմբագրությամբ հրատարակվեց «Բնձենավորի» ոռուսերեն թարգմանությունը (թարգմ. Պ. Պետրենկո, շարունակեց՝ Կ. Ճիճինաձե): Միաժամանակ հրատարակվեց նաև «Ռուսթավելու դարաշրջանի հուշարձանները» ժողովածուն, որը Հ. Օրբելին էր ստեղծել բարիս բուն իմաստով: Այդ ժողովածուի առաջաբանը, ներածականը և 7 հոդված ինքն էր գրել, մյուսները՝ նրա մերձավոր աշխատակիցները¹⁵:

Հովսեփ Օրբելին երկար տարիներ կապված էր Անդրկովկասի, հատկապես Հայաստանի գիտական հիմնարկությունների հետ: Այստեղ աշխատում էին նրա դեռևս Անիի պեղումների շրջանի ընկերները: 1938 թ. Հ. Օրբելին ընտրվում է ՍՍՀՄ Գլ. Հայկական ֆիլիալի նախադահության նախագահ (Հավանաբար նաև այդ կապակցությամբ նա ստիպված եղավ թողնել ԳԱ նյութական մշակույթի պատմության ինստիտուտի տնօրենի պաշտոնը, որը համատեղության կարգով ստանձնել էր 1937 թ.): Իբրև ֆիլիալի նախադահ Հ. Օրբելին գլխավորեց «Սպունցի Դավիթ» դյուցազներգության 1000-ամյա հոբելյանը: Նախապատրաստական աշխատանքներն ընթանում էին երկանում և կենինգրագում (էրմիտաժում):

Հայկական այդ հյոյակապ դյուցազներգությունը (որի հնագույն շերտերը ծագել են անհիշելի ժամանակներում, իսկ ընդհանուր առմամբ այն արտացոլում է Հայերի պայքարը արաբական տիրապետության դեմ) մեզ է հասել մի քանի պատումներով: Առաջին գրառումը 1873 թ. կատարել է Հայտնի բանահավաք, բանագետ, երախտաշատ Դարեգին Սրվանձլատյանը: Նրան հաջողվեց գտնել ասացող (Մշո դաշտի գյուղացի Կրպոն), որն իր հիշողության մեջ պահել էր դյուցազներգության կարենուագույն տարբերակներից մեկը: Այդ տարբերակը

Հրատարակվեց 1874 թ.՝ Մշո բարբառով։ Հետագայում գրի առնվեցին նորանոր տարբերակներ, սակայն գիտական առօրյայի սահմաններից այդ բնագրերը դուրս չեկան։ 1902 թ. Հովհաննես Թումանյանը լույս բնծայեց «Սասունցի Դավիթ» հանճարեղ ստեղծագործությունը, և հենց այդ ձևով դյուցադներգությունը տարածվեց ընթերցողների մեջ։ Բայց էպոսն իր նախնական վիճակում ծանոթ էր միայն մասնագետներին։ Եվ ահա գալիք հորելլանի կապակցությամբ սկսվեց համահավաք բնագրի պատրաստման աշխատանքը։

Գիտական պատշաճ հող վաղուց էր առաջացել. 1936 թ. Մանուկ Աբեղյանը, որը գեռևս 1886 թ. գրի էր առել պատումներից մեկը և այնուհետև շարունակում էր զբաղվել դյուցադներգությամբ, Կարապետ Մելիք-Օհանջանյանի հետ միասին հրատարակեց 25 պատում՝ «Սասոնա ծոեր» վերնագրով։ Այդ պատումներից մի քանիսը լույս էին տեսնում առաջին անգամ։ Աշխատանքն այդ ուղղությամբ շարունակվում էր, չնայած 1937 թ. Կ. Մելիք-Օհանջանյանն այլևս չէր կարող նրան մասնակցել։ Համահավաք բնագրին ձեռնամուխ եղան Մանուկ Աբեղյանը, նրա աշակերտ Արամ Ղանալանյանը և բանաստեղծ-բանասեր Գևորգ Աբովը։ Աշխատանքին մասնակցեց նաև Հ. Օրբելին։

Խնդիրը դյուրին չէր։ Պատումները տարբերվում են իրենց կազմով, բարբառով (նրանք ասվել են երեմն միայն մասնագետին հայտնի բարբառներով)։ Այնուամենայնիվ, գժվարությունները հաջողվեց հաղթահարել։ Մասնակիցները վերընթերցեցին հազարավոր տողեր, մինչև կանգ առան համահավաք բնագրի ընդունելի խմբագրության վրա, որը կազմված էր չորս ճյուղից՝ «Սանասար և Բաղդասար», «Մեծ Մհեր», «Սասունցի Դավիթ» և «Փոքր Մհեր»։ Կազմված խմբագրությունը օբյեկտիվորեն արտացոլում էր դյուցազներգության հիմնական գաղափարները, նրա առանցքը. և ընդգրկում էր առավել կարևոր միջադեպերը։ Բնագրիը հրատարակվեց 1939 թ. Հ. Օրբելու խմբագրությամբ ու նրա առաջաբանով և ընդունվեց որպես գիտական-մշակութային խոշոր նվաճում։ Լույս տեսավ նաև ոռուերեն թարգմանությունը (կատարել էին Վ. Վ.

Դերժավինը, Ա. Ս. Կոչետկովը, Կ. Ա. Լիպսկերովը և Ա. Վ. Շերպինսկին):¹⁶

Հորելլանը նշվեց շքեղությամբ, իսկ քիչ անց՝ Մոսկվայում սկսվեց հայկական արվեստի և գրականության տասնօրյակը, որը խոշոր իրադարձություն էր երկրի մշակութային կյանքում:

Հետագա մեկուկես տարում Հ. Օրբելին կլանված էր Նիկամու և Ալիշեր Նավոյիի հորելլանների նախապատրաստական աշխատանքով, մասնակցում էր ՍՍՀՄ ճարտարապետության ակադեմիայի (նրա իսկական անդամ էր ընտրվել 1941 թ. մարտին) գործունեությանը, մտահոգվում էր էրմիտաժում բացվելիք ուսուական բաժնի հարցով:

Բայց ահա՝ սկսվեց Հայրենական պատերազմը: Հովսեփ Օրբելին տարիքն առած մարդ էր (մտել էր վեցերորդ տասնամյակը), հիշողության մեջ, անշուշտ, տպավորվել էին առաջին աշխարհամարտի և քաղաքացիականի արհավիրքները, ուստի դժվար չէ կռահել, թե ինչպես պիտի նա ընկալեր ֆաշիստական Գերմանիայի հարձակման լուրը: Նա քաջ գիտակցում էր այն հսկայական պատասխանատվությունը էրմիտաժի հանդեպ, որ ընկած էր իր ուսերին: Հասարակական պարտքի բարձր գիտակցությունը պատերազմի հենց առաջին ժամերից, երբ որոշում կայացվեց երմիտաժի անհապաղ էվակուացման մասին, պայմանավորեց նրա վարքագիծը: Նա գիտեր, որ պատերազմի դեպքում էրմիտաժի արժեքների փրկության համար միայն սերն ու նվիրվածությունը, որքան էլ դրանք անկեղծ ու անձնագո՞ւ լինեն, բավարար լինել չեն կարող: Հ. Օրբելու դլխավորած էրմիտաժի տեղափոխման ծրագրերը մշակված էին՝ նկատի ունենալով ամենաշնչին մանրամասնություններն անգամ, կազմված էին նմուշների ցուցակներ՝ ըստ էվակուացման հերթականության, էրմիտաժը ապահովված էր փաթեթավորման անհրաժեշտ բոլոր պարագաներով: Հունիսի 30-ին, այն է՝ պատերազմը սկսվելուց 3 օր հետո, առաջին գնացքաշարը շարժվեց դեպի արևելք: Հովսեփ Օրբելին օր ու գիշեր զեկավարում էր փաթեթավորման աշխատանքները: Դրան մասնակցում էին համաշխարհային

անուն ունեցող այլ գիտնականներ ևս, որոնց փորձը և թանգարանային հմտությունը անփոխարինելի եղան այդ օրհասական պայմաններում։ Հովհանի կեսերին արևելք ուղարկեցնակ երկրորդ գնացքաշարը։ Սվերդլովսկում կազմավորվեց էրմիտաժի մասնաճյուղ, ուր աշխատակիցները Վ. Ֆ. Լիինսոն-Լեսինդի ղեկավարությամբ ապահովում էին էրմիտաժի գանձերի պահպանումը։

Լենինգրադի շատ գիտնականների նման Հովհանի Օրբելին մնաց քաղաքում։ Նրա ղեկավարությամբ կարգավորվեց շուղարկված իրերի պահպանումը։ Բացի այդ, պահպանելու և հնարավորության դեպքում՝ էվակուացնելու համար էրմիտաժ էին բերվել կեպլերի և կոմոնոսովի ձեռագրերը, Ա. Ս. Պուշկինի գրադարանը, Պուլկովո աստղադիտարանի աստղագետների գիմանկարները, Կրոնի պատմության թանգարանի մի շարք հավաքածուներ, նյութեր ճարտարապետների միությունից, արվարձանային թանգարանների իրերը և այլն։ Այդ արժեքների մի մասը այնպես էլ մնաց Լենինգրադում, իսկ Գիտությունների ակադեմիայի հավաքածուների էվակուացման համար Հ. Օրբելին 1944 թ. պարզմատրվեց Լենինի շքանշանով։

Զմեռային պալատի ընդարձակ նկուղներում սարքեցին ուժապատարաններ, ուր գնդակոծությունների և ուժբակոծությունների ժամանակ պատսպարվում էր մինչև 2000 մարդ։ Թանգարանի աշխատակիցներն իրենց ընտանիքներով տեղափոխվեցին այնտեղ։ Շատ գիտնականներ, որոնք պաշարված քաղաքում հագիվ թե կարողանային տանել կյանքի նեղությունները, Հ. Օրբելու օգնությամբ թիկունք տեղափոխվեցին։ Փորձության այդ դժվարին տարիներին Հովհանի օգնության հասավ. այդ մասին են վկայում նրան հասցեագրված մի շարք շնորհակալական նամակներ։

Նրանք, ում վիճակված է եղել դիմանալ Լենինգրադի պաշարմանը, վկայում են, որ ամենածանրը եղել է 1941 թ. նոյեմբերի կեսերից մինչև 1942 թ. Հունվարի վերջն ընկած ժամանակը։ Զմեռը ծանր էր, սառնամանիքը հասնում էր մինչև 30°։ Էլեկտրաէներգիայի մատակարարումը սահմանափակված էր, կենտրոնական ջեռուցումը չէր աշխատում, ջրմուղը

առուել էր, կոյուղին շարքից դուրս եկել: Դեկտեմբերի 10-ին տրամվայները դադարեցին երթևեկել: Այդուհանդերձ, քաղաքը շարունակում էր ապրել ու պայքարել, չդադարեց նաև գիտական հիմնարկների գործունեությունը: Այդ սխրագործությանը մասնակցեցին նաև Լենինգրադում մնացած էրմիտաժի աշխատակիցները, աշնանը և ձմռանը էրմիտաժում նշվեց երկու հորելլան՝ բանաստեղծ Նիզամու 800-ամյակը և ուղբեկական գրականության հիմնադիր Ալիշեր Նավոյիի 500-ամյակը:

Հոկտեմբերի 17-ին, պատմում է Բ. Բ. Պիոտրովսկին, Էրմիտաժում կայացավ նիզամուն նվիրված նիստ, որի մասնակիցներից շատերը և երկու զեկուցող եկել էին ուղղակի ուղղմաճակատից: Նիստը բացեց Հ. Օրբելին, նրանից հետո հանդես եկավ բանաստեղծ Ն. Ի. Տիխոնովը: Այնուհետև իրենց զեկուցումները կարդացին Ա. Ն. Բոլդիրկը («Նիզամին և նրա ժամանակը»), Գ. Վ. Պտիցինը («Նիզամին և համաշխարհային գրականությունը») և Մ. Մ. Դյակոնովը («Նիզամին Արեգելքի նկարչության մեջ»): Բանաստեղծ Վ. Ա. Ռոժենկովը կարդաց նիզամուց կատարած իր թարգմանությունները:

Դեկտեմբերի 10-ին կայացավ Ալիշեր Նավոյիին նվիրված նիստը: Հ. Օրբելու ներածական խոսքից հետո «Նավոյին և նրա ժամանակը» զեկուցումով հանդես եկավ Ա. Ն. Բոլդիրկը, իսկ էրմիտաժի աշխատակից Ն. Ֆ. Լեբեդկը կարդաց Նավոյիի քնարերգական բանաստեղծությունների՝ իր թարգմանությունները, որոնք կատարել էր ոմբապաստարանների կառուցման և հրշեց պոստում հերթապահությունների միջև ընկած ժամերին: Օդային տագնապը մի քանի անգամ ընդհատեց նիստը: Դեկտեմբերի 12-ին, երկրորդ նիստում Բ. Բ. Պիոտրովսկին կարդաց իր զեկուցումը, նվիրված Ալիշեր Նավոյիի ստեղծագործություններում առկա հինարելլան թեմաներին, իսկ Ն. Ֆ. Լեբեդկը՝ հատվածներ «Յոթ մոլորակ» պոեմի թարգմանությունից: Օգտագործելով Նավոյիի պոեմների սյուժեները, Ն. Մոխը հատկապես այդ օրերի առթիվ զարդանկարեց հենապակյա մի գավաթ և տուփ, որոնք ցուցադրվեցին նիստերի դահլիճում: Ե՛վ զարդանկարը, և՛ թըրծ-

վածքը կատարվել էին էրմիտաժում, դժվարին պայմաններում: «Հաջորդ օրը, — հիշում էր հետագայում Հ. Օրբելին, — մեզ մոտ եկավ իմ ուսուցիչը՝ ակադեմիկոս Ս. Ա. Ժերեզովը, իմ ուսուցիչներից միակը, որն այն ժամանակ դեռ կենդանի էր և, չնայած իր ուժասպառությանն ու հյուծվածությանը, եկավ, որպեսզի շնորհակալություն հայտնի էրմիտաժին, ինչպես ասաց նա, գիտության այդ տոնը կազմակերպելու համար: Նրա բառերում, նրա այն բոլոր մտքերում, որոնց նա հաղորդակից դարձրեց ինձ, ես մեկ անգամ ես զգացի, թե որքան մեծ է մարդկային հոգու ուժը, այն մարդու հոգու, որն իր ամբողջ կյանքի ընթացքում անշեղորեն ու սրբությամբ կատարել է իր պարտքը՝ գիտնականի, ուսուցչի և քաղաքացու պարտքը: Այն ժամանակ մենք նրա հետ խոսեցինք վերջին անգամ. քսան օր հետո նա վախճանվեց: Մենք շատ խոսեցինք նրա հանգուցյալ բարեկամի և իմ ուսուցչի, որն այլ պայմաններում, բայց նույնպես մինչև կյանքի վերջին օրը իր բոլոր ուժերը տալիս էր ուսուցչի և համալսարանական պրոֆեսորի բարձր պարտքը կատարելուն՝ խոսեցինք ակադեմիկոս Յ. Ռ. Մինոնվի մասին»:

Հ. Օրբելին ամեն կերպ պահում էր իր աշխատակիցների ուժն ու աշխատունակությունը, տոկունորեն կրում բլոկադացին կյանքի դժվարությունները՝ սովոր ու ցուլութ: Մնալով պաշարված քաղաքում, տասնյակ անգամ ելույթներ էր ունենում ուսուցակատի զինվորների և համարական պրոֆեսորի առջև:

1942 թ. ապրիլին Հ. Օրբելին գործուղվեց Երևան, նա պետք է տեղում անցներ ՍՍՀՄ ԳԱ Հայկական ֆիլիալի նախագահի իր պարտականություններին: Առողջությունը բոլորովին քայլայված էր: Երևանում ստիպված եղավ աշքի ծանր վիրահատության ենթարկվել: Հազիվ առողջացած՝ ամբողջությամբ թաղվեց գործերի մեջ:

Հայկական ֆիլիալը* կազմակերպվել էր ՍՍՀՄ ԳԱ նախագահության 1935 թ. մայիսի 25-ի որոշմամբ: Իր գոյության առաջին տարիներին ֆիլիալը բավականին համեստ դեր էր կատարում: 1938 թ., ֆիլիալի նախագահ՝ դառնալով, Հ. Օրբելին սկսեց գործունեություն ծավալել, որպեսզի մասնաձյուղը գառնա իսկական գիտական-օչախ: Երևան տեղափոխվելուց հետո նրա հնարավորություններն, իհարկե, լայնացան: Բայց դեռ նախքան այդ Հ. Օրբելու ղեկավարությամբ հաջողվեց լուծել կազմակերպչական մի շարք կարևոր հաղեր, ընդլայնվեց ասպիրանտուրան, ընդ որում երիտասարդ շատ մասնագետներ իրենց ասպիրանտական պատրաստությունը ստանում էին Մոսկվայում և Լենինգրադում: 1941 թ. մասնաճյուղի աշխատանքներին ներգրավվեցին Երևան էվակուացված գիտնականներ:

Ելնելով ուսկմական ժամանակի պահանջներից, գիտական պլանների մեջ մտցվեց երկրի պաշտպանության հետ կապված հարցերի հետազոտությունը, հասարակական գիտություններով զբաղվող հաստատություններում, ավելի քան երեսիցե, մշակում էր Հայրենասիրական թեման, սկիզբ դրվեց «Հայաստանի զավակների սխրագործությունները» գիտահանրամատչելի շարքին: Ռուսերեն և Հայերեն լեզուներով լույս տեսավ շուրջ 15 գրքույզ: 1942 թ. Հ. Օրբելին կազմակերպեց Հայրենական պատերազմի գիտական կարինետ, որի աշխատակիցները թարմ հետքերով հավաքում էին դինվորական ստորաբաժանումների հրատարակություններ, նամակներ ու ազմանակատից, օրագրեր, ինքնակենսագրություններ և այլն, որոնք այսօր հնարավորություն են տալիս մանրամասն վնասականգնել Հայերի գերը պատերազմում:

Մասնաճյուղի գործունեության ընդլայնմամբ ավելի ու ավելի էր հասունանում հանրապետական գիտությունների ակադեմիայի գաղափարը: 1943 թ. նոյեմբերի 10-ին Հայաս-

* Ռուսերեն Արմ. ՓԱՀ համառոտագրությունը թափանցել էր նաև Հայերների մեջ, այդ տարիների խոսակցական լեզվում մասնաճյուղը անվանվում էր Արմֆան:

տանի ժողովրդական կոմիսարների սովետը հատուկ որոշում քննունեց ՍՍՀՄ ԳԱ հայկական ֆիլիալի հիման վրա Երևանում Հայկական ՍՍՀ Գիտությունների ակադեմիայի հազմակերպման մասին: Նոյեմբերի 25-ին հաստատվեց ակադեմիայի կոսների առաջին հազմը՝ 23 հոգի, իսկ նոյեմբերի 29-ին հայցավ նորածնունդ Ակադեմիայի հսկական անդամների առաջին ընդհանուր ժողովը: Այդ ժողովում Հովսեփ Օբելին (որն, ինչպես ասացինք, 1935 թվականից ՍՍՀՄ ԳԱ իսկական անդամ էր) ընտրվեց պրեզիդենտ:

Գիտությունների ակադեմիայի հիմնադրմամբ սկիզբ դրվեց մի շարք գիտությունների զարգացմանը, որոնք մինչ այդ սազմնային վիճակում էին: Ընդլայնվեցին աշխատանքները նաև այն բնագավառներում, որոնք վաղեմի ավանդույթ ունեին՝ պատմություն, բանասիրություն, լեզվաբանություն: Զուր չէ, որ Ակադեմիայի կանոնադրության մեջ (վերջնական խմբագրումը պատկանում է Հ. Օբելին) ասված է՝ Ակադեմիան «հատուկ ուշադրություն է դարձնում հայ ժողովրդի պատմության և կուլտուրայի ուսումնասիրությանը»: Համանման միտք էր արտահայտել նաև ակադեմիկոս ընտրված Ավետիք Իսահակյանը. «Հայկական ՍՍՀ Գիտությունների ակադեմիայի մշակութապատմական կարևորագույն խնդիրներից մեկն է, — գրում էր նա «Կոմիսնիստ» լրագրում, — բարձրացնել հայ ժողովրդի ինքնագիտակցությունը, խորացնել հայրենասիրությունը, գիտակցական սեր զարգացնել նրա (ժողովրդի) մեջ գեպի մայրենի լեզուն, գրականությունը և հավատ՝ իր լուսավոր ապագայի նկատմամբ»:

Ազգային գիտությունների ակադեմիայի ստեղծումը հասարակական մեծ նշանակություն ունեցող իրազարձություն էր*: Այդ գիտակցությամբ համակված՝ Հ. Օբելին ամբողջությամբ նվիրվում է նրա կազմակերպմանը: Նորից գրանորվեց նրա հիմնալի ուսումնակությունը՝ մորիլիզացնել գործուն ուժեր,

* Որպես կենտրոնական շենք Ակադեմիային հատկացված էր Աբովյան և Լեռմոնտով (այժմ՝ Սայաթ-Նովա) փողոցների անկյունում գտնվող գաղուցքը, որը պատերազմի սկզբին վեր էր ածվել հոսպիտալի:

ստեղծել լիարժեք գիտական կոլեկտիվ։ Երևանում նա մնաց մինչև 1944 թ. ամառը, բայց և այդ կարճ ժամանակամիջուցում՝ կարողացավ լիցք տալ մի շարք նոր կամ վերակառուցված ինստիտուտների։

Պրեզիդենտի պաշտոնում Հ. Օբբելին մնաց մինչև 1947 թ., երբ վերջնականացես որոշեց իր ուժերը կենտրոնացնել էրմիտաժում։ 1947 թ. հունվարի 16-ին Հայկական ՍՍՀ Գլուխովունների ակադեմիայի ընդհանուր ժողովը բավարարեց նրա խնդրանքը՝ իրեն պրեզիդենտի պարտականություններից ազատելու մասին, միաժամանակ նշելով նրա անձնական մեծ ավանդը Հանրապետության առաջատար գիտական օջախի ստեղծման գործում։

1944 թ. Հ. Օբբելին վերադարձավ Լենինգրադ։ Էրմիտաժը սարսափելի վիճակում էր. պատերազմի ժամանակ նրա շենքերի վրա ընկել էր 30 արկ և 2 ավիաոռումբ, տասնյակ արկեր ու ավիաոռումբեր պայթել էին շրջակայրում, ջարդվել էր 20.000 քառակուսի մետր լուսամուտների և ցերեկային լույսի լապտերների ապակի, բոլորովին ավերվել էին չեռուցման և ջրմուղի սարքավորումները, տուժել էին մանրահատակները, պատերը, որմնանկարներն ու նկարագրդ առաստաղները։ Թանգարանին հակայական վնաս էր հասցվել։ Առաջին իսկ հայացքից պարզ էր, որ էրմիտաժին իր երբեմնի տեսքը վերադարձնելու համար անհրաժեշտ էն երկարատև ու բարդ աշխատանքներ։ Թանգարանի գլխավոր հարտարապետ Ա. Վ. Միվկովի հետ միասին Հ. Օբբելին մշակեց էրմիտաժի վերականգնման ընդհանուր նախագիծը և սկսեց միջոցներ հայթայթել այդ աշխատանքների համար։ Իսկ մինչ այդ, իրենք՝ էրմիտաժի աշխատակիցները, կարգի էին բերում թանգարանը, մաքրում սրաները, փայլեցնում հատակը, լվանում լուսամուտները, վերականգնում Տաղավարային դահլիճի շահերը։ Հենց այդ դահլիճում նոյնմերի 8-ին բացվեց պաշարման տարիներին Լենինգրադում մնացած նմուշների մի փոքր ցուցահանդես։ Մի քանի օրում ցուցահանդես այցելեց շուրջ 30.000 մարդ։ Միաժամանակ էրմիտաժը պատրաստվում էր 1941 թ. էվակուացված հուշարձաններն ընդունելուն։ Դրանք Լենին-

գրադ ժամանեցին 1945 թ. Հոկտեմբերի 10-ին, իսկ նոյեմբերի 7-ին արդեն այցելուների առջև բացվեց էրմիտաժի 69 սրբահ. Թանգարանը, առանց որի չի կարելի պատկերացնել Լենինգրադը, սկսեց ապրել իր նախկին բուռն կյանքով:

Այդ տարիներին Հ. Օրբելու գիտական ծառայությունները նորից միշագգային ճանաշում գտան. 1944 թ. նա ընտրվեց Լոնդոնի Հնագիտական ընկերության պատվավոր անդամ, իսկ 1945 թ.՝ իրանի Դիտությունների ակադեմիայի պատվավոր անդամ:

1944-1945 թթ. Հ. Օրբելին մասնակցում է Լենինգրադի արվարձաններում գտնվող պալատների հետազոտման և դրանց հասցված վնասի չափը սահմանող պետական արտակարգ հանձնաժողովի աշխատանքներին (ներգրավվել էր ակադ. Ե. Վ. Տարլեի առաջարկությամբ): Քաշածանոթ լինելով Լենինգրադին և նրա շրջակայքին, Հ. Օրբելին հանձնաժողովի մյուս անդամների հետ շրջում էր քաղաքի արվարձանները, որոնք, թվում էր, հավետ կորցրել էին իրենց շքեղությունը: Այն իրավիճակը, որ պարզ գարձավ հանձնաժողովին, ցնցեց Հ. Օրբելուն: Եվ պատահական չէ, որ մեծ ուժով ու համոզիչ հնչեց նրա խոսքը, երբ նա պատերազմից հետո որպես վկա սկսեց իր ցուցումները նյուրնբերգի դատավարության նիստում: Նա ցասումնալի ու կրքոտ մեղադրում էր վայրենացած ֆաշիստական զավթիչներին, որոնք սառնասրտորեն գնդակոծել էին էրմիտաժը, պղնձի ձուկել Պետերհռոֆի ամենաշքեղ՝ առյուծին պատառուող Սամսոնի արձանը, Պուշկին քաղաքում ավերել ու թալանել Ռաստրհլիի հոյակապ գործը՝ Եկատերինյան մեծ պալատը...


Հետպատերազմյան տարիներին Հ. Օրբելու գործունեությունը առաջին հերթին կապված է էրմիտաժի վերականգնուման հետ: Նրա ղեկավարությամբ մեկը մյուսի հետեւից վերանորոգվում էին ցուցարարահներ, պատրաստվում նոր ցուցադրումներ, աեղադրվում ցերեկային լույսի լապաերներ: Առաջվա պես՝ Հ. Օրբելին հանդես էր գալիս գիտական զեկուցումներով, սակայն հետազոտական աշխատանքի համար քիչ ժամանակ էր մնում. էրմիտաժի ընթացիկ գործերը ամբողջու-

թյամբ կլանում էին նրան: Եվ անսպասելիորեն 1951 թ. ամռանը նա հեռացվեց այն թանգարանից, որի պատերի ներսում անց էր կացրել 31 տարի: Դժվար է պատկերացնել այն ցավն ու վիշտը, վիրավորանքը, որ այդ օրերին կրեց Օրբելին:

Վարչական ծանր պարտականություններից ազատվելով, Հ. Օրբելին վերադարձավ կիսավարտ թողած իր աշխատություններին. վերսկսեց Հայ-բրդական հետազոտությունները, ավարտեց Մոկսում կազմված բառաբանների խմբագրությունը, մեծ ուսումնասիրություն գրեց Աղթամարի տաճարի մասին, Հանուչքով գրաղվեց Հայ պատմիչների թարգմանությամբ: Ավարտեց նաև Հայկական առակների թարգմանությունը: Այդ տարիներին նրա ղեկավարությամբ ասպիրանտական պատրաստություն ստացան Հայաստանից Լենինգրադ գործուղված մի քանի երիտասարդներ:

1953 թ. Հ. Օրբելին աշխատանքի ներգրավվեց ԳԱ Լեզվաբանության ինստիտուտում և Հրատարակման պատրաստեց Մոկսում կատարած գրառումները: Ուշադիր հետեւմ էր Գառնիի պեղումներին՝ որպես գլխավոր խորհրդատու:

1953 թ. Վերջին Հ. Օրբելին գլխավորում էր ՍՍՀՄ ԳԱ Արևելագիտության ինստիտուտի գործունեությունն ստուգող Հանձնաժողովը և շանքեր գործադրում, որպեսզի վերականգնվի մեր արևելագիտության նախկին փառքը: Քառասնական թվականների վերջներին և Հիսնականների սկզբին սովետական արևելագիտությունը լուրջ դժվարություններ ապրեց. արևելագիտական մի շարք բնագավառներում կրճատվեց Հետազոտական գործունեությունը, նվազեց բանասիրական աշխատությունների թիվը, Լենինգրադի Համալսարանի Արևելյան ֆակուլտետը զրկվեց մի շարք խոշորագույն դասախոսներից (մի մասը վախճանվեց, մյուսը՝ ստիպված եղավ թողնել դասավանդումը): Համալսարանը դադարեցրեց ասորագետների, եղիպտագետների, եբրայագետների պատրաստումը: 1950 թ. Հովհաննես ՍՍՀՄ ԳԱ Արևելագիտության ինստիտուտը տեղափոխվեց Մոսկվա, Լենինգրադում մնաց միայն Արևելյան ձեռագրերի բաժինը՝ աշխատակիցների խիստ սահմանափակ կազմով:



Հ. Սրբելին 1930-ական թվականներին

Առ Օրբելի աղջուկան և կապահանձնական աշխատանքները



Հայա թե ինչու 1954 թ. հոկտեմբերին Հ. Օրբելին Գիտությունների ակադեմիային ներկայացրեց իր՝ «Նկատառումներ արևելագիտության բնագավառում բանասիրական աշխատանքի վիճակի և խնդիրների վերաբերյալ» ղեկուցագիրը։ Նա հիշեցնում էր հանրահայտ այն փաստը, որ «XIX դ. Երրորդ քառորդի և XX դ. մոտավորապես շորս տասնամյակների ընթացքում ուսուական և սովետական արևելագիտությունը համաշխարհային գիտության մեջ իրավամբ առաջատար դիրք էր գրավում, իր զարգացմանը զուգընթաց ավելի էր ամրապնդում այդ տեղը և արժանի հարգանք ու հեղինակություն վայելում ամբողջ աշխարհում»։ Մանրամասն թվարկելով հին, դասական արևելագիտության արժանիքները, Հ. Օրբելին ընդգծում էր, որ այն մեծ հետաքրքրություն էր ցուցաբերում, ոչ միայն անցյալի, այլև ներկայի նկատմամբ, իսկ նրա հիմքը կազմում էր լեզուների և մշակույթի իսկական ձանաչումը։ Կոչ անելով վերականգնել նախկինում եղածը, նա ձգտում էր, որը մեզանում պատշաճ տեղ գրավի «այն արևելագիտությունը, որը պայքարի է զուրս զալիս հանուն Արևելքի ժողովուրդների իրական պատմության և հանուն նրանց երջանիկ ապագայի, կատարելապես զինված և մեթոդաբանությամբ, և այդ մեթոդաբանության շնորհիվ՝ նյութական հուշարձանների, հարստագույն գրականությունների և լեզուների լիարժեք գիտությամբ»։ «Լեզուները, — հաստատում էր զեկուցագրի հեղինակը, — ոչ միայն գրավոր հուշարձանների ձանաշման միջոց են, այլև ուսումնասիրության առանձին առարկա, մի սքանչելի հայելի, որն արտացոլում է տվյալ ժողովրդի պատմությունն ու մշակույթը»։ Հ. Օրբելու ընդհանուր միտքը բացահայտ է, պատմական անցյալը և ներկան հարկավոր է հաւաքատարիմ մնալ հշմարտությանը և ոչ թե հետեւ կանխակալ կարծիքներին։

Կարձատե դադարից հետո, Հ. Օրբելին վերաբարձավկազմակերպչական բարդ և պատասխանատու աշխատանքի։ 1955 թ. նոյեմբերին նա նշանակվեց լենինգրադի համալսարանի Արևելյան ֆակուլտետի ղեկան։ Հիշենք, որ նա եղել էր

այդ ֆակուլտետի և սանը, և դասախոսը: Կարճ ժամանակում ֆակուլտետը վերադարձեց իր հին փառքը, դարձակ ոչ միայն երիտասարդ մասնագետների հոյակապ դպրոց, այլև արևելագիտության օջախներից մեկը: 1956 թ. Հ. Օրբելին գրել խավորեց նաև ՍՍՀՄ ԳԱ Արևելագիտության ինստիտուտի նորաստեղծ Լենինգրադյան բաժանմունքը: Նորածնունդ լինելով հանդերձ, այդ հաստատությունն ոմեր խորք գնացող արմատներ. գեռես 1818 թ. Պետերբուրգում, Գիտությունների ակադեմիային առընթեր հիմնվել է Ասիական թանգարանը: Այնուհետև այստեղ ևն կենտրոնացվել արևելյան բազմակեզու գրչագրերը, դրամները և այլն, այստեղ է ծավալվել նըրանց ուսումնասիրման աշխատանքը: Ի դեպ, Ասիական թանգարանն է եղել հայագիտական և վրացագիտական առաջին իսկական օջախը Պետերբուրգում՝ շնորհիվ հռչակավոր կովկասագետ, ակադեմիկոս Մարի Բրոսեի գործունեության: Անգամ այն ժամանակ, երբ հիմք էր գրվել համալսարանի Արևելյան լեզուների ֆակուլտետին, մեծ թափ էր ստացել Ռուսական հնագիտական ընկերության Արևելյան բաժանմունքը, Ասիական թանգարանը լիովին պահպանել էր իր նշանակությունը, նրա հարկի ա:ակ գործել են խոշորագույն գիտնականներ: Ասիական թանգարանը շարունակել է իր գործունեությունը նաև հեղափոխությունից հետո, հիմք ծառայել ՍՍՀՄ ԳԱ Արևելագիտության ինստիտուտի համար, որը կազմավորվել է 1930 թ.: Այդ ինստիտուտը դարձել էր մեր երկրի արևելագիտության գլխավոր կենտրոնը: Բայց, ինչպես ասվեց, 1950. թ. ինստիտուտը փոխադրվեց Մոսկվա՝ նպատակ ունենալով աշխուժացնել աշխատանքները արևելագիտության բնագավառում: Սակայն նոր գրանցումն իրեն շարդարացրեց. ԱՄԿԿ Համագումարում այդ մասին հատուկ խոսք ասաց Աննաստաս Միկոյանը: «Գիտությունների ակադեմիայի ցանցում, — ասաց նա, հիշելով Տնտեսագիտության ինստիտուտի անբավարար գործունեությունը, — կա ևս մեկ ինստիտուտ, որը զրադարձ է Արևելքի հարցերով, բայց նրա կապակցությամբ կարելի է ասել, որ եթե մեր ժամանակներում ամբողջ Արևելքը զարթնել է, ապա այդ ինստիտուտը նիրհում է ցայսօր»:

Հնչակես ասացինք, Հ. Օրբելին վաղուց էր սկսել տագնապ հնչեցնել և ահա՝ հենց նրան էր վիճակված լենինգրադի արեգելագիտական օջախի վերականգնման ժամը գործը։ Արեգագիտության ինստիտուտի լենինգրադյան բաժանմունքը վերակենդանացրեց Արևելյան թանգարանի կառուցվածքը, նրա առանձին ստորաբաժանումները, որոնցից յուրաքանչյուրը զբաղվում էր այս կամ այն երկրի թե՛ պատմությամբ, թե՛ մշակութիվ։ Պահպանվեց անգամ ստորաբաժանումների հին անունը՝ կարինետներ։ Նախապես կյանքի կոչվեց 5 կարինետ՝ Արաբական, Հնդկական, Իրանական, Հեռավոր Արևելքի, Թյուրք-մոնղոլական, շուտով սրանց միացան Մերձավոր Արևելքի, Հին Արևելքի, ապա նաև Կովկասյան և Քրդական կարինետները։ Վերջին երկուսի ղեկավարն էր ինքը՝ Հ. Օրբելին (նշենք նաև, որ 1959/60 ուսումնական տարում կովկասագիտական առարկաները, ցավոք՝ առժամանակ, վերականգնվեցին նաև Համալսարանի Արևելյան ֆակուլտետում):

Բաժանմունքի հիմնական հարստությունն էին կազմում ձեռագրերը՝ շուրջ 40.000 գրչագիր արևելյան 45 լեզուներով։ Դրանց նկարագրությունը, ուսումնասիրությունն ու հրատարակումը դարձան լենինգրադյան բաժանմունքի կարևորագույն ուղղություններից մեկը։ Կարճ ժամանակամիջոցում այն վերածեց արևելագիտության կարևորագույն կենտրոնի։ Տարեցտարի ընդլայնվում էր մշակվող հարցերի ընդգրկումը, աճում էր գիտական արտադրանքը։ Բաժանմունքում պատրաստված ձեռագրացուցակները համաշխարհային ճանաչում ստացան։ Ձեռնարկվեց գրչագիր հուշարձանների նմանահանությունների հրատարակությունների հատուկ շարք, որի շընորհիվ գիտական շրջանառության մեջ մտան հազվագյուտ ձեռագրեր։ Սկսեցին լույս ընծայվել նաև մենագրական առանձին ուսումնասիրություններ։ Արխիվից հանվեցին և տպագրության հանձնվեցին կյանքից հեռացած գիտնականների տասնյակ արքիներ ձեռագիր վիճակում մնացած աշխատություններ («ատկապես հիշարժան է Ա. Ն. Նևկու «Տանգույան բանասիրություն» աշխատանքը, որը 1962 թ. արժանացավ լենինյան մրցանակի):

Մրագրելով կենինգրադյան բաժանմունքի զործունեությունը, նրա վարիչը պիտի նախ և առաջ որոշեր իր ապագա աշխատակիցների կազմը: Հ. Օրբելին երկրնտրանքի առաջ էր կանգնած: նա կարող էր բաժանմունքի հարկի տակ հավաքել փորձված գիտնականների, պոկելով նրանց այլ հիմնարկներից, ընդումին հաշտվելով այն իրողության հետ, որ այդպիսիների թիվը սահմանափակ է (վերջին 20 տարվա ընթացքում արևելագիտության մշակների շարքերը նորացել էին): Բայց կար մի ուրիշ ճանապարհ ևս՝ աշխատանքի հրավիրել համալսարաններն ու ասպիրանտուրան վերջերս ավարտած հրիտասարդների, թեպետ նրանք հետազոտական աշխատանքի փորձ չունեին և միայն ապագան կարող էր ցուցը տալ՝ որքան են համապատասխանում ընտրած ասպարեզին: Հ. Օրբելին նախընտրեց երկրորդ ուղին և չսխալվեց. 60-70-ական թվականներին բաժանմունքի աշխատակիցները ապացուցեցին, որ հանգույցալ դեկավարի լնտրությունը ճիշտ է եղել: Աշխատելով վաստակավոր հետազոտողների հետ կողք կողքի՝ նըրանք օրդանապես կապվեցին իրենց աշքի առաջ ծնունդ առած գիտական օջախին, մյուսների հետ բաժանեցին գործի լնդանուր պատասխանատվությունը: Ապագան հաստատեց, որ կարձ ժամանակում Հ. Օրբելին կարողացավ ստեղծել գիտական իսկական կոլեկտիվ:

Կյանքի վերջին տարիներին անգամ Հովհաննես Օրբելին լի էր հրանդով ու աշխատունակությամբ: Նրա աշխատանքային օրը շատ լարված էր. մասնակցում էր տասնյակ գիտական և գիտակաղմակերպչական նիստերի, հոգ տանում Արևելյան ֆակուլտետի և Լենինգրադյան բաժանմունքի համար հաստիքային. նոր միավորներ ձեւք բերելու մասին, զբաղվում էր աշխատակիցների հրատարակչական գործերով, խորհուրդներ տալիս բազմաթիվ և բազմազան հարցերով իրեն դիմող անձանց, խմբագրում արևելագիտական աշխատություններ, ընդդիմախոսում դիմերտացիաներ, հանդես գալիս գիտական գեւկուցումներով, ընդունում արտասահմանյան գիտնականների և հասարակական գործիչների, մշակում կենինգրադում Արևել-

յան դպրության թանգարանի ծրագիրը, միջամտում բնակա-
րանային դժվարությունների լուծմանը և այլն:

Գիտական հասարակայնության երախտագիտությունում
բազմաշխատ վաստակավորին իր վառ արտահայտությունը
գտավ Հ. Օրբելու հանդիսավոր մհծարման ժամանակ՝ 1957 թ.
մարտի 20-ին, նրա ծննդյան յոթանասունամյակի օրը (այդ
օրը նա պարգևատրվեց Լենինի երկրորդ շքանշանով):

1960 թ. որպես փոխնախագահ Հ. Օրբելին մասնակցում
էր արևելագետների XXV միջազգային համաժողովին (Մոսկ-
վա, 1960 թ., օգոստոսի 9-17): Նա կովկասագիտության մաս-
նաճյուղի ղեկավարն էր, մի քանի անգամ ելույթ ունեցավ
մտքերի փոխանակության ժամանակ: Նայելով նրա եռանդուն
շարժումներին, լսելով նրա ուժեղ ու կրքոտ ձայնը, Օրբելը
չէին ասի, որ Հովհաննեսի Օրբելին հրաժեշտ էր տալիս գիտական
աշխարհին, որ նրա կյանքի ամիսները հաշվված են:

Նա վախճանվեց 1961 թ. փետրվարի 2-ին: Մինչև իր
կյանքի վերջին բոպեները շրջապատված էր աշխատակիցնե-
րով և բարեկամներով: Մարմինը հողին հանձնվեց Լենինգրա-
դի Բոգոսլովսկոյե զերեզմանատանը, իր եղբոր՝ Լևոն Օրբելու
և վերջինիս դստեր կողքին: Տապանաքարը՝ հայկական վար-
դադույն տուֆից է՝ Կ. Վ. Տրեերի խնդրանքով Հայաստանի
կառավարության կողմից ուղարկված, վրան գրված է հայերեն
ու ռուսերեն՝ Ակադեմիկոս Հովհաննեսի Օրբելի. 1887-1961: Գե-
րեզմանի վրա դրված է Լևոն Լազարեի քանդակած կիսանդրին:

Բ. ԳԻՏԱԿԱՆ ՃԱՌԱՆԴՈՒԹՅՈՒՆԸ

Հովսեփ Օրբելու սկզբնական շրջանի աշխատությունները շեշտակի տարրերվում են հաջորդ՝ 20-50-ական թվականներին գրված գործերից: Առաջին աշխատություններում, ինչպես արդեն ասվեց, գերակշռում է վերլուծականը, հեղինակը խուսափում է լայն ընդհանրացումներից: Նա դիմում է առանձին փաստերի, ճգույժով գտնել նրանց տեղը ընդհանուրի մեջ, պարզել հնարավոր աղերսները մյուս երևույթների հետ: Նրա տեսադաշտում եղած փաստերը բաղմազան են, պատկանում են մշակութային տարրերը ոլորտների, բայց բոլոր պարագաներում հանդես են գալիս որպես հետազոտության ամհրաժեշտ ելակետեր: Այդպիսի մոտեցումը հատուկ է եղել Հ. Օրբելու երիտասարդ տարիների արևելագիտությանը, և հետազոտողը հավատարիմ է մնացել իր ուսուցիչների ավանդներին:

20-ական թվականներից նա ճգույժ է ավելի պարզել ընդհանուրը, ամփոփել հայտնի փաստերը, ներկայացնել դարաշրջանի, նրա մշակույթի համապատկերը:

Գիտության պատմության մեջ Հ. Օրբելին մտել է գերազանցապես իրեն հայագետ, թեև նա ունի կարևոր աշխատություններ նաև այլ բնագավառներում: Հայագիտությունից ոչ պակաս արժեքավոր են նրա քրդագիտական, իրանագիտական, վրացագիտական աշխատությունները: Նա հանդես է եկել որպես պատմաբան, բանասեր, հնագետ, լեզվաբան, բանագետ, արվեստագետ: Պետք է ասել, սակայն, որ նրա ուսումնասիրությունների բաժնումը ըստ բնագավառների ինչ-որ չափով պայմանական է, ուստի հետագա շարադրանքում մենք կհետևենք գլխավորապես ժամանակագրական կարգին:


Հ. Օրբելու անդրանիկ աշխատությունը՝ «Իդալիական արձանագրության Simitose ընթերցումը և ՍԵՄԻԴԱԼԻՍ „Simila, Similago“ վերնագրով, լույս տեսավ 1908 թ. «Ժողովրդական լուսավորության մինիստրության հանդեսում»։ Դա մի պատկառելի պարբերական էր, որի էջերում իրենց աշխատություններն էին տպագրում խոշորագույն գիտնականներ։ Հոդվածը նվիրված է մ. թ. ա. 391 թ. հունարեն արձանագրության վեճելի մի արտահայտության։ Հեղինակը ենթադրում է, որ արձանագրության մեջ խոսքը օմիօն առօնության մասին է, այսինքն՝ ինչ-որ դաշտի, որտեղ ցանված են հացահատիկային բույսեր։ Նա ձգտում է ապացուցել, որ հունարեն օմիօն գոյականը (որից ծագել է օմիօնականը) առաջացել է վրացերեն և օմիօնության մեջ համարվում է առօնության մասին է, սակայն հնում այդ բառը կարող էր վերաբերել ցորենին և մյուս հացազգիներին։

Ժամանակակից գիտության տեսանկյունից Հ. Օրբելու ստուգաբանությունը չի կարող անվիճելի ճանաչվել։ Սակայն հոդվածում ակնառու է երիտասարդ ուսանողի հմտությունը, նա համարձակորեն օգտվում է հին հունարենի, հին վրացերենի, հին հայերենի, ասորերենի, արաբերենի, սանսկրիտի տվյալներից։ Հետազոտությունը նվիրելով մասնավոր հարցի, նա միկնույն արմատի արտացոլումներին վերաբերող հսկայական նյութ էր հավաքել։ Սակայն ինքը հեղինակը հետագայում իստությամբ է արտահայտվել իր այդ աշխատության մասին։ «Երբ 19 տարեկան էի, ես հաջող զեկուցում կարդացի, որն այնուշենու տպագրվեց Ժողովրդական լուսավորության մինիստրության հանդեսում։ Ինձ գովեցին, ես ոգեսորվեցի և հոդվածի «պակասները լրացնելով», օրինակներ ավելացրի լեզուներից, որոնք ես այն ժամանակ կամ վատ գիտեի (արաբերեն), կամ բոլորովին չգիտեի (սանսկրիտ)։ Ցանկություն էր՝ ցույց տալ իմ ողջ բազմահմտությունը։ Արդյունքն այն հղավ, որ ես այնպիսի ճիպոտահարության ենթարկվեցի, որը եղբեք չեմ մոռանա։ Այդ օրվանից ես հաստատապես յուրացրի, որ լեզվաբանական հետազոտության մեջ սրան օրինակ

իրավունք ունես բառեր բերել միայն այն բնագրերից, որոնք կարդացել ես, և ոչ թե կորզել այդ բառերը բառարաններից²:

Նույն այդ պարբերականում լույս տեսավ Հ. Օրբելու նաև Երկրորդ Հոդվածը, որտեղ դասական բանասիրության հարցը նույնպես կապված էր Կովկասյան լեզուների տվյալների հետ³: Հենվելով անտիկ հեղինակների վրա, Հ. Օրբելին ապացուցում էր, որ Դիոսկորիաս քաղաքի ավերակները հարկավոր է ուրոնել Կողոր գետից 23-25 վերստ հեռավորության վրա, Պիտիոնտի (*Պիցոնդայի*) ուղղությամբ: Այստեղ հոսում է մի գետակ՝ որի անուններից մեկը հնչում է Իսկուրիա: Նա ծով է թափվում Խոգուր (Խոկուրգե) Խոկուրիա անունը կրող Հըրձանդանի մոտ: Հեղինակը մերժում է այն տեսակետը, իբր Հունարին Դիոսկորիաս տեղանունը առաջացել է տեղական Խոկուրիայից, ավելի ճիշտ է համարում հակառակ ենթադրությունը: Մյուս կողմից՝ Դիոսկորիաս անվանումը կապված է առասպելական արգոնավորդների՝ դիոսկորներ Կաստորի և Պոլիդոկի հետ, և պատահական չէ, որ հուները այդպես են անվանել այդ վայրը: Խոկ վերլուծելով Սուխում քաղաքի ներկա անունը, Հ. Օրբելին հանգում է այն եղբակացության, որ տվյալ տեղանունը ծագում է Լեշխում՝ «Երկվորյակների երկիր» անունից, որն իր հերթին առաջացել է „Ծցում, Ծցուու“ (Երկվորյակներ) բառից: Այդ հանգում է ստիպել հուներին քաղաքն անվանել Դիոսկորիաս, քանի որ, նրանց պատկերացմամբ՝ արգոնավորդների ուղին անցնում էր Կողքիսով, և տեղական անունը հիշատակ էր պահպանել հենց դիոսկորների այստեղ լինելու մասին: Հռովածում ցույց է տրված նաև, որ Սև ծովի արևելյան մասում բնակվող ցեղերից մեկի անունը՝ ‘HNIOXOI (Կառապաններ) պետք է շտկել՝ դարձնելով’ *HNNOXOI, քանի որ իրապես դա սլանական ցեղանուններից մեկն է:

Հայկական մակագրությամբ մուգ կանաչավուն նեֆրիտից պատրաստած երախակալ... ինչ խնդիր պետք է դներ իր առաջ նրա հետ ծանոթացող հետազոտողը. նկարագրել ճըշտությամբ, գտնել նրա տեղը նման հուշարձանների շարքում, վերծանելով մակագրությունը՝ որոշել նրա տիրոջ ա-



2. Օրբելու մահարձանը

նու՞նը: Հենց այդպիսի աշխատանք կատարեց Հ. Օբելին, երբ
նրա ուշագրությունը գրավեց նախկին Կովկասյան թանգա-
րանում պահպող այդ նրբագեղ առարկան: Ուսումնասիրու-
թյան արդյունքները նա լույս ընծայեց առանձին հոդվածով՝:
Երախակալի արձանագրությունը կցագիր է, Հ. Օբելու ըն-
թերցանությամբ՝ ՀԱՍՏԱՆ ԶԱԼԱԼ ԻՇԽԱՆ ԽԱԶԵՆՈՂՅԵ: Այդ
իշխանը հայտնի դեմք է, ապրել է XIII. դարում, իսկ նրա
դաշտունի հետազոտությունը թույլ է տալիս առաջ քաշել մի
շարք հետաքրքիր պատմամշակութային հարցեր: Հոդվածը
գրված է այնպիսի հմտությամբ, ասես հեղինակը երկար ժա-
մանակ զբաղվել է նյութական մշակությով, կիրառական ար-
վեստով, մինչդեռ դա Հ. Օբելու առաջին հոդվածն էր՝ նվիր-
ված նյութական մշակութի առարկային: Եվ ահա՝ այսուհետ
զգացվում է այն իսկական սերը դեպի հին մշակութի հուշար-
ձանները, որը Հ. Օբելին պահպանեց իր սրտում մինչև կյան-
քի վերջը:

Հրապարակված հոդվածը ինքնուրույն արժեք էր ներկա-
յացնում, հեղինակը, սակայն խնդիրն ավարտված չէր հա-
մարում. նա հրատարակեց նաև շարունակությունը՝ այս անգամ
ընթերցողին ներկայացնելով դաշտունի տիրոջ կերպարը:
Մանրազնին աշխատանքի շնորհիվ նա ի մի բերեց պատմիւ-
ների տեղեկությունները, ձեռագրերի հիշատակարանների և վի-
մագիր արձանագրությունների տվյալները, որոնք վերաբերում
են Խաչենի տեր Հասան Զալալին (մահ. 1261 թ.): Մանգու-
խանի օրոր Հասան Զալալը հինգ տարի մնաց Ոսկի Հորդա-
յում և այդ ժամանակ էլ որպես նվեր ստացավ նեֆրիտե երա-
խակալ ունեցող դաշույնը: Հ. Օբելու հոդվածը ոչ միայն միշ-
նաղարյան հայ տիրակալի կենսագրությունն է, այլև Խաչենի
մոնղոլական տիրապետության շրջանի քաղաքական կյանքի
ու կենցաղի ընդհանուր պատկերը:

Ինչպես նախորդ զիմում ասվեց, 1909 թ. Հ. Օբելին գի-
տական մի ճանապարհորդություն ձեռնարկեց դեպի Խաչեն,
ծանոթացավ այնտեղ եղած հնություններին, ուսումնասիրեց
13 խաչքար, որոնց վրա պահպանվել էին բարձրաքանդակ
կենցաղային տեսարաններ: Այդ նյութը դրվեց հրատարակված

Հոդվածի հիմքում⁵: «Համարյա բոլոր այդ բարձրաբանվակները, — գրում է Հ. Օրբելին, — պատկերում են զինված հեծյալների՝ միայնակ կամ մարդկային այլ կերպարների հետ կապակցված: Հեծյալների մեծամասնությունը, բացառությամբ մեկի, զինվորներ են, և նրանց պատկերումը առավել հետաքրքիր է այնու, որ ուղղակի կյանքից վերցրած, վաղ մոնղոլական դարաշրջանի հայ զինվորների համարյա միակ վերաբաղրությունն է... Այդ բարձրաբանդակների արվեստը ծայրաստիճան կոպիտ է, և գեղարվեստական տեսակետից դրանք ոչ մի հետաքրքրություն չեն ներկայացնում, դրանք կարենու են իրենց բովանդակությամբ»⁶: Հոդվածում հրապարակված են նաև քարերի վրա եղած արձանագրությունները:

Շուշով սկսեցին լուս տեսնել նաև Անիին և նրա հրենություններին նվիրված աշխատություններ: 1911 թ. Ն. Մառի հիմնադրած «Անոյ շարքում» լուս տեսավ Հ. Օրբելու կազմած Անիի ուղեցուցյը⁸: Այն մատչելի ձևով հաղորդում էր հնություններին վերաբերող անհրաժեշտ տեղեկություններ, հանձնարարում այցելության նախընտրելի ուղերթներ: Դիրքը բովանդակում է Անիի հուշարձանների ճշգրիտ գիտական նկարագիրը: Ուղեցուցի հեղինակը համարձակութեն արտահայտում է իր սեփական կարծիքը, ծանոթացնում ընթերցողին իր անձնական հետազոտությունների հետ: Դա, եթե կարելի է այսպես արտահայտվել, Անիի գիտական ուղեցուց է: Աշխատանքին կցված է քարտեզագիր Ֆ. Կ. Մոսիմիշի կազմած ավերակ քաղաքի ընդհանուր հատակագիծը: Օգտվելով այդ հատակագիծից, կարելի է հեշտությամբ որոշել հուշարձանների տեղադրությունը:

Դիտական առավել մեծ արժեք ունի Հ. Օրբելու կազմած հնագարանի ցուցանմուշների նկարագրությունը⁹: Ներստականում համառոտակի շարադրում է 1892 թվականից մինչև 1909 թ. կատարված պեղումների պատմությունը, նշում առկա մատենագիտությունը: Այս աշխատության հեղինակը պահպող առարկաների հոյակապ գիտակ է, կարողանում է հակիրճ և ստուգ նկարագրության համար գտնել համապատասխան քառեր, շատ գեպքերում ինքնուրուց կերպով է ի-

մաստավորում դրանք: Այսպէս, վարպետորեն է նկարագրված Դագիկ Ա.-ի արձանը, որը հայտնաբերվել է 1906 թ. (էջ 1-5), արձանի ձեռքերին գտնվող կլոր տաճարի մանրակերտը (էջ 5-6): Մանուկ աղջկա տապանին և նրա մեջ եղած 5-6 տարեկան իշխանազարմի հանդերձին նվիրված էջերը (էջ 33-39) փաստորեն մի փոքր ակնարկ են՝ Անիի ունեոր դասակարգի հագուստ-կապուտի մասին: Հ. Օրբելին մանրամասն նկարագրում է Մայր տաճարի իր իսկ ձեռքով վերականգնված պղնձյա ջահը (էջ 39-43): Շատ հետաքրքիր է այսպես կոչված «սնդկանոթների» նկարագրությունը (էջ 73-74): Այդպիսի ամաններ մեծ քանակությամբ հայտնաբերվել են Փոքր և Միջին Ասիայում: Նրանց նշանակությունը սնդիկ պահել կամ տեղափոխելն է: Այդ պարզվեց միայն այն ժամանակ, եթե հայտնվեց մի ամբողջական աման՝ սնդիկի հետքերով: Իր «Անոյ աւերակները» աշխատության մեջ Հ. Օրբելին հետևյալ ձևով է նկարագրում այդ առարկաները. «Սովորական ամաննեղենից պիտք է տարբերել հատուկ, սովորաբար ձված ամանները (X-XIV դդ.)՝ շատ նեղ բերանով և հաստ պատերով, ծածկված տարատեսակ, մանր ու ցայտուն զարդանկարներով: Ամենահավանական այն է, որ դրանք արդուզարդի սրվակներ են, որոնք հանդիպում են Առաջավոր Ասիայի գրեթե բոլոր երկրներում, ինչպես նաև Թուրքեստանում: 1910 թ. պեղումները տվեցին այդպիսի ամանների շտեսնված մեծ քանակ, ընդամենը 14 ամբողջական և 250 բեկոր: Այժմ այդ ամանների՝ Անիի հավաքածուն (24 ամբողջական և 600 բեկորներ) ամենահարուստներից մեկն է և հիմնալի նյութ է տալիս հետազոտելու այդ ինքնատիպ առարկաների նշանակությունը, ինչպես նաև արտադրության տեղն ու եղանակը: Անվիճելի է, որ դրանք պատրաստված են Անիում, թէև հիմք չկա մտածելու, թէ այդ ամանները ծագում են բացառապես Անից»:

Գտնված իրերը խթան հանդիսացան, որպեսզի Հ. Օրբելին դրի մի հատուկ հետազոտություն սնդկամանների, նրանց պատրաստման եղանակի վերաբերյալ՝ մի աշխատություն, որը ցայսօր անտիպ է: Հետագայում, բաղադրելով Անիի և Դիլինի «գնդակոնաձև անոթները», հաշվի առնելով հարցին

նվիրված բաղմազան աշխատությունները, Հ. Օրբելու աշակերտուհի Հ. Զանիկոլայիանը պարզեց, որ դրանք ծառայել են տարբեր յուղեր, գեղեր, անուշահոտ նյութեր և այլ արժեքավոր հեղուկներ պահելու և տեղափոխելու համար:

Հովհաննեսի Օրբելու կազմած ուղեցույցն ու թանգարանային նմուշների նկարագրությունը արդեն լույս ընծայման ժամանակ գիտական մեծ ներդրում են եղել, իսկ հետագա տարիներին նրանց նշանակությունը առանձնապես աճեց: 1917 թ. հետո Անիի պեղումներն այլևս չվերսկսվեցին: Թուրք զինվորները ավերեցին հնագարանը: Պեղումների արխիվը ժամանակավոր կառավարության օրոք Պետրոգրադից ուղարկվեց Թիֆլիս, սակայն ճանապարհին կործանվեց-շրացավ: Տարիներ անց Հ. Օրբելին գառնությամբ գրեց այդ մասին. «Կովկասյան ռազմաճակատի թիկունքում թափառող հրոսակների կողմից կատարած Անիի հնագարանի և Անիի գիտական օջախի ավերումը, Անիի հավաքածուների և արխիվային նյութերի անշնորհք էվակուացումը, պատասխանատու անձի անօրինակ թեթևամտությունը, որի պատճառով վագոնները թողնվեցին բախտի քմահաճուքին, երբ 1917 թ. Հոկտեմբերի վերջին Պետրոգրադից Կովկաս, անժամանակ ստեղծված Կովկասյան ինստիտուտ էին ուղարկվում արխիվային նյութեր, լուսանկարներ, գծագրեր և այլ փաստաթղթեր՝ հանգեցրեց նրան, որ Մատի ու նրա դպրոցի կողմից թե կուտակված և թե ստեղծված գիտական հարստության զգալի մասը ոչնչացավ: Անվնաս մնացին միայն պատառիկներ, փրկվեցին այն թերթիկները, որոնցից տարիներ շարունակ օգտվում էր Մատի, կարգալով իր միշտ նոր ձեռվ խորացված հրապարակային դասախոսությունները: Երևանում անվնաս մնաց Անիի հնագիտական հավաքածուների այն չնշին մասը, որը դուրս էր բերվել բարիս բուն իմաստով՝ հբացանների կրակոցի տակ»¹⁰: Այդ իսկ պատճառով ն. Մատի հաշվետվությունների և նրա հայտնի «Անի»¹¹ գրքի հետ միասին Հ. Օրբելու ստույգ նկարագրությունները ինչ-որ շափով սկզբնաղբյուրի նշանակություն են ձեռք բերում, թեև չեն կարող որևէ կերպ լրացնել այն բացը,

որն առաջացել է անգին հուշարձանների կորստով և կործանմամբ:

Ավարտելով ուղեցույցը և հնադարանի ցուցակը, Հ. Օբբելին ձեռնամուխ եղավ «Անտոյ աերակները» հանրամատչելի ակնարկին¹²: Անիի քաղաքական պատմությունից հետո Հ. Օբբելին տալիս է ավերակ քաղաքի և նրա մոտակայքում գտնըվող հուշարձանների, հնադարանի ցուցանմուշների նկարագրությունը և ավարտում ակնարկը Մառի խոսքերով: «Կովկասի պարծանքը այն զարդերն ու գանձերն են, որոնցով օժտել է նրան բնությունը: Դրանցից լավագույնների հետ համահավասար Կովկասը կարող է հպարտանալ ի վերուստ տրված մշակութային մի այլ պարզեցով՝ Անիի ավերակներով, իր հնագիտական պսակի այդ խոշորագույն մարգարտով»:

Դարձասկզբին հրատարակված ակնարկը այժմ ևս կարող է ծառայել որպես Անիի պատմության, նրա հուշարձանների ծանոթության հիմնալի ներածական:

1908 թ. Սլրբողսկ (Նախկին Վյատկայի նահանգ) քաղաքի գաղաքանի գործարանի տիրուչին հնագիտական հանձնաժողովին ղւղարկեց Փոթիից ստացված մի զանգի լուսանկար (ներկայումս այդ զանգն էրմիտաժում է): Հ. Օբելին ձեռնամուխ եղավ դրա ուսումնասիրությանը, կենտրոնանալով գերազանցապես խաչի վրա: «Այդ ասպարեզում, — հայտնում էր նա իր ստպագրված աշխատանքում¹³, — ուսումնասիրողի տրամադրության տակ կա համեմատական շատ հարուստ նյութ՝ խաչերի, ավելի շուտ խաչքարերի, որոնք ցրված են Հայաստանով մեկ, քանակը պարզապես անհնարին է հաշվել: Բոլոր այդ խաչերը մի բնույթի են, և այդ հանգամանքը հնարավորություն է տալիս վստահությամբ ճանաշելու նրանց հայկական ծագումը»:

Ուշագրությամբ քննելով խաչերի ձևերի զարգացումը, հեղինակը եկավ այն եզրակացության, որ «զանզը ավելի սերտորեն կապված է Անիի և նրա շրջակայքի հուշարձանների հետ, եթե միայն դա չի բացատրվում նրանով, որ այդ քաղաքի հնությունների մասին մենք համեմատաբար լավատեղյակ ենք (Անին միակն է Հայաստանում, որ ենթարկվում է սիստե-

մատիկ ուսումնասիրության)… Եթե զանգը իրոք ձուլվել է Անիի մշակութային ազգեցության ոլորտում՝ մի բան, որ ավելի քան հավանական է, ապա նրա պատրաստման ժամանակը առանց կասկածի կարելի է վերագրել XII—XIII դդ.»¹⁴:

Այն տարիներին, երբ Հ. Օրբելին զբաղվում էր Անիի հուշարձանների ուսումնասիրությամբ, Ն. Մարից և Ս. Ա. Ժերեզովից ստացավ շոյիչ առաջարկ՝ Բրոկհաուզի և Եֆրոնի հոչակավոր հանրագիտարանի համար հայկական արվեստի մասին ներկայացնել մի հոդված (Հայոց լեզվին, գրականությանը, պատմությանը նվիրված հոդվածը հեղինակել էր Ն. Աղոնցը):

Հոդվածը¹⁵ գրելիս Հ. Օրբելին մասնագիտական գրականությունից բացի օգտվում էր հուշարձանների իր անմիջական իմացությունից և առաջարկում ճարտարապետության, քանդակագործության, զարդարանդակի, որմնանկարչության և մանրանկարչության զարգացման իր սեփական տեսակետը (վերջին բաժինը, ճիշտ է, սեղմ էր ստացվել, քանի որ հայկական մանրանկարների ուսումնասիրության ուղղությամբ առաջին քայլերն էին արվում): Շատ հետաքրքիր են հոդվածի տեսական դրույթները. «Քրիստոնյա Հայաստանի արվեստը դիտվում է ազգակից Վրաստանի արվեստի հետ շաղկապված, մինչդեռ այդ խիստ մերձեցումը բացատրվում է որոշ հուշարձանների տեղադրության անգիտությամբ. այստեղից է բխում վրացական հուշարձանների վերագրումը Հայաստանին և հակառակը» (սյուն. 664): Հեղինակը ցույց է տալիս, թե որքան ինքնատիպ է հայկական արվեստը, կտրականապես հրաժարվում է այն դիտել որպես բյուզանդական արվեստի ճյուղավորում: «Դեռ ավելին,—գրում է նա, —իրակվում են փաստեր, որոնք ցույց են տալիս, որ բուն հայկական արվեստը հանդիսացել է այն հոսանքների աղբյուրներից մեկը, որոնք յուրացվել են բյուզանդականի կողմից և արմատ ձգել նրա մեջ» (սյուն. 665): Ընդումին, հասկանալի է, գիտնականը ամենին չի բացառում այն ազգեցությունները, որոնք կրել է հայկական մշակութիր հարեւան մշակույթներից: Նա բացորոշ գործառնություն է անցկացնում Հայոց ճարտարապետության և գրականության մասին:

կանության միջև և երկու դեպքում էլ նկատում ասորական մշակույթի ազգեցություն, որը հետագայում, դավանական իրադրությունների հետևանքով, դուրս է մղվել հունականի ազգեցությամբ:

Հետագա տարիներին նույն այդ հանրագիտարանում լույս տեսան Հ. Օրբելու և երկու հոդված՝ նվիրված վրացական և մուսուլմանական արվեստներին: Խոսելով վրացական արվեստի մասին, Հ. Օրբելին ընդգծում էր, որ զարգանալով մեծ տարածության վրա, տեղագրական տարբեր պայմաններում, ենթարկվելով էթնիկական պարագաների, այն, թեև միավորված է ընդհանուր սկզբունքներով, բայց, այնուամենայնիվ, հանդես է գալիս բավականին բազմազան ձևերով և բաժանվում հատուկ խմբերի: Վրաստանի քրիստոնյա արվեստը սերտորեն կապված է հայկականի հետ, բայց, դիտելով դրանք մեկ ընդհանուր կապի մեջ, պետք է խուսափել դրանք իրարի իշխանություց: Հուշարձանների հատուկ խումբ են կազմում հայ և վրացի խառը բնակչություն ունեցող տարածքում ստեղծվածները, «որոնք իրենց մեջ միակցում են և հայկական, և վրացական գեղարվեստական ստեղծագործությանը հատուկ տարրեր: Այստեղ հատկապես ուժեղ է զգացվում դավանական հոսանքների ազգեցությունը» (Հ. 15, սյուն. 126):

Մուսուլմանական արվեստին նվիրված հոդվածը զգալի շափով գրված է զրականության և հրապարակված նյութերի հիման վրա, սակայն նրանում եա առկա է հեղինակի ինքնուրույն մոտեցումը: Շատ կարևոր են, օրինակ, նրա գրույթներն այն մասին, որ սելցումյան գմբեթակերպ գամբարանները սերում են հայկական և վրացական տաճարների գմբեթներից: Անցած տասնամյակների ընթացքում գիտությունն, իշարկե, հարստացել է բազմաթիվ նոր տվյալներով, որոշ պատկերացումներ վերանայվել են, մինչդեռ «սելցուկյան» կոշված ճարտարվեստի վրա հայկականի ազգեցության դրույթը հաստատում գտավ Ա. Լ. Յակոբսոնի աշխատություններում: Հետագայում ինքը՝ Հ. Օրբելին առաջարկեց «մուսուլմանական արվեստի» նոր իմաստավորում: Այնուամենայնիվ, այդ հոդված-

ները, որոնք գրվել են դարասկղբին, տակավին չեն կորցրել իրենց գիտական նշանակությունը:

Ինչպիս ասվեց, 1911-1912 թթ. Հ. Օրբելին հնարավորություն ունեցավ երկար ժամանակ Մոկսում հավաքել տեղի բանահյուսության նմուշներ, կազմել երկու բարբառագիտական բառարան՝ հայերեն և քրդերեն: Այդ աշխատությունից հրատարակվել են միայն բնագրերի ուսուերեն թարգմանությունները և ազգագրական ակնարկը¹⁶, մինչդեռ նրա ծավալուն կորիզը կազմում էն հենց բառարանները և հայերեն բնագրերը: Ասվեց, որ Հ. Օրբելին գրանցել է Մոկսի մշակութային կյանքը (բառիս լայն իմաստով) նրա կործանումից մի քանի տարի առաջ, և աշխատությունը մեծ արժեք է ներկայացնում, թեկուզ որպես վերջին վկայություն: Բայց նկատի առնենք, որ վկայությունը կաղմված է գիտության խստագույն պահանջների համաձայն: Հ. Օրբելին կարողացել է դրանցել բառապաշտարը, տալ բառերի տեղական իմաստաբանությունը, Մոկսի երկու բարբառների՝ հայերենի և քրդերենի հնչյունաբանությունը: Այժմ հայերենի կամ քրդերենի հնչյունաբանությամբ զբաղվող ոչ մի հնչյունաբան չի կարող անցնել այդ աշխատության կողքով: Բառերը կամ բնագրերը գրանցելիս Հ. Օրբելին կիրառել է իր իսկ կողմից ստեղծված հնչյունաբարձության հատուկ նշաններ, և դրանց շնորհիվ մենք այժմ ի վիճակի ենք լսելու մոլուքու լեզուն: Իսկ գրի առնված բանահյուսության նմուշները զգալիորեն հարստացնում են մեռ գիտելիքները ժողովողի բանավոր ստեղծագործության մասին: Դա, իրոք որ վիթխարի աշխատանք է, այն էլ կատարված երեկվա ուսանողի կողմից:

Հայ բանահյուսության հարցերին Հ. Օրբելին վերադառնում է 30-ական թվականների վերջերին, երբ նրա անմիջական մասնակցությամբ պատրաստվում է «Սասունցի Դավիթ» դյուցազներգի համահավաք բնագիրը, երբ նա խմբագրում է ուսուերեն թարգմանությունը և մի մեծ ուսումնասիրություն զբում որպես ուսուերեն հրատարակության նախաբան¹⁷: Այս տեղ նա ցույց է տալիս, որ «Սասնա ծռերի» կորիզը անհամեմատ ավելի հին ծագում ունի, նրա առանձին կողմերը հեռա-

նում են մեզանից ոչ թե մեկ, այլ մի քանի հազարամյակներ։ Դյուցազներգությունը շատ բարդ զարգացում է ապրել. «Դյուցազներգության հիմնական գծի զարգացումը՝ բնության ուժերի՝ իսկական մարդու վերամարմնավորելու ընթացքն է, այն ուժերի, որոնք մարդկային մտածողության կազմավորման արշալուսին գաղանացին կամ մարդկայնացած ձևեր էին ընդունում։ Հերոսների յուրաքանչյուր հաջորդ սերունդը էլ ավելի մոտ է երկրին, էլ ավելի մոտ է երկրացին մարդու կերպարանքին»¹⁸: Դյուցազներգության հերոսները, որքան և կապված լինեն իրենց ծագումով, իրենց գերմարդկացին ուժով, իրենց հատկություններով և իրենց գործերով՝ բնության և նրա ուժերի հետ (իսկ հնագարյան մարդը անհամեմատ ավելի է զգացել այդ ուժերը, քան նա, ով սովորել է ենթարկել իրեն դրանց թեկուղ մի մասը) — այդ հերոսները խորապես մարդկացին են, դրանք կենդանի մարդիկ են, օժտված արիությամբ և բարձր հատկություններով, բայց իրենց մեջ կրում են նաև մարդկացին թուլություններ, ուստի և ոչ միայն նրանց սխրանքները, այլև թուլություններն են վառ արտահայտվել նրանց երկրացին կյանքի պատումներում»¹⁹: «Այդ դյուցազներգությունը, — շարունակում է Հ. Օրբելին, — ժողովրդական է ոչ միայն նրանվ, որ ապրում է ժողովրդի խորքում և նրա կողմից ասվում, ոչ միայն նրանով, որ մինչև վերջին ծամանակները, մինչև մեր օրերը ապրում է ժողովրդի բանավոր հաղորդմամբ, ոչ միայն նրանով, որ տարբերակների լեզուն ժողովրդական է, կառուցվածքով և բառացին կազմով շատ հեռու հին կամ նոր գրական հայերենից։ Դյուցազներգությունը ժողովրդական է նախ, և առաջ նրանով, որ նրա հերոսների ամբողջ աշխարհայցը անխղելիորեն կապված է ժողովրդի հետ և ոչ թե նրանց հետ, ովքեր հազարամյակներ իրենց ձեռքում են պահել հայ ժողովրդի բախտը»²⁰:

Լրացված ձևով այդ ուսումնասիրությունը լույս տեսավ 1965 թ., առանձին հարատարակությամբ²¹:

Հ. Օրբելու գիտական ժառանգության կազմում հատուկ տեղ են բնում նրա վիմագրագիտական աշխատությունները։ Արդեն ասվեց, որ գիտական այդ բնագավառը ն. Մառը

վստահել էր իր աշակերտին, և վերջինս ընդունեց առաջարկը
մեծ ոգևորությամբ:

Պահպանված հայկական արձանագրությունների քանակը
հաշված չէ: Վանքերի և եկեղեցիների շենքերի գրսի (ոչ հազ-
վագեպ նաև ներսի) որմերին կարող են լինել գարերի ընթաց-
քում փորագրված տասնյակ կամ նույնիսկ հարյուրավոր ար-
ձանագրություններ: Այդպիսիք կան նաև խաչքարերի, տա-
պանաքարերի, այլ կոթողների վրա: Որպես պատմական ըս-
կըզբնաղբյուր, վիմագիր արձանագրությունները շափաղանց
կարենը են. նրանք տվյալներ են հաղորդում գնումների և
նվիրատվությունների, տուրքերի և հարկերի; վանքերի և ե-
կեղեցիների հիմնադրման մասին, հիշատակում պատմական
իրադարձություններ և այլն: Արձանագրությունները, նշում էր
Հ. Օրբելին 1914 թվականին կարգացած իր ներածական դա-
սախոսության մեջ, կարենը աղբյուր են «Երկրի ներքին կյան-
քի, հասարակարգի, կառավարման, վերջապես՝ անձնական
կյանքի» ուսումնասիրության համար:

Որպես պատմական աղբյուրի արձանագրություններին
դիմել են արդեն միջնադարյան պատմիչները՝ Կիրակոս Գան-
ձակեցին, Ստեփանոս Օրբելյանը, Զաքարիա Քանաքեռցին: XIX
դարում արձանագրությունների հավաքման և հրատարակու-
թյան գործով զբաղվեցին ականավոր գիտնականներ Մինաս
Բժշկյանը, Մարի Բրոսեն, Հովհաննես Շահխաթունյանցը,
Սարգիս Զալալյանցը, Վիկտոր Լանգլուան, Ղեոնդ Ալիշանը,
Հետագայում՝ Կարապետ Կոստանյանցը, Երվանդ Լալայանը
և շատ ուրիշներ: Նրանց շանքերով այդ կարենորագույն սկզբո-
նաղբյուրները մտան գիտական լայն շրջանառության մեջ:
Սակայն շատ գեպքերում նրանց վերծանությունները չէին հա-
մապատասխանում ժամանակակից գիտության պահանջնե-
րին: Արձանագրությունների հրապարակմանը ձեռնամուխ հ-
ղած Հ. Օրբելին շուտով համոզվեց, որ հրատարակիչների ձեռ-
քով կատարված հավելումը կամ ուղղումը ներկայացվում էր
իբրև բուն գրություն, լեզվական և հնագրական առանձնա-
հատկությունները հաճախ անտեսվում էին, բաղում զեպքի-

բում ընթերցումները ստուգգ չէին, թերի էր նաև վերարտադրության հղանակը:

Օգտվելով հունա-հռոմեական վիմագրագիտության հարուաա փորձից, ինչպես նաև ն. Մառի նոր հրապարակումներից, Հ. Օրբելին մշակեց հայկական վիմագրերը հրատարակելու սկզբունքները: Արձանագրություններին հատուկ է կապություն կամ կցագրություն, երբ մեկ տառի վրա շարված են լինում մի քանի այլ տառերի ելուստներ, այսինքն՝ գրությունը արտահայտում է մի քանի տառ միաժամանակ: Ահա այս առանձնահատկություններն արտահայտելու համար Հ. Օրբելին պատվիրում է հատուկ գրատեսակ, որն ընդգրկում էր հայոց վիմագիր արձանագրություններում հանդիպող գրեթե բոլոր կապգրերը: Արձանագրության մի շատ կարեոր, էական կողմը հնարավոր էր այնուհետև վերարտադրել տպագրական միջոցներով: Տեխնիկական այդ նորությունը պարզուց կերպով ցույց տվեց, որ կապգրերը պատահական չեն, այլ կազմում են քիչ թե շատ որոշակի համակարգ (շատ ցավալի է, որ կեննինգրադի տպարանի ջրհեղեղման տարիներին Հ. Օրբելու ուրվանկարներով ստեղծված հայկական վիմագրական տառատեսակը շարքից դուրս եկավ): Գիտնականի թրզ-թերում պահպանվել են բազմաթիվ նյութեր՝ ընդհուպ տառարկդի գասավորությունը, որոնց օգնությամբ կարելի է վերականգնել այդ գիրը՝ իր ողջ բազմատեսակությամբ:

Հաղթահարելով տեխնիկական բնույթի դժվարությունները, Հ. Օրբելին հնարավորություն ստացավ աղատություն տալ հետազոտական մտքին: 1913 թ. սկսած գիտական մամուլում մեկը մյուսի հետեւց լույս տեսան նրա ուսումնասիրությունները, մեծ մասամբ նվիրված հայոց հնագույն արձանագրություններին²²:

Առանձին վիմագրեր հրատարակելիս Հ. Օրբելին տալիս էր նաև իր մեկնաբանությունը, լուսաբանում արձանագրության հետ կապված պատմական դեպքեր, կենսագրական տրվայաներ, տերմինաբանություն և այլն. հրապարակումը հաճախ վեր էր ածվում իսկական հետազոտության: Աշխատությունների այդ շարքին է հարում նաև 1921 թ. լույս տեսած հոդվածը²³:

Այստեղ Հեղինակը ցուց է տալիս, որ «արձան» բառը նշանակել է նաև աշտարակ, հանդես եկել որպես «բուրջ» բառի հոմանիշ: Հոդվածագիրը՝ պարզաբանում է մի հարց ևս. եթե արձանագրության մեջ ասված է, որ կառուցը շինել է այս կամ այն անձնավորությունը, ապա «շինել» տերմինը պետք չէ բոլոր դեպքերում հասկանալ բառացի: «Շինողը» կարող էր պարզապես վճարել արդեն կատարված աշխատանքի համար և իրավունք ստանալ արձանագրությամբ հավերժացնելու իր անունը:

Հ. Օրբելու վիմագրագիտական աշխատությունները, ինքնուրույն արժեք ներկայացնելով հանդերձ, պետք է հիմք դառնային հայոց արձանագրությունների գիվանի համար: Թե ինչպես էր Հեղինակը պատկերացնում այդ հրատարակությունը՝ կարելի է դատել նրա կողմից պատրաստված «Հայկական վիմագիր հուշարձանների» առաջին պրակով²⁴: Այն ընդգրկում է Մարմաշեն վանքի արձանագրությունները: Աշխատությունն սկսվում է ինչպես վանական համալիրի, այնպես էլ նրա արձանագիր առանձին քարերի համառոտ նկարագրությամբ, Այնուհետև տրվում են կցագիր գրատեսակով վերարտադրված արձանագրությունները և նրանց ընթերցումները, կցագրերը բացվում են, որտեղ հնարավոր է՝ նշվում է բառանշատումը, վերականգնվում են եղծված տեղերը, առանձին դեպքերում լրացվում են փորագրիչի կողմից բաց թողած տառերը կամ նշվում տառերի անհարկի կրկնությունը: Եթե տվյալ արձանագրությունն արգեն հրատարակված է եղել, ապա նշվում է համապատասխան մատենագիտությունը: Պրակին ունի անձնանունների, աշխարհագրական և էթնիկական անվանումների ցանկեր, կցված են արձանագրությունների լուսանկարչական վերարտագրություններ:

Նույն սկզբունքներից ելնելով, Հ. Օրբելին ձեռնամուխ եղավ Շիրակի և Հատկապես Անիի արձանագրությունների ժողովածուի պատրաստմանը: Աշխատանքը տևեց տարիներ, վերջապես իջավ տպարան, Հեղինակն անցել էր սրբագրությանը, երբ 1924 թ. Նևայի հայտնի ջրհեղեղի հետևանքով շարվածքը ոչնչացավ, մնացին միայն նրա արտատպություն-

ները, այդ թվում նաև շատ որակյալ տախտակները: Հ. Օբեկ-լու ամենից կարևոր աշխատություններից մեկը, այսպիսով, մնաց անտիպ: Սակայն հայոց վիմագիր հուշարձանների դի-վանի գաղափարը չէր կարող վերանալ: 1938 թ. Հ. Օբեկլու դեկուցագրի հիման վրա Հայաստանի ժողովրդական կոմի-սարների խորհուրդը հատուկ որոշում կայացրեց և դրամական միջոցներ առանձնացրեց այդպիսի դիվան հրատարակելու համար: Աշխատանքն ընդհատվեց պատերազմով և վերսկըս-վեց միայն 1954 թ., երբ ՀՍՍՀ Գիտությունների ակադեմիան Ս. Գ. Բարխուդարյանի գլխավորությամբ կազմեց արձանա-դրագիտական մշտական գիտարշավ, սկզբում՝ Պատմության, հետագայում՝ Հնագիտության և ազգագրության ինստիտու-տին կից: Աշխատանքը հաջող էր ընթանում, և աճա՛ 1960 թ. լույս տեսավ դիվանի անդրանիկ պրակը, առաջին հատորի պատիվը վերապահելով Հ. Օբեկլում: Այն ընդգրկում է Գորի-սի, Սիսիանի և Ղափանի արձանագրությունները: Պրակը կազ-մեց և նրա տպագրությունն ապահովեց անխոնջ գիտնական, գիտության հավատարիմ մշակ և փայլուն վիմագրագետ Սեդ-րակ Բարխուդարյանը (1898-1970)²⁵: Դիվանի հրատարակու-թյան ընդհանուր ղեկավարությունն իր վրա էր վերցրել Հ. Օբ-եկլին:

Դիվանի հիմքում ընկած են այն սկզբունքները, որոնք մշակվել են տասնյակ տարիների ընթացքում. այդ սկզբունք-ների համաձայն արձանագրությունները պիտի վերարտագրու-վեն իրենց բոլոր առանձնահատկություններով: Վիմագրական հատուկ տառատեսակի բացակայության և որոշ այլ, ավելի էական պատճառներով, արձանագրություններն սկսեցին հրա-պարակվել տեխնիկական գծագրեր կատարելու եղանակով: Անդրանիկ պրակում այդ գծանկարները երբեմն անհաջող են ստացվել, հետագայում, սակայն, նրանց որակը բարձրացավ, և կիրառված եղանակն իրեն լրիվ արդարացրեց: Արդեն հա-ջորդ պրակում (իսկ դա Հ. Օբեկլու հավաքած՝ Անիկ արձա-նագրությունների պրակն է) բարելավումներն աշքի են ընկ-նում առաջին իսկ հայացքից:

Միասնություն մտցնելով կատարված աշխատանքի մէջ՝
ապահովելով արձանագրությունների բարձրորակ հրապարա-
կումը, Ս. Բարխուդարյանը պատրաստեց և 1966 թ. լույս ըն-
ծայեց Հ. Օրբելու աշխատությունը՝ Անի քաղաքի վիմագրու-
թյունը²⁶: Դիվանի այդ պրակը բացվում է Հ. Օրբելու այն դա-
սախոսությամբ, որը նա կարդացել էր Պետերբուրգի համալ-
սարանում՝ 1914 թ. սեպտեմբերի 6-ին՝ սկսելով Շիրակի վի-
մական արձանագրություններին նվիրված իր դասընթացը:
Հրատարակված է Անիի 266 արձանագրություն՝ իրենց գծա-
գրերով, ընթերցումներով: Նույն պրակով ընթերցողին հա-
սան նաև այն 25 տախտակները, որոնք փրկվել էին նևայի
ջրհեղեղից (ժամանակին տպագրվել էր 800 օրինակ, դրանով
և որոշվեց պրակի տպաքանակը):

Հայ վիմագրության Դիվանի այդ պրակով շրջանառու-
թյան մէջ մտան միջնադարյան Հայաստանի և Հարեւան երկր-
ների քաղաքական, սոցիալական, տնտեսական ու մշակութա-
յին պատմության համար առաջնակարգ նշանակություն ունե-
ցող արձանագրությունները. Անիի պատմությամբ զբաղվողները
ձեռք բերեցին բացառիկ կարեռության սկզբնաղբյուրները:
Վիմագրական աշխատանքները շարունակվում են, առ այսօր
Հրատարակված է 6 պրակ:

1910-ական թվականների Հ. Օրբելու կարեռը աշխատու-
թյունների շարքին են պատկանում նաև արձանագրություններ
ունեցող արծաթյա շերեփներին նվիրված ուսումնասիրու-
թյունները: 1913 թ. Ռուսական Հնագիտական ընկերության
Արեելյան բաժանմունքի նիստում Հ. Օրբելին զեկուցում կար-
դաց այդ երկու առարկայի մասին, որը և հրատարակվեց
«Քրիստոնյա Արեելք» պարբերականում²⁷: Հայկական արձա-
նագրություններ ունեցող շերեփը թվակիր է՝ ԶԴԸ, այն է՝ մ. թ.
1549 թ.: Այստեղ կարդում ենք.

ԻՍԱՅ է ԳԱԻԿԹ ԳԻՒՌՎ ի լին,

ԱԻՐՀՆԵԱԼ ԱԶՈՎՆ ՅԻՍՈՒԽԻՆ

ի ՎԱՅԵԼՈՒՄՆ ՀՈՐ ՈՀԱՆԵՍԻՆ ԵԻ ՅԻՈՒՐ ՈՐԴՈՅՆ
ԽՄԵՆՔ, ԵՂԲԱՐՔ, ԱՄԵՆԵՔԻՆ:

բազմահատորյակի էջերում հրապարակված Հ. Օրբելու հոդված³⁰:

20-30-ական թվականներին իրանական արվեստը մեծ տեղ է գրավում Հ. Օրբելու հետազոտական կյանքում: Դրա արդյունքներից մեկն է նրա «Սասանյան արվեստ» ակնարկը: Վերլուծելով ճարտարապետությունը, մոնումենտալ բարձրաքանդակները, մետաղյա գեղարվեստական առարկաները, գործվածքները, փորագրված քարերը, դրամները, Հ. Օրբելին բացահայտում է նրանց կապը սասանյան արքունիքի կենցաղաձևերի հետ, տեխնիկական ու գեղարվեստական ձևերի ընդհանրությունը, արևմտյան արվեստի վրա ոնեցած ազդեցությունը և խորամուխ հետազոտողի աշխից շվրիպող շատ այլ գծեր: Այդ ակնարկը հաջորդեց Էրմիտաժում կազմակերպված սասանյան հնությունների ցուցահանդեսին, այսինքն՝ բուն իրերի մանրազնին ուսումնասիրությանը: Եվ արդեն ցուցահանդեսի կապակցությամբ գրված աշխատության մեջ Հ. Օրբելին մասնավորեցնում էր, թե ինչպիսի տարածում էր գտել այդ արվեստը, ինչպիսի ազդեցություն գործել հարեւան ժողովուրդների գրականության (Հատկապես ժողովրդական), հավատալիքների ու սովորույթների, կենցաղի վրա: Գիտնականի կարծիքով «սասանյան» գծերը նկատվում են XVI-XVII հնույնիսկ XIX դարերի հուշարձաններում: Այսպիսով, «սասանյան արվեստ» հասկացությունը դուրս է գալիս «սասանյան արքունական արվեստի» սահմաններից, արձագանք գտնում ոչ միայն իրանում, այլև Կովկասում, Միջին և Փոքր Ասիայում³¹: Ավելին՝ Հ. Օրբելին ապացուցում էր, որ «սասանյան» կոչված սկսուելների, գավաթների, ջրլիցների և այլ գեղարվեստական առարկաների ստեղծմանը մասնակցել են ոչ միայն Իրանի, այլև Հարեւան երկրների ժողովուրդները:

Ինչպես նշվեց նախորդ զլիում, 1923 թ. Էրմիտաժում բացվեց մահմեդական հախճասալերի ցուցահանդես: Այդ ցուցահանդեսի կապակցությամբ Հ. Օրբելին հրատարակեց «Մահմեդական հախճասալեր» ակնարկը: Այստեղ առաջին անգամ հարց դրվեց «մահմեդական արվեստ» տերմինի մասին: «Մահմեդական» տերմինը՝ ոչ միայն մշակութային, այլև

դավանական, չի ընդգրկում ստեղծարար այն բոլոր տարրերը, որոնք իրենցն են ներդրել այդ «մահմեդական մշակույթի մեջ», — գրում էր Հ. Օրբելին:

Իսկապես, հախճասալերը ստեղծվել են պատմամշակույթային բարդ միջավայրում: Որպես նրանց հայրենիք ճանաշում են Միջագետք-Պարսկաստանը, բայց «յուրաքանչյուր երկրը, որտեղ զարգանում էր հախճասալերի արտադրությունը, նրա մեջ մտցրեց իրեն հատուկ գծեր, լրացնելով, հարստացնելով, նաև ծաղկեցնելով՝ երբեմն հօգուտ, երբեմն էլ ի վնաս, սկզբնաղբյուրից ժառանգած հիմնական ձևերը»³²:

Երբ 1925 թ. էրմիտաժում բացվեց գլխավորապես մահմեդական արվեստի երկրորդ մեծ ցուցահանդեսը, Հ. Օրբելին հատուկ զգուշացնում էր, որ «Մահմեդական Արևելք» անվանումը պայմանական է: Նախ, ոչ բոլոր առարկաներն են բատեղծվել մահմեդական միջավայրում: Բացի այդ, սխալ է «մահմեդական» անվանել այն իրերը, որոնք չեն եղել պաշտամունքային: Եվ վերջապես, զժվար թե հնարավոր լինի մըշակույթները բացարձակ ձևով սահմանափատել այն երկրներում, ուր կողք կոյզիցել են երկու մարտնչող դավանանքներ՝ իսլամն ու քրիստոնեությունը³³:

Հետագայում ևս նա անդրադարձավ այդ հարցին: «Մահմեդական Արևելք» և «Քրիստոնյա Արևելք» տերմինների գոյակցությունը, որը մինչև այսօր էլ մեր ակադեմիական կենցաղից վերացված չէ, — գրում էր Հ. Օրբելին 1931 թ., — որոշել է նաև գիտական տեսակետների համապատասխան դարձագումը ու հանգեցրել այն մտքին, որ վրացիները, հայերը, ասորիները, զպտիները և եթովպացիք որպես մեկ ամբողջություն հակադրվում են մեկ որիշ ամբողջության՝ պարսիկներին, թուրքերին, քրդերին և արաբներին ոչ թե դավանական, այլ պատմամշակութային առումով: Լրիվ մոռացության է տրվում այն, որ եթովպացիների շփումը հայերի հետ, անկասկած, տեղի է ունեցել, բայց միայն եկեղեցական ժողովներում և, գուցե, առանձին դեպքերում՝ մեկ-երկու վանքերի կենցաղում, իսկ ամբողջ մնացած հայության կյանքն ու պատմական ճակատագիրը իր հիմնական տարածքում անբաժան

Է ընթացել պարսիկների, [Հետագայում նաև] թուրքերի և քրդերի կյանքից, միավորվելով նրա հետ այն բոլոր հարցեռում, որոնք չեն վերաբերել կրոնական հավատալիքներին և ծեսերին: Բայց եթե դուքս գանք տաճարների պատերից և հայցը ձգենք ժողովրդական հավատալիքների իսկական դեմքին, ապա [քրիստոնյաների կյանքը] կապված է նրանց՝ (մահմեդականների) կյանքի հետ նույնիսկ կրոնական առումով^{34:} Եվ, վերջապես, ինչպես ասվեց, նույն այդ հարցերին նա անդրադարձավ սելչուկյան արվեստին նվիրված ելույթում, 1935 թ.: Զեկուցողը ուշադրություն էր հրավիրում այն անվիճելի փաստին, թե «սելչուկյան մշակույթի ստեղծմանը մասնակցել են Միջին Ասիայի զգալի մասի, Փոքր Ասիայի, Անդրկովկասի և Իրանի ժողովորդները: ...Քաղաքային կյանքի ծաղկման այդ հետնախորքի վրա (բայց ոչ երբեք «վերածննդի», ինչպես սիրում են երբեմն ասել) թոշնում են բնակչության տարրեր տարրերի միջև եղած ազգային և դավանական հակասությունները: Դրա վառ օրինակները բացահայտվեցին Մասի պեղումների ընթացքում Անիում, ուր բնակչության տարրեր խմբերի միջև բաժանման որոշակի գիծը, ինչպես պարզվեց, անցնում էր, մի կողմից, հայերի և վրացիների և, մյուս կողմից, պարսիկների և թուրքմենների ու թուրքմենական ազնվականության ու սրան հարող հարուստների՝ վաճառականների ու վաշխառուների և, մյուս կողմից, արհեստավորների ու աղքատների միջև^{35:}

Սելչուկյան արվեստում, — շարունակում էր զարգացնել իր միաքը Հ. Օրբելին, — կան բազմաթիվ տարրեր, որոնք երեկով քոչվորները յուրացրել էին տեղական մշակույթների գանձարանից, տեղի գեղարվեստական ավանդույթներից: Այդ եղակացությանն է հանգեցնում և՛ ճարտարապետության, և՛ մետաղյա իրերի, և՛ մահարձանների ու շատ այլ տեսակի հուշարձանների ուսումնասիրությունը: «Արդեն քսաներկու տարի առաջ մենք առիթ ունեցանք ապացուցելու, որ սելչուկյան արվեստին հատուկ՝ բազմակող և գլանաձև, բրդաձև կամ կոնաձև ծածկ ունեցող դամբարանները (որոնց տիպարը սիրով պահպանել է հետագա դարերի մահմեդական ճարտարա-

պետությունը), իրենց հիմքում և ամենից վաղ օրինակներում ոչ թե կառուցներ են, որոնք կախում ունեն հայ և վրաց եկեղեցական ճարտարապետության ձեերից, այլ պարզապես հայկական և վրացական տաճարի թմբուկը և գմբեթն են՝ կտրված տանիքից և փոխադրված գետին. ընդ որում՝ թմբուկը կտրված էր իր ենթակառուցվածքով, այն է՝ նրա տակ եղած կամարներով: Իսկ գետնի վրա այդ ենթակառուցվածքը ոլընչով չի արդարացված և ըստ էության՝ անհեթեթ է: Նկատի ունենք, անշուշտ, ոչ թե եկեղեցու ֆիզիկական ավերումը՝ նրա թմբուկի և գմբեթի քարերից սելջուկյան նոր դամբարաններ կառուցելու նպատակով, այլ երկինք խոյացող չորս սյուների և կամարների վրա կառուցված թմբուկի կուրորեն վերից գետին փոխադրումը: Ուսումնասիրելով Խալաթի, Էրզրումի, Ոստանի դամբարանները, մենք տեսնում ենք, թե ինչպես է ծնվում ճարտարապետական մի նոր տեսակ. նա աճում է անտնկաշիվից, որը կտրել են այստեղ դարեր աճող քրիստոնյահայկական և վրացական տաճարից»³⁶:

20-րդական թվականներից սկսած Հռվիելու թե՛ գըրավոր աշխատությունները, թե՛ բանավոր ելույթները ձեռք են բերում հրապարակախոսային երանգ: Վերլուծելով առանձին երևույթներ, քննության առարկա դարձնելով դրանց առաջացման պատմամշակութային պայմանները, նա ընդգծում է այն կողմերը, որոնք իր ժամանակի համար եղել են հրատապ: Բանավիճային այդ աշխատություններում նա որոշ գրույթներ գիտակցաբար սրում է: Պնդելով, օրինակ, որ քրիստոնյա և մահմեդական արվեստների միջև եղած հակադրությունը երեւակայական է, նա, անշուշտ, միտք չուներ ժիտել նրանց էական տարբերությունները: Զէ որ ինքն էր շարունակ շեշտում հայ և վրաց արվեստների ինքնուրուցնությունը և ինքնատիպությունը: Բայց ակներև է նաև մշակույթների փոխադարձ աղղեցությունը, որը շարունակ վրիպում էր հետազոտողների տեսադաշտից: Հարկավոր էր խախտել կայունացած ավանդույթը, և Օբբելին անում էր այն իրեն հատուկ կրթուտությամբ:

Այդ շրջանի աշխատություններին դիմելիս, անհրաժեշտ է հաշվի առնել մի հանգամանք ևս. դրանք սովորական հետազո-

տություններ շին, այլ հաճախ՝ միաժամանակ պատմափիլիսոփայական մտորումներ: ՀՅ-ական և հատկապես հաջորդ տասնամյակների աշխատություններն ուղղված էին ոչ միայն մասնագետներին, այլև լայն ընթերցողին: Օրբելին հարկ չէր համարում յուրաքանչյուր գեղքում հիմնավորել իր դրույթը, կարեվոր էր մատուցել, այն էլ ընդհանրացված ձևով, իր գաղափարը: Այդ է պատճառը, որ անգամ այն դեպքում, երբ կոնկրետ իրողության լուսաբանությունը նոր փաստերի լույսի տակ կարող է կասկածի առնվել և անգամ լրիվ մերժվել, Հ. Օրբելու գրավոր ժառանգությունը, իբրև լայնախոհ և խոր գիտակի ամփոփում, պահպանում է իր արժեքն ու նշանակությունը:

Այդ հատկությունները բացահայտ են նաև Հ. Օրբելու Շոթա Ռուսթավելուն և նրա դարաշրջանին նվիրված աշխատություններում: Հ. Օրբելու ներդրումը այդ բնագավառում լուսաբանվել է վերջերս ի. Մեգրելիձեի կողմից³⁷: Ռուսթավելին եղել է Հ. Օրբելու ամենից սիրած հեղինակներից մեկը (որին նա, ավելացնենք ֆակագծերում, ընթերցել էր վրացերեն), և այդ սերն ու հիացմոմնքը իրենց կնիքն են դրել վրաց բանաստեղծին նվիրված յուրաքանչյուր աշխատության վրա: «Ռուսթավելին, — զրում էր Հ. Օրբելին իր 1938 թ. հրապարակված աշխատության մեջ, — մեծ է որպես իր դարաշրջանի զարմանալիորեն մաքուր, ճիշտ հղկված հայելի, և ոչ միայն Վրաստանի առավել ծաղկման դարաշրջանի, այլև մեր ամբողջ Սրեկելքի, որն այդ ժամանակ մեծ շափով առաջ էր անցել եվրոպայից: Նա անապատում վեր խոյացած միայնակ կերպար չէ: Նա Վրաստանի, Կովկասի և այլ երկրների մշակույթի զարգացման երկար ուղղու հետևանքն է ու արդյունքը, նաև այն երկրների, որոնք անքակտելիորեն կապված են եղել Վրաստանի և Կովկասի հետ, և իրենց մշակույթի բնագավառում շատ բանով էին պարտական Վրաստանին և Կովկասին, մինչդեռ քաղաքական իրադրության պատճառով՝ շղարշելով Վրաստանն ու Կովկասը, իրենց կողմը ձգեցին եվրոպական և ուս մինչհեղափոխական գիտնականների ուշադրությունը... Եշխանական միջավայրից դուրս եկած Ռուսթավելու պոեմը, Անի քաղաքն իր բնակչության բազմազանությամբ և ժողովրդի

խորբից եկող, կծու և թարմ հումորով լի առակները — աշասրանք են այն գեղատեսիլ հայելու մասերը, որի ճառագայթների խաչաձևման մեջ իր իսկական տեսքով է խոյանում Ռուսավելու դարաշրջանի Կովկասը»³⁵:

«Ռուսավագելու դարաշրջանի «ուշարձանները» ժողովածուում Հ. Օրբելու հրապարակած հոդվածաշարքն ունի լայն ընդգրկում: Հեղինակն ընտրել էր այնպիսի առարկաներ և այնպիսի երևույթներ, որոնք նրա կարծիքով լավագույնս արտահայտում են XII-XIII դդ. հասարակական կյանքն ու մըշակույթը, դարաշրջանի ծնունդն են բառիս բում իմաստով: Առանձին փաստերի լուսաբանության շուրջ Հ. Օրբելու հետ կարելի է վիճել: Այսպես, այն բարձրաբանդակները և բրոնզե կարելի լինի բնորոշել իբրև «աղվանական»: Ինքը հեղինակը ցույց է տալիս, որ XII-XIII դարերում երբեմնի Աղվանքից միայն խավար հիշատակ էր մնացել: Բացի այդ, մնաք այժմ գիտենք, որ ինչպես երբեք գոյություն չի ունեցել միասնական աղվանից էթնոս, այնպես էլ չի եղել միասնական մըշակույթ, որն ընդգրկել կուր գետի գեթ ձախափնյակը: Բայց այդ հանգուցային հարցերը լուսաբանվել են միայն վերջերս (դրա համար մեծապես պարտավորված ենք Աս. Մնացականյանին), ՅՈ-ական թվականներին այդ հարցերին այլ կերպ էին մոտենում: Բոլոր պարագաներում՝ հոդվածաշարը պատկանում է Հ. Օրբելու ամենից հետաքրքիր աշխատությունների թվին:

Գետերըուրգի համալսարանի երկու ֆակուլտետների շըրջանավարտ Հ. Օրբելին ստացել էր բանասիրական շատ լավ պատրաստություն: Այդ հանգամանքը բազմիցս դրսեւրվել է նրա՝ հայերեն բնագրերի վրա կատարած աշխատանքում: Իբրև իսկական հետազոտող, նա անընդհատ դիմում էր բառարաններին, ստուգում և վերստուգում թարգմանությունը: Նրա թարգմանություններն աշքի են ընկնում իրենց բնագրի հետ ունեցած հարազատությամբ, էլ չենք ասում՝ ինչպիսի փայլուն ոճաբանի ձեռքով են դրանք կատարված: 1918 թ. նա հրատարակում է Անանիա Շիրակացու «Յաղագս հարցման և

լուծման» խնդրագիրքը³⁹: Հայերեն բնագրին կից տրված է ուսւերեն թարգմանությունը՝ ծանոթագրություններով և զանազան ցանկերով: 1921 թ. Հ. Օրբելին վերահրատարակում է 1950 թ. «Արարատ» հանդեսի № 7-ում լույս տեսած մի ուղեգրություն, ուր հեղինակը՝ մահտեսի Շահմուրատ Բաղիշեցին, ներկայացնում է 1683 թվականին «Վերսալիայում» տեսած պալատները, պարտեզները, ըրավագանները և այլն: Բընագրին կցված են թարգմանություն և ծանոթագրություններ⁴⁰: Այդ աշխատության համար պահանջվեց Վերսալի հուշարձանների հատուկ ուսումնասիրություն:

50-ական թվականների սկզբին Հ. Օրբելին ձեռնամուխ եղավ Հայ պատմիչների թարգմանությանը: Նրա արխիվում պահպահվում են Եղիշեցից, Ղազար Փարպեցուց, Հովհան Մամիկոնյանից, Թովմա Արծրունուց, Կեղծ-Շապուհ Բագրատունուց կատարված ուսւերեն թարգմանություններ: Եղիշեցի թարգմանությունը լույս տեսավ 1971 թ.⁴¹:

Սակայն նրա բանասիրական, ինչպես նաև գրականագիտական և հատկապես պատմամշակութային ուսումնասիրության զլիսավոր առարկան ուսանողական տարիներից սկսած եղել են Հայկական միջնադարյան առակները: Վերջիններիս քըննական ուսումնասիրությունը սկզբ է առնում և Մարի մագիստրոսական եռահատոր աշխատությունից՝ «Վարդանի առակների ժողովածուներ» խորագրով (1894-1899): Զեռնամուխ լինելով Հակայական քանակությամբ պահպանված հում նյութի մշակմանը, Մարը նպատակ էր դրել, այլ Հարցերի հետ մեկտեղ, լուսաբանել Հայկական առակների կապը նույնանման այլական հուշարձանների հետ: Մարի հետազոտության շնորհիվ Հայկական առակները գտան իրենց տեղը այդ գրական տեսակի միջակային համակարգում: Այդ աշխատությունն ունի Հակայական ընդգրկում, Հիմնական Հարցերի հետ մեկտեղ այստեղ զուգընթացքար պարզվում են բանասիրական, պատմական և պատմամշակութային բնույթի բազմաթիվ մանրամասնություններ: Այդ աշխատությանը Հ. Օրբելին ծանոթացել էր գեուս ուսանողական տարիներին, սկսել հատուկ հետաքրքրվել առակներով: Ճիշտ է, շատ շուտ գիտակցեց,

որ հետաքրքրության առարկան չափազանց բարդ է, և, այնուամենայնիվ, հետ շկանգնեց խնդրից, իսկ 1931 թ. սկսած, ունենալով գիտական աշխատանքի մեծ փորձ, նորից անցավ առակների ուսումնասիրությանը և թարգմանությանը։ Մըխիթար Գոշի, Վարդանի, Ռզոմպիոսի հեղինակությամբ հայտնի առակները դարձան նրա պրատումների մշտական թեման։ 1938 թ. լույս տեսավ նրա «Մուսաթավելու հերոսները» և նրանց հպատակները. ստորին խավերի ինքնագիտակցությունը XII-XIII դարերի առակներում»⁴² հոդվածը, 1956 թ.՝ առակներին նվիրված մեծ ուսումնասիրության համառոտված տարբերակը⁴³ և միայն հետմահու՝ «Միջնադարյան Հայաստանի առակները» մենագրությունը⁴⁴: Գիրքը պատկանում է Հ. Օբբելու ամենից հետաքրքիր, միաժամանակ գուցե նաև վիճելի աշխատությունների թվին։ Ընդգրկելով հսկայական նյութ, հեղինակը ներկայացրել է XII-XIII դարերի Հայաստանի հասարակական կյանքն ու մշակութը և փորձ կատարել պարզաբանելու, թե ինչպիսի արձագանք է գտնել դարաշրջանը առակներում։ Խոսքն, անշուշտ, անուղղակի արձագանքի մասին է (ո՞չ առակները, ո՞չ էլ նրանց խրատական բնույթի ամփոփումները անմիջապես չեն արտահայտել պատմամշակութային, հասարակական երևույթները)։ Սակայն ընտրած սյուժեները, հերոսների (լինեն ողբանք կենդանիներ, թռչուններ կամ մարդիկ) վարքադիմք, նրանց հարաբերությունները, շատ դեպքերում, ենթադրում է Հ. Օբբելին, պատճառաբանված հն իրականությամբ, XII-XIII դդ. Հայ իրականությամբ։ Նյութին կատարելապես տիրապետող Հ. Օբբելին սրամիս դիտողություններ է անում, կապ հաստատում իրարից երբեմն շատ հեռու գտնվող երևույթների միջև։ Նա փորձում է որոշել առակագիրների դիրքը այս կամ այն հասարակական երևույթի նկատմամբ, զանազանել նրանց տեսակետները։ Բաղմաճուտ հեղինակը օրինակներ է բերում տարբեր բնագավառներից, համագրում և հակագրում դրանք, պարզում տեղական առանձնահատկությունները և տեղում գործող լնդանուր օրինաշափությունները։

XII-XIII դդ. Հայկական կյանքում մեծ փոփոխություններ են տեղի ունենում, հասարակական զարգացումը մեծ շափով պայմանավորված է քաղաքների, քաղաքական կյանքի վերելքով: Աշխարհիկ տարրը մուտք է գործում մշակութի բոլոր բնագավառները, և ահա՝ այդ հանգամանքներն են պայմանավորում առակագրության ծագումը, գտնում է Հ. Օրբելին: Սակայն ամենից էական հարցը մնում է, այնուամենայնիվ, թեական, առակներն արդյո՞ք արտահայտում են XII-XIII դդ. իրադրություններ, թե՞ հանդես են զալիս որպես համամարդկային գարավոր փորձի հուշարձաններ: Այսպես թե այնպես, առակներին նվիրված աշխատությունը մեծ ներդրում է հայ միջնադարյան մշակութի ուսումնասիրման բնագավառում*:

Արեելագիտությունը եղել է, մասամբ մնում է կոմպլեքսիկին գիտություն: Հետազոտության ընթացքում արեելագետը դիմում է պատմագիտական, բանասիրական, լեզվաբանական, հնագիտական, արվեստաբանական մեթոդներին, գիտություններին, գիտություններին միանց գնությամբ մեկնել հուշարձանը կամ երևոյթը. չէ՞ որ վերջինս դրսմորել է իրեն որպես առանձին, հաճախ մեկը մյուսից հեռու հատկանիշների համադրություն: Հ. Օրբելու աշխատությունների մի զգալի մասը կոմպլեքսային բընուցի է: Դա մասնավորապես աշքի է ընկնում նրա՝ Աղթամարի հուշակավոր տաճարին նվիրված աշխատության մէջ: 1921 թ. Հ. Օրբելին Հրատարակեց տաճարի գմբեթի սկզբնական ձևին նվիրված հոդվածը⁴⁵: Նա հատուկ ուշադրություն դարձրեց արևմտյան պատին քանդակված Գագիկ Ա. Արծրունու ձեռքին եղած տաճարի մանրակերտի վրա, որի գմբեթը

* Կապելով առակները նրանց ստեղծման դարաշրջանի հասարակական հարաբերությունների, դասակարգային պայքարի և այնի հետ, Հ. Օրբելին բաժանել է իր ժամանակվա տեսակետները, հավատարիմ մնացել իշխող կարծիքին: Առակները նույնպես է մեկնարանել նաև Մանուկ Արելյանը: Նկատելի է, սակայն, որ 1956 թ. (այսինքն՝ գիտնականի կենդանության օրոք) լույս տեսած գրքում այդպիսի մոտեցումը հետմահու հրատարակված ընդարձակ տարբերակի համեմատությամբ որոշ շափով մեղմացված է:

Կիսագնդաձեւ է, մինչդեռ բուն տաճարն ունի 16 նիստից կազմված թմրուկ, որի վրա հենվում է ևս 16 նիստանոց բուրգ: Գիտնականի կաբծիքով, սկզբնապես տաճարն էլ է ունեցել կիսագնդաձեւ գմբեթ, որը վերակառուցվել է XIV դ. առաջին կեսում, շտանալով այսօրվա տեսքը:

Աղթամարի հուշարձանները տարիներ շարունակ պրավել են Հ. Օրբելու ուշադրությունը. 1921, 1939, 1948 և 1950 թթ. նա դեկուցումներ է կարդացել այդ հարցի շուրջ: 1948 թ. նա հիմնականում ավարտել էր իր մեծ ուսումնասիրությունը, որը լույս տեսավ հետմահու⁴⁶: Աշխատության մեջ Հ. Օրբելին նախ և առաջ ուսումնասիրության առարկա է դարձնում Թովմա Արծրունու: (կամ ավելի շուտ՝ նրա շարունակողի) այն հատվածները, որոնք նվիրված են Վանա լճի հարավային ափին և Աղթամար կղզում Գագիկ թագավորի շինարարական գործունեությանը: Աղթամար կղզում ո. Խաչ տաճարից բացի ուրիշ շինություն չի մնացել, և հեղինակը ծգում է իմաստավորել այն նկարագրությունները, որոնք տալիս է պատմիչը, պարզել նրանց իրական բովանդակությունը: Աշխատության կորիզ, սակայն, կազմում է տաճարի ուսումնասիրությունը, ընդ որում՝ Հ. Օրբելին շարունակում է ուշադիր հետեւել պատմիչի ամենաշնչին ակնարկներին: Կառուցը և նրա հոյակապ քանդակները հետազոտված են նկարագրված են բացառիկ մանրամասնությամբ:

Այժմ Աղթամարի մասին գոյություն ունեն մի շարք հանդամանալից մենագրական ուսումնասիրություններ, և գրանց կողքին Հ. Օրբելու գործը շարունակում է պահպանել իր արձեքը՝ իբրև պատմամշակութային օրինակելի վերլուծություն:

* * *

Որպես գիտնական Հռվեսի Օրբելին ձեւավորվել է XX դ. սկզբին: 20-ական թվականներից սկսած նրա գիտական ձրգությունները շեշտակի գոփիության են ենթարկվել: 20-40-ական թվականներին նա յուրացրել է սովետական արևելագիտության հիմունքները, յուրացրել նրա նվաճումները և ազգ-

վել նրա կորուստներից: Դաբաշը անի կնիքն են կրում Հ. Օր-
բելու բոլոր քիչ թե շատ խոշոր աշխատությունները: Մի շարք
հարցերում նրա գրույթները հնացել են, տեղի տվել նոր փաս-
տերի, գուրու մզվել նոր տհակետներով: Սակայն որպես ամ-
բողջություն Հովսեփ Օրբելու գրավոր ժառանգությունը պահ-
պանել է իր կշիռն ու նշանակությունը: Արևելագետների (և
հատկապես հայագետների) շատ սերունդներ-կղիմեն նրան՝
ձգտելով թափանցել անցյալ դարաշրջանների ու մշակույթնե-
րի խորքերը:

Գ. ԽԱՌՆՎԱԾՔԻ ՈՐՈՇ ԳԾԵՐ

Ակադեմիկոս Հովհաննեսի Օրբելին աշխատախցում մեկուսացած գիտնական չէր: Հնագիտական պեղումները, գիտական արշավները, ցուցահանդեսների նախապատրաստման աշխատանքը պայմանավորել են մարդկային լայն շփում: Դրան նրապատճել է նաև հասարակական, կազմակերպչական գործունեությունը: Երիտասարդական տարիներից սկսած՝ Հ. Օրբելին շրջապատված է եղել մարդկանցով, և այդ մարդիկ ճանաչել են նրա հմայքը: Բնավորությամբ ծանր էր, դյուրագրգիռ, հաճախակի չէր կարողանում (կամ չէր ուղում) զսպել իրեն: Շատ անգամ, բարկության պահերին, նրա ձայնը լսվում էր թանգարանի կամ ինստիտուտի հեռավոր անկյուններում: Ակադեմիկոսի առանձնասենյակում տեղի ունեցող անցուղարձերի համբաւվը պահպանվել է մինչև օրս, և, այնուամենայնիվ, մարդիկ զարմանալի ներողամիտ էին նրա հանդեպ և շարունակում էին նրան պաշտել: Այդպիսի հավատարմության պատճառներից մեկն այն է, որ զայրույթի բռնկումը սովորաբար լինում էր հասարակական հողի վրա, անձնական խնդիրներն այստեղ մեծ դեր չէին կատարում: Եվ ապա՝ ձայնը բարձրացնում էր ոչ թե էրմիտաժի տնօրենը կամ Գիտությունների ակադեմիայի պրեզիդենտը, այլ Օրբելին՝ անկախ իր պաշտոններից: Ընդհանուր առմամբ սերն ու հարգանքը շրջապատել են Հ. Օրբելուն իր ողջ կյանքի ընթացքում: Եղել են, անշուշտ, նաև նախանձողներ, բայց անտարբեր՝ ոչ երբեք: Ժամանակակից գիտնականներից մեկը հետաքանակ է արտահայտվել նրա մասին. «Օրբելուն ես չեմ սիրում, բայց որքա՞ն սրտովս է այդ մարդը» (Я не люблю Иосифа Абгаровича, но как же он мне нравится!)¹:

Ինքը Հ. Օրբելին սիրում էր մարդուն, հարկ եղած դեպքում հասնում օգնության՝ առանց հաշվի առնելու հնարավոր հետևանքները: Բայց եթե մեկին չէր սիրում, ապա ամեննին չէր թարցնում իր վերաբերմունքը և տեղի թե անտեղի՝ լարում հարաբերությունները:

Երբ նա մտնում էր էրմիտաժի դահլիճները, անցնում ներվայի առափնյալով, մարդիկ շրջվում էին՝ նրան զիտելու նույն տպավորությունն էր գործում նաև Հայաստանում, որ իր էթնիկական կերպարով շրիտի զանազանվեր մյուսներից: Բնավորությամբ նա լիարժեք աշխարհական էր, սակայն արտաքնապես ինչ-որ բանով հիշեցնում էր հայ հոգևորականի (հիշենք, որ եղել է տեր Հովսեփի թոռը):

Օրբելին վայելում էր փայլուն ճարտասանի համբավ*: Նրա խոսքը և բարդ էր իր կառուցվածքով, և գեղեցիկ, սահուն, հնչում էր բնական, արտասանում էր մի քիչ խուզ ձայնով, սկսում շատ հանգիստ, բայց հանկարծ ինքն իրեն ընդհատում էր, ձայնը բարձրացնում, և նրա խանդալից խոսքերը հասնում էին մարդկանց սրտին: Նրա ոռւսերենն անթերի էր: Հայախոս ընտանիքից սերելը որևէ կերպ չէր աղղել առողջանության վրա, և, այնուամենայնիվ, իսկույն զգացվում էր, որ խոսողը ոռւս չէ (արդյո՞ք նա չէր պահպանել հին Պետերբուրգի արտասանությունը, որը հետագայում անսովոր էր թվում): Խոսողիս խուսափում էր ոռւսական առածներից և ասացվածքներից (որոնք, իրոք որ, չին պատշաճ՝ նրա այնքան հայկական արտաքինին), խուսափում էր նաև օտար բառերից, բայց ընդհանրապես նրա բառապաշտարը հարուստ էր և բաղմազան: Ի դեպ, Հ. Օրբելու բանավոր խոսքի ելեկչները պարզորոշ

* Առաջին անգամ առիթ եմ ունեցել լսելու նրան 1941 թ. դարնանը, երբ նրան էր եկել Հոչակավոր բևեռախոոյզ ակադեմիկոս Օ. Յու. Շմիդտի հետ: Նրանք ելույթ ունեցան օպերայի նոր շահագործման հանձնված շենքում, հաջորդ օրը՝ պիոներների պալատում: Օրբելու ասածն այժմ չեմ կարող վերականգնել, բայց սովորությունը մնացել է հիշողությանը մեջ, մանավանդ որ Շմիդտը նույն կարգի հոետոր էր՝ ինչ և Օրբելին: Այդ օրերին, նրանք, ասես, մըցում էին ճարտասանական արվեստի մեջ:

հշմարվում են նաև տպագրված աշխատություններից շատերում*:

Հովսեի Օրբելու անձնական հմայքը մեծ չափով նպաստել է իր կազմակերպչական գործունեության հաջողությանը: Նպաստել է, անշուշտ, նաև այն, որ իբրև մեծ կամքի տեր մարդ, նա իր կամքին է հնթարկել նաև մյուսներին: Բայց ամենից կարեռն այն է եղել, որ նա միշտ գործել է որպես գիտության բնագավառում սեփական ներդրում ունեցող, որպես սեփական գիտական կենսագրություն ունեցող անձնավորություն: Օրբելու հասարակական գեմքը ճիշտ ըմբռնելու համար անհրաժեշտ է այդ վերջին հանգամանքը միշտ նկատի ունենալ:

Նա, անշուշտ, արտակարգ կազմակերպիչ էր, գիտական կուլեկտորի իսկական առաջնորդ: Էրմիտաժի հոչակը միշտ էլ բարձր է եղել, սակայն միայն նրա օրոք այդ թանգարանը դաբավ մեծ գիտության օջախ, այն էլ՝ մի քանի ուղղությամբ գործող: 30-ական թվականներին նշված հոբելյանները, ցուցահանդեսները, իրենց փայլը ստացան և արձագանքն ունեցան նշանակալի շափով Հ. Օրբելու մասնակցության շնորհիլ: 3-4 տարվա ընթացքում նա վերականգնեց Լենինգրադի արևելագիտության երեխնի համբավը: Նա կարճ ժամանակ մնաց Հայաստանում՝ անգամ Գիտությունների ակադեմիայի պրեզիդենտի պաշտոնն ստանձնելիս: Այնուամենայնիվ, առաջին պրեզիդենտի գործունեության որոշ բարերար հետևանքներ նշմարելի են անգամ այժմ: Իսկ Արևելագիտության ինստիտուտի Լենինգրադի բաժանմունքը շարունակում է ճշտիլ Հետեւել Հ. Օրբելու կողմից նշված ուղղում:

Որպես կազմակերպիչ Հ. Օրբելին եղել է հաջողակ, գգաստաբեն կշուագատել է հնարավորությունները և սկսածը ի կատար ածել: Գործել է համարձակ, պատասխանակությունից

* Հ. Օրբելու հայերին խոսելը լսելու առիթ չեմ ունեցել, թեև հաճախ էր գրաբարից կամ բարբառներից մեջբերումներ անում: Մեկ անգամ միայն հուզված վիճակում դարձավ ինձ ու ասաց. «Երեխաս ձեռքից զնում է»: Թող ընթերցողը դատի, ինչի մասին է վկայում ծանր պահին սրտից և լած այդ բուն հայկական արտահայտությունը ...

Հի խուսափել: Արդեն ասացինք, որ 1931 թ. կոնդոնից կտրուկ հեռագիր էր ուղարկել, որպեսզի կենինգրադում մնացած նըմուշները ևս ուղարկվեն Անգլիայի մայրաքաղաք և իրենց տեղը գտնեն պարսկական արվեստի միջազգային ցուցահանդեսում: Մեկ տարի հետո նա Հանդգնորեն պաշտպան կանգնեց այդ (և նման) հուշարձանների, որոնք նախատեսված էին վաճառքի: Խնդրությունը ապահովելու համար այդ տարիներին պետությունը Հարկադրված էր արտասահմանին վաճառել արվեստի առանձին թանկարժեք նմուշներ՝ նկարներ, հին ձեռագրեր, ոսկերչական առարկաներ և այլն: Սպառնալիքի տակ գտնվեցին նաև էրմիտաժի՝ Արևելքի բաժնի հավաքածուները: Եվ ահա 1932 թ. աշնանը էրմիտաժի բաժնի վարիչ Հ. Օրբելին մի նամակ ուղարկեց ի. Ստալինին, բողոքելով այն հիմնարկի դեմ, որը միջնորդի դեր էր կատարում նըման գործարքներում: Նամակում հայտնում էր, որ իր 24-ամյա գիտական կյանքի 12 տարին նվիրել է Արևելքի բաժնի ստեղծմանը և նմուշների հավաքման գործին, հրաժարվել գիտական աշխատանքի այլ եղանակներից: Այժմ գտնվում է ճնշաժամային վիճակի մեջ: «Անտիկվարիատի գործունեությունը, առաջներում էլ է ծանր արտահայտվել էրմիտաժի հանդեպ, իսկ վերջին տարիների ընթացքում հատկապես սպառնալի ձևեր է ընդունել, ընդ որում՝ Անտիկվարիատի հայտերը վտանգի տակ են դնում նաև Արևելքի բաժինը՝ այն ձևով, որը անխուսափելիորեն տապալման կհասցնի մեր գործը»: Հ. Օրբելին խնդրում էր, որպեսզի նրան հնարավորություն տրվի անձամբ ծանոթացնել հասցեատիրոջը բաժնի թւ՝ արդյունքներին, թե՛ հեռանկարներին: Պատասխանը եկավ անմիջապես: Անտիկվարիատին կարգադրված էր Արևելքի բաժնի նմուշները թողնել իրենց տեղերում: Ակամայից միտք է ծագում, եթե Օրբելու պես մի շարք գիտական-հասարակական գործիչներ բողոքեին վաճառքի դեմ, ապա ինչպիսի գանձեր կմնային երկրի թանգարաններում...

Վերևում բերված փաստերի հետ լավ է շաղկապվում Հ. Օրբելու վարմունքը 1941-1942 թթ.: Էրմիտաժի ցուցանմուշների էվակուացումից հետո, նա հնարավորություն ունել

դուրս գալ կենինգրադից, բայց մնաց պաշարված քաղաքում, մյուսների հետ հավասար ապրեց այդ սոսկալի ձմեռը:

Կայն երեակայության տեր մարդ էր Հ. Օրբելին և նպատակին հասնելու համար կարող էր դիմել անսովոր միջոցների: Արդեն ասվեց, որ նշանակվելով Արեւլագիտության ինստիտուտի Լինինգրադյան բաժանմունքի վարիչ, աշխատանքի էլ ընդունել գերազանցապես երիտասարդների, մարդկանց, ովքեր գեռես շէին դրսեորել իրենց գիտական հնարավորությունները (այդ երիտասարդների կազմում է եղել նաև տողերիս հեղինակը): Թվում է, թե սկսնակներին հարկավոր էր ոգեսորել՝ նկարագրելով նրանց ապագան, կոչելով առաջ շարժվել առանց հետ նայելու: Իսկ Օրբելին վարվում էր ճիշտ հակառակ եղանակապվել. նա ներկայացնում էր փառահեղ անցյալը, անընդհատ շեշտելով, թե ինչպիսի ժառանգության տեր հնայդ սկսնակները, ում օրինակին պիտի հետևեն: Այդ ժառանգությունը՝ հայրենական արեւլագիտությունն է, այն, ինչ որ ստեղծվել է Ռոգենի, Մառի, նրանց ժամանակակիցների, նրանց անմիջական աշակերտների ձեռքով: Նա ինքը պատկանում էր վերջիններիս թվին, ուստի կարողանում էր ներկայացնել սուսական հին արեւլագիտության լայն համապատկերը: Ամենից շատ Հովսեփ Օրբելու շնորհիվ էր, որ 50-ական թվականների կեսերից հին Պետերբուրգի արեւլագիտությունը դարձավ զարմանալիորեն այժմեական: Ժառանգությունը, իրոք որ, հարուստ էր, և այն շատ նպաստեց հետագա տարիների գիտական առաջընթացին:

Հ. Օրբելին երբեք չեղ համակերպվում երիտասարդների սովորություններին, հաշակին, նրա հետ շփվելիս երիտասարդությունը միշտ զգացել է իր և նրա միջև եղած ժամանակային տարածությունը: Բայց այդ տարածությունը չեր խոշընդոտում հոգեկան և մտավոր կապին, հաղորդակցությանը, վերին աստիճանի անմիջականությանը:

Սովորական պայմաններում մարդկանց հետ խոսում էր պարզ ու բնական եղանակով: Բայց ահա, կոնգոնում ինչ-ոք մեկը վիրավորել էր նրա ինքնամբրությունը, ակնարկել իբր ոչ աղնվական ժագումը: Ուսերը սեղմելավ Օրբելին պատաս-

խանել էր, որ խոսակիցը շափաղանցնում է. Հոր զծով ինքը սերում է XII դ. իշխաններից, իսկ մոր զծով՝ անգամ XI դարի: Նշավակված անգլիացին ստիպված էր եղել խոնարհվել այդպիսի ազնվականի առջև: Նման ձևով Օբբելին կվարվեր միայն արտակարգ պարտաներում, բայց գործակիցների շրջանում՝ հրբեք:

Արժանապատվության զգացումը եղել է, ըստ երեսովթին, ընտանեկան հատկություն: Մենք արդեն ասացինք, թե ինչպիսի ծանր կացության մեջ էր գտնվում նրա ավագ եղբայր Լևոն Օբբելին 40-ական թվականների վերջերին: Գյուղատնտեսական գիտությունների համարիութենական ակադեմիայի 1948 թ. նստաշրջանում և. Օբբելին ենթարկվել էր խիստ քըննագատության: Երկու տարի հետո, 1950 թ. հուլիսին գումարվել էր ակադ. ի. Պ. Պավլովի ֆիզիոլոգիական ուսմունքին նվիրված նստաշրջան: Պավլովի լավագույն և հավատարիմ աշակերտ և. Օբբելին ոչ միայն քննագատության էր ենթարկվել, այլև զրկվել էր բոլոր պաշտոններից: Համաշխարհային անուն ունեցող գիտնականին հատկացվել էր ընդամենը չորս աշխատակից ունեցող մի փոքր աշխատանոց: Իր սկզբունքներին հավատարիմ Լևոն Օբբելին չէր խոնարհվել տգետների առջև*:

1951 թ. օգոստոսին էրմիտաժի աշխատանքից ազատվեց Հովսեփ Օբբելին (լուրջ նրան հաղորդեց թանգարանի տնտեսվարը): Այդ հարվածը նա շատ ծանր ապրեց, սակայն կրտսեր եղբայրը ևս այն տարավ արժանապատվությամբ: Բայց արդեն 50-ական թվականների կեսերին դրությունը հիմնովին փոխվեց, և եղբայրների գիտական-հասարակական ծառայությունները կրկին համընդհանուր ճանաչում գտան:

Բարձր պահելով իր ազգային արժանապատվությունը, և. Օբբելին ճանաչել և հարգել է նաև մյուսների զգացմունք-

* Այդ բոլոր հարվածներին նա գիմացավ՝ ընկճված լինելով անձնական ողբերգությամբ. 1949 թ. վախճանվեց նրա միակ դրուտը՝ հոր ու մորը թողնելով միակ իր որդուն: և. Օբբելին որդեզրեց երեսային, որը դարձավ նրա ցավերի գլխավոր սինոփանթը:

Ները: Նրա ներկայությամբ ոչ ոք թույլ չէր տա իրեն որևէ ազգայնամուլ ոտնձգություն: Ավելին, մի առիթով նա հրապարակավ կշտամբեց աշխատակիցներից մեկին այն բանի համար, որ նա ի վիճակի շգտնվեց պատշաճ կերպով պաշտպանել իր աղքային պատիվը:

Հովսեփի Օրբելու հայրենասիրական զգացմունքը անբաժան էր նրա ինտերնացիոնալիզմից:

Հ. Օրբելու գիտական կյանքը մեծապես բովանդակալից է եղել ուսանողական առաջին իսկ տարիներից: Դասական գիմնազիայի սանը հարկավ լիովին պատրաստ էր ընկալելու այն առարկաները, որոնք դասավանդվում էին Պատմա-բանասիրական ֆակուլտետում: Շուտով՝ նա վճռեց հաճախել նաև Արևելյան լեզուների ֆակուլտետը՝ լիովին գիտակցելով այլ քայլի անմիջական արդյունքները: XX դ. սկզբներին Պետերբուրգը շարունակել է մնալ այն միակ տեղը, ուր ապագա կովկասագետը ընտրած բնագավառում կարող էր ստանալ բարձրագույն համալսարանական կրթություն: Եվրոպայի մյուս համալսարաններում կարելի էր ուսումնասիրել հայերենը (մանավանդ որ հնդկլրոպական լեզվաընտանիքում այն հանաշվել էր որպես շատ կարևոր լեզու), կարելի էր հաճախել առանձին կովկասագիտական դասընթացների, սակայն բաղմակողմանի պատրաստություն կարող էր ապահովել միայն Պետերբուրգը: Հայկական բնագրերի թարգմանությունն ու մեկնությունը այստեղ վաղեմի ավանդույթ ուներ՝ այն գալիք ձգվում էր դեռևս Մարի Բրուսելից և Քերովք Պատկանյանից: Փորձ էր ձեռք բերվել նաև լեզուների դասավանդման ասպարեզում: Մատի օրոք առարկաների քանակը բազմապատկվել էր, վեր էր ածել լավ մտածված համակարգի: Բայց Հ. Օրբելու համար հայոց անցյալի պատմությունը ծշմարտապես հարազատ դարձավ ոչ այնքան լսարաններում կամ գրադարաններում, որքան Շիրակի կիզիչ արեկի տակ՝ Անիում:

Արդեն հիշեցինք, որ Անիում ձեւավորվել էր կատարյալ պատմա-հնագիտական ինստիտուտ: Աշխատակցության էին ներդրավվել խոշորագույն գիտնականներ՝ ոչ միայն կովկասագետներ, այլև հարակից հարցերով զբաղվողներ: Թե՛ ու-

սանողները, թե՛ հասուն մասնագետները այստեղ հղկում էին իրենց դիտելիքները։ Պեղումների մթնոլորտն այնպիսին էր, որ թուլ չեր տալիս Անին ընկալելու սոսկ դիտական տեսանկյունից՝ որպես հնությունների յուրօրինակ հավաքածու Անին։ ասես, ամփոփել էր Բագրատոնյաց և Հետ-Բագրատոնյաց շրջանների ողջ հայ կյանքը, դարձել էր մշակութային մը զանգված, որը պետք էր իմաստավորել իր ամբողջությամբ։ Պեղումների մասնակիցների պատկերացումներում Անին շարունակում էր ապրել իր խորհրդավոր կյանքով։ Նշանավոր դերասան, նաև Մառի դիտարշավի լուսանկարիչ Արամ Վըրուցի Արտաշես որդին 1901-1917 թթ. եղել է Անիում, դիտել ապա և մասնակցել պեղումներին։ Ահա թե ինչ է գրում նա տասնամյակներ հետո։ «Այս պատմական ոլորտում, երբ մարդ տարվում է խոր մտքերով և վառ երևակայություններով, ... առարկաները դառնում են ավելի խորհրդավոր, — նկատում է Ա. Վրուցը։ — Պատահում են բոպեններ, երբ մարդու աշքերին խորախորհուրդ ու պայծառ պատկերներ են երեվութանում՝ կապված միջավայրի կյանքի, դեմքերի և առարկաների հետ»։ 1906 թ. Գագիկ Ա. Բագրատոնու արձանը զբրված է եղել հնադարանի սյունազարդ սրահի ծայրում։ Երեկոյան հանկարծ «Դագիկը շարժվեց... եվ վեհապետին վայել, վսեմ ու ծանր քայլերով նա ընթանում է առաջ...»։ Երիտասարդ Թրբելին փշաքաղվում, նվազած հատակին է ընկնում²։

Արտաշես Վրուցի գրքից բերենք մեկ հատված ևս։ Գիշերը գեպի միջնաբերդ տանող «Մառի» փողոցով իր մտքերի մեջ խորասուզված անցնում է Երիտասարդ Լևոն Քալանթարը։ «Եվ հանկարծ... կախարդական քաղաքի խորհրդավոր գիշերվա ծանր լուսիթյունը խանգարվեց... Ասես հինավորց քաղաքի փլատակների, անդնդախոր ձորերի և մթին այրերի մեջ ապրում են դեռ գերբնական զորություններ... Նրա ականջին աղմկեցին դոփյունները ձիերի սմբակների, որոնք թնդացնում էին փողոցի սալերը անզուսպ հարվածներով... Ետ

դարձրեց զլուխը երիտասարդը և շանթահար եղած արձանացավ տեղում... Յնո՞ք... թե՞ իրականություն...»³:

Թե ինչ ապրումներ են ունեցել XX դ. Անին պեղող-բնակիչները՝ ցույց է տալիս մեկ ուրիշ միջադեպ: Մի քանի գիշեր անընդհատ նրանք նկատում էին, թե ինչպես «խավարի մեջ դանդաղ տատանվում էր խորհրդավոր լուսը ու շարժվում առաջ...»: Այդ լուսը նրանք կապում էին «Անիի Ոգու» հետ, բայց շուտով գաղտնիքը պարզվեց. «Անիի ոգին» Հովսեփ Օրբելին էր: Առաքելոց եկեղեցու ներսի արձանագրությունները ճիշտ վերարտադրելու համար նա աշխատում էր գիշերները, գրեթե կարգում ճարագի թեք լուսի օգնությամբ⁴: Բայց որշափ խորհրդավոր էին այդ լուսի տատանումները կեսպիշերին:

Անիի կերպարը առմիջաւ տպավորվել էր Հ. Օրբելու երկակայության մեջ: Տասնյակ հոդվածներում նա հիշատակում է քաղաքը, նրա զարմանայի մշակույթը: «Դարձել է այստեղ նյութը գաղափար» արտահայտությունը կարող էր պատկանելու միայն Ավետիք հսահակյանին, այլև Հովսեփի Օրբելուն: Մյուսների հետ նա ևս, անշուշտ, լավ էր գիտակցում, թե ինչպիսի մեծ նշանակություն ունեն պեղումների արդյունքները:

* Ինձ ասել են, որ Լևոն Քալանթարը թատերական ինստիտուտի ուսանողներին պատմելիս է եղել հետեւյալը: Պեղումների մասնակիցները նկատել են, որ Նիկողայոս Մարը գիշերները սկսել էր չքանալ: Հարց են տվել, թէ ի՞նչն է պատճառը, ասել է. «Գիշերները ես հանդիպում եմ Գագիկ թագավորի հետ»: — «Կարելի է արդյո՞ք, մենք էլ ներկա լինենք այդ հանդիպմանը» — «Ինչու չէ»: Գիշերը դուրս են գալիս Անիի զլսավոր փողոցը. շուտով լսվում է պայտերի դոփյուն, ապա երկում է հեծյաների մի խումբ, Գագիկի գլխավորությամբ: Մարը դուրս է գալիս, լույսայն խոնարհվում թագավորի առջև: Գագիկը, նույնպես լույսայն, գլխով է անում, և հեծելախումբը կորչում է մթության մեջ: Լ. Քալանթարը իրը երդվել է, որ պատմածը կատարյալ ճշմարտություն է:

Այդ միջադեպը հիշեցնում է նախ և առաջ «Համելետի» հայտնի տեսարանը, սակայն եթե լ. Քալանթարը պատմել է դրա մասին թատերական շրջանում, ապա հիմք չունենք կասկածելու նրա անկեղծության վրա: Այդ դեպքը լավագույնն ցույց է տալիս, թե որքան հեռու էր գնացել պեղումների մասնակիցների երեսակայությունը. նրանք, իրոք, ապրել են ավերակ-ների քաղաքի երբեմնի կյանքով:

Ի դեպ, ոռուսական գիտության համար դա առաջին գեղքին էր; Երբ արևելյան մի հին քաղաք դառնում էր երկարատև, մեծ թափով կատարվող պեղումների վայրը: Պեղումները կարևոր էին նաև հասարակական առումով: Հենց այն տարիներին, երբ ցարական կառավարությունը բռնագրավել էր էջմիածնի գույքի մի զգալի մասը, երբ ամենուրեք փակվում էին հայկական դպրոցները, ճիշտ այդ ժամանակ Մառը և նրա աշխատակիցները երևան էին հանում մի մեծ մշակույթ՝ հայերի մշակութային ժառանգության հարստագույն շերտերից մեկը:

Անին ոչ միայն նյութով է ապահովել Օրբելու գիտական պրագտումները, Անին է դարձրել նրան մեծ գիտնական: Ել հանկարծակի այդ կենսատու աղբյուրը ցամաքեց: Պեղումների 1917 թ. շրջանը եղավ վերշինը: Քյաղիմ Կարաբերիի թուրքական հրոսակները մտան Անի և ավերեցին այն, ինչ որ իւրնամքով հավաքել էին Մառն ու իր աշխատակիցները, տակնուվրա արին հնագարանը: 1922 թ. Անիում վերշին անգամ եղավ Աշխարհքեկ Քալանթարը: Նա լուսանկարել էր հնագարանի այն սրածը, որը կոչված էր քարեղարան: Տեսնելով այդ լուսանկարը, նախկին հնագարանի նախկին տնօրենը պիտի համոզվեր, որ մեծ խնամքով կատարված հավաքական աշխատանքի արդյունքները ի դերեւ ելան: Բարբարոսությունը հաղթանակեց.

Դժվար չէ կուահել, ինչպես պիտի ազգեր Հ. Օրբելու վրա պեղումների դադարումը: Բայց միայն մահվանից հետո, ժանոթանալով նրա անձնական արխիվին, տասնյակ անգամ հանդիպելով «Անի» անվանը, կարելի եղավ գիտակցել, թէ ինչպիսի ողբերգություն է ապրել Մառի երբեմնի աշխատակից-աշակերտը իր ամբողջ կյանքի ընթացքում: Թվում է, թէ նրա բնավորության որոշ գծեր, հատկապես դյուրաբորբոքությունը, պայմանավորված են եղել հենց այդ ողբերգական ապրումներով, անզորության գեցցումով*:

* Մի անգամ խոսք բացեցի այդ մասին Կ. Վ. Տըմերի հետ: Լուսեց ասածս, կարճ պատասխանեց՝ «Երավացի եք» և խոսակցությանը վերը տվեց ...

Անիում որոշվեց Հովսեփի Օբբելու ո՛չ միայն գիտական ժամանակիրը, թվում է, այստեղ վերջնականապես ձևավորվեց նաև ազգային ինքնագիտակցությունը: Այստեղ նա զգաց, որ ուսումնասիրության նյութ դարձած հայոց հին մշակույթը իր նախնիների թողած ժառանգությունն է: Եվ հենց պեղումների վայրում սկսվեց նրա շփումը բուն ժողովրդի հետ: Հիշենք, որ նա եղել է քաղաքի բնակիչ, գիտակցական կյանքի առաջին տարիները անց է կացրել Թիֆլիսում, ապա տեղափոխվել Պետերբուրգ, ուր Կ մնացել է մշտապես, եթի շնչացվենք Երևանում անցկացրած 1942-1944 թթ.: Էությամբ էլ նա քաղաքի, այն էլ մեծ քաղաքի մարդ էր, գյուղի հետ անձնականորեն կապ չունեցող: Իսկ Անիում նա գործ էր ունեցել պիտույներին մասնակցող բանվորների հետ, նյութ հավաքելիս շփվել հարեւան գյուղերի բնակչության հետ, շրջել Ղարաբաղում և հենց այդ պտույտների ընթացքում իրապես ծանոթացել հայ մարդուն՝ հայ հողի վրա: Այդ առումով ամենից արդյունավետը, անշուշտ, եղել է Մոկսի ճանապարհորդությունը, երբ նա մի քանի ամիս ապրել է գյուղական պայմաններում, գյուղական կյանքով, լիովին ենթարկվել այդ կյանքի թելադրանքին: Կարեռ էր նաև բնակչության հետ շփման փորձը վան քաղաքում (Վանում նա մնացել էր 1911-1912 թթ. ձըմեռը): Այսպիսով, հայրենիքի բարձրագույն ճանաշման ուղին սկիզբ էր առնում Անիից:

Գիտությամբ գրադպուղների մի զգալի մասը տարված է լինում մտավոր աշխատանքի ընթացքով, առարկան որպես այգափիսին նրանց քիչ է մտահոգում: Հ. Օբբելին սիրել է այն հուշարձանները, որոնցով գրադպուղ կամ կամ կոթող կամ Մոկսի գյուղացու պատմած հեքիաթ: Հարկավ, զգացել է հարազատությունը, եթե դա եղել է հայ ստեղծարար հոգու ծնունդ, բայց հավասար կերպով սեր է տածել նաև վրացական, իրանական, քրդական կամ ոռւսական մշակույթի առարկաների նկատմամբ: Այդ սերը, սակայն, չի շրջացրել աշքերը, գիտական զգացմությունը նրան չի դավաճանել: Այդ զգացմունքն է ստիպել նրան մեծ եռանդով նվիրվել

Յիրդուսում, Շոթա Ռուսթավելուն, «Սասունցի Դավթին» նը-
վիրված տոնակատարությունների կաղմակերպմանը:

Ակադեմիկոս Հ. Օբբելին մեծ կուտուրայի տեր մարդ է: Նրա գիտելիքներն ընդգրկում էին զանազան բնագավառներ: Այդ հանգամանքը աշքի է ընկնում թե՛ գրավոր (կամ բանա-
վոր) աշխատություններում, թե՛ նրա գործնական բայցերում: Խայն գիտելիքներն էին հող պատրաստել այն դրույթի համար,
ըստ որի զավանական սահմանները մշակույթների համար
անանցանելի չեն, որ Մուրթովա բեկի տանը տեսած բարձերը
նույն դերն են կատարել, ինչ որ և սասանյան արքունիքում
Եղածները, որ «Սասնա ծոերում» բազմաթիվ զուգահեռներ
կան միջազգային բանահյուսական դիպաշարերի հետ և այլն:
Այդ գիտելիքների շնորհիվ է, որ նա ուղակի թե անուղղակի
եղանակով միշտ ձգտել է որոշել հայոց հին մշակույթի տեղը
արևելյան մշակույթների համակարգում: Նրա աշխատություն-
ները շարադրված են ընտիր ոճով, և դա ինքնին մեծ կուլ-
տուրայի հատկանիշ է, բայց, ի՞աբեկ, գլխավորն այստեղ
կենդանի միտքն է:

Երիտասարդական տարիներից նրան վիճակված է եղել
մասնակցել մեր երկրի մշակութային կյանքի մի շարք խոշոր
անցքերի: Եվ խոր իմաստ ես տեսնում, որ Հայաստանի Գի-
տությունների ակադեմիայի առաջին նիստերը վարել է դա-
սական հայագիտության մշակներից մեկը, իսկ Լենինգրադի
արևելագիտության նոր ընթացքն ապահովել՝ Պետերբուրգի
հին դպրոցի տաղանդավոր ներկայացուցիչը:

Գեղեցիկ է եղել Հովսեփ Օբելու կենսագրությունը, որն
ինքնին մի ներդրում է մեր մշակութային ընդհանուր կյանքի
մեջ:

ՄԱՆՈՒԹԱԳՐՈՒԹՅՈՒՆՆԵՐ

Ա

1. XIX դ. կեսերին «Թիֆլիսի ազնվական գիմնազիայի» աշակերտ Պերճ Պոռշյանը կրոնի դասերն առել է Հովհանքի Օրբելուց: Այս թե ինչ է պրում նա իր ուսուցչի մասին. «Ենք ու պատկառանք ներշնչում էր և գիմնազիայի կրոնի ուսուցիչ Տեր-Հովհանքի Օրբելին: Մի համեստ, մի քաղցրախոս հոգեորական էր նա: Ներսիսյան դպրոցում եղած ժամանակս Օրբելուն ես երբեմնապես տեսնում էի ներսես կաթողիկոսի մոտ գնալու և գալու, անունը շատ էի լսել, և այդքան: Այժմ գիմնազիայում ես արժանացել եմ նրա խորին ուշադրությանը, իբրև ամենալավ հայագետ գիմնազիստը՝ պատվերներ էի ստանում նրանից օգնել յուր աշակերտներին՝ դասերը պատրաստելու, որ և սիրով կատարում էի:

Հայր Օրբելուն ոչ միայն ես, բոլոր աշակերտները հարգում էին, նրա դասերը շատ խաղաղ էին անցնում, մի տեսակ պատկառանք տիրում էր դասատանը Օրբելու դասերին. թեպետ ո՛չ Առաքել [Արարատյան] վարժապետի պես ճշճղում էր և ո՛չ բարձր խոսում կամ աշակերտներին նախատում:»— Պերճ Պոռշյան, երկերի ժողովածու, հատոր երրորդ, երեսն, 1954, էջ 439:

2. Տես Փրոֆեսոր Ռубեն Աբգարովի Օրբելի. Исследования и изыскания. М.—Л., 1947.

3. Լ. Գ. Լեյբսոն. Леон Абгарович Орбели. Л., 1973; «Լ. А. Орбели в воспоминаниях современников». К 100-летию со дня рождения. Л., 1983.

4. Առա թե ինչ խոսքերով է հիշել իվ. Զավախովին Հ. Օրբելին, պատմելով իր ուսանողական տարիների մասին. «Ի. Ա. Զավախովի դասախուսությունները միշտ լի էին մշակութի պատմության՝ բոլոր հարցերի վերաբերյալ խորագույն հետաքրքրությամբ: Եվ այդ իմաստով Ի. Ա. Զավախովը, ինչպես Մարք, մեզ՝ կովկասագետներիս համար բացառիկ արժեքավոր էր ոչ միայն նրանով, որ լրացնում էր յայունների ասածը], այլև մեզ համար մի աղբյուր էր, որից մենք քաղում էինք եթե ոչ հարցի լուծումը (շատ դեպքերում դեռևս խոսք չէր կարող լինել լուծման մասին), ապա խոր հետաքրքրություն դիմի տարբեր հարցեր, մասնավորապես մըշակութի պատմության հարցեր: Եվ այն ժամանակ, 1907—1908 թթ. (ցարական կարգերի պայմաններում) Զավախովը կարողանում էր ավելի

օրյեկտիվ, ավելի ուղիղ ու ավելի ազնիվ վերաբերվել կովկասյան մշակութիւնը պատմության առավել բարդ ու խճճված էցրին; Ահա թե ինչու ոչ միայն ես, այլև, հավանաբար, բոլոր նրանք, ովքեր գեթ մեկ անդամ բախտ են ունեցել լսելու Զավախովի դասախոսությունները, չեն կարող ամենախոր ակնածանքով չ'իշել նրա անունը».—Կ. Ն. Յուզբաշյան, Ակադեմիկոս Հովսեփ Սրբարի Օրբելի, Երևան, 1971, էջ 166—167 (այսուհետև ստորև մեջբերումները արված են աննշան փոփոխություններով):

5. Տողերիս զրողը առիթ է ունեցել մեկ-երկու անդամ խոսել Հ. Օրբելու հետ Ն. Աղոստի մասին: Հիշում էր նրան միշտ ակնածանքով:

6. Թե՛ գրավոր աշխատություններում, թե՛ բանավոր ելույթներում Հ. Օրբելին համախակի հիշում էր Յա. Ի. Սմիռնովի անունը: Բերենը մի հատված նրա հուշերից՝ «[Մուսավահան Հնագիտական ընկերության] Արեվական բաժանմունքում տեսնում էի նաև այնպիսի մի գիտնականի, որը երբեք, ոչ մի տեղ ինքն իրեն արեելագետ չէր անվանում, թեև խոշոր մասնագետ էր նաև այդ բնագավառում: Դա Յա. Ի. Սմիռնովն էր: Նա իր մասին խոսում էր միշտ վերին աստիճանի արհամարհական եղանակով: Սակայն նա հիմունք արեելագետ էր, մի մարդ, որը հայագետներին ցուց էր տալիս, թե նրանք որտեղից վերցնեն իրենց հետաքրքրող հարցի վերաբերյալ տեղեկություններ: Մարդ, որ յինագետներին տալիս էր Պեկինում քրիստոնյա վաճառականի այրու կողմից XII դ. կառուցված քրիստոնյա եկեղեցուն վերաբերող տվյալներ: Թուրքագետներին նա բացատրում էր, թե ինչ կարելի է գտնել թուրքական ազգյուրներում. բացատրում էր ոչ թե այն հանգամանքով, որ պատահաբար հիշում էր այդ բաները, այլ որովհետև մի մարդ էր, որ իր ողջ կարճատե կյանքում (հիմուն տարեկան էր, բայց ունեղ զառայալ ծերունու արտաքին) ամենկին հոգ չէր տանում, որպեսի ինքը անի, պարզապես սիրում էր ամեն ինչում օգնության գալ բոլորին: Նա մի մարդ էր, որն ունակ էր շարաթներով, ամիսներով փնտրել ամեն տեղ, ուր միայն հնարավոր էր՝ բոլոր զրական վկայություններում, հուշարձանների բոլոր նկարագրություններում տեղեկություններ, որոնք պետք էին երկրորդ կուրսի ինչ-որ ուսանողի՝ կովկասի հնագիտության վերաբերյալ տակավին չձևավորված հողվածի համար: Եվ այդ բոլորը նա կարողանում էր այնպես անել, որ զուք համարում էիր, որ ինքներդ եր նրա բարեկարը, այլ ոչ թե նա՝ ծերը: Նա ծեղ տեղեկանք տալու համար թույլտվություն էր խնդրում, ընդ որում, երբեք ոչ մեկից փոխհատուցում չէր սպասում [...] Սմիռնովի ծառայություններից մեկը համարվում է մի բանի տասնյակ վիշտակի լինել Հայաստանում, խնդրեք, որպեսզի ձեզ տանեն այնտեղ, ուր ընկած են այդ բարերը: Երբ զուք կատարեք այդ զբոսանքը, կգնահատեք, թե ինչ է նշանակում հավաքել դրանցից մոտ երեք տասնյակ, իսկ հետո բոլոր լեզուներով ամրող գրականությունից ավալներ հավաքել դրանց վերաբերյալ».—Կ. Յուզբաշյան, Ակադեմիկոս Օրբելի, էջ 189—191: Վիշտակների մասին հավաքած նյութը

ամփոփած է՝ *H. Я. Mapp и Я. И. Смирнов*. Вишапы. Л., 1931; ср. *П. М. Мурадян*. Обращенные в хачкары вишапы-стелы из Елагнадзора. «Художественные памятники и проблемы культуры Востока», Л., 1985.

7. *H. Mapp*. Раскопки в Ани летом 1904 г. Известия Археологической комиссии, вып. 18, 1906, с. 82—83; ср. *В. А. Минханкова*. Николай Яковлевич Марр. М.—Л., 1949, с. 121.

8. *H. Mapp, C. Ольденбург, И. Крачковский*. Записка об учесных трудах И. А. Орбели. ИРАН, серия VI, т. 18, с. 574, ИТ, с. XVI.

9. 1948թ. ապրիլի 18-ին կենքըրադի Գիտնականների տանը Հ. Օրբելին ելույթ է ունեցել երիտասարդ գիտական աշխատղների, ասպիրանտների և ուսանողների առջև: Պահպանվել է այդ ելույթի սղագրությունը (իսրագրված է՝ «Իմ գիտական աշխատանքը»), որից և բաղում ենք սույն տեղեկությունը:

10. *H. Mapp*. О раскопках и работах в Ани летом 1906 г. (предварительный отчет). ТР АГФ, кн. X, СПб., 1907, с. 55.

11. *И. А. Орбели*. Фольклор и быт Мокса. М., 1982, с. 57.

12. *ՏԵՇ Կ. Ն. Յովքաշյան, Ակադեմիկոս Հովսեփ Արգարի Օրբելին, 1971, էջ 197:*

13. նամակը գոնվում է Հ. Օրբելու արխիվում:

14. *А. Ю. Якубовский*. К двадцатилетию Отдела востока Государственного Эрмитажа. «Труды Отдела Востока», т. III, Л., 1940, с. 9.

15. Ժողովածոփ պատրաստման թեժ պահին աշխատակիցների թիվը չանկարծ կրծատվեց. քաջ պատկերացնելով հնարավոր հետևանքները, Հ. Օրբելին արձանագրեց այդ փաստը իր առաջարանի վերջին տողերում:

16. Ռուսերեն հրատարակություններից հատուկ արժեք է ներկայացնում այն, որը իրականացրել էր Գիտությունների ակադեմիան (Давид Сасунский. Армянский народный эпос, М.—Л., 1937): Հ. Օրբելու առաջարանն այստեղ լույս է տեսել բնդարձակ տարրերակով: Նկարազարդումները մեծ ճաշակով պատրաստել էր երգանդ Քոշտրը:

Բ

1. *И. Орбели*. Simitose в Идалийской надписи и ΣΕΜΙΔΑΛΙΣ, simila, similago. ЖМНП, 1908, новая серия, ч. 18, декабрь, с. 521—531; ИТ, с. 485—493.

2. Մեջբերումները բաղում ենք Հ. Օրբելու «Իմ գիտական աշխատանքը» ելույթից (Հմմտ. Ա գլուխ Գ-բդ ժանոթագրություններ):

3. *И. Орбели*. Город близнецов ΔΙΟΣΚΟΥΡΙΑΣ и племя вождей ΗΠΙΟΧΟΙ. ЖМНП, 1911, новая серия, ч. 33, май, с. 195—215; ИТ, с. 494—511.

4. И. Орбели. Нефритовая кинжалная рукоять с армянской надписью. ИАН, 1909, серия VI, т. 3, № 5, с. 377—389; ИТ, с. 135—145.

5. И. Орбели. հԱսան Ջալալ, князь Хаченский. ИАН, 1909, серия VI, т. 3, № 6, с. 405—436; ИТ, с. 146—174.

6. И. Орбели. Бытовые рельефы на хаченских крестных камнях XII—XIII вв. ЗВОРАО, т. XXII, вып. III—IV, 1915, с. 327—335. ИТ, с. 196—204.

7. ЗВОРАО, с. 327. ИТ, с. 196.

8. И. Орбели. Краткий путеводитель по городищу Ани (с планом). СПб., 1910 (Анийская серия, № 4). ИТ, с. 103—132.

9. И. Орбели. Каталог Анийского музея древностей. Вып. I. Описание предметов первого отделения (с 26 рисунками в тексте и 1 таблицей), СПб., 1910 (Анийская серия, № 3). ИТ, с. 23—102.

10. И. А. Орбели. Блестящая страница в истории археологии. ПИДО, 1934, № 9—10, с. 197. ИТ, с. 300.

Անիում մնացած հնագիտական նյութերի գեղ մասնակի փրկության համար հայագիտությունը պարտական է ն. Մասի աշակերտ և աշխատակից Ա. Քալանթարի և լուսեցի մի քանի երիտասարդ հայորդիների անձնվերթյանը: 1918 թ. մարտ կամ ապրիլ ամսին թուրքական բանակի՝ Անիին մոտենալու լուրն առած Ա. Քալանթարը կողի գյուղերից հավաքագրում է Հովսեսի Գալստյանին, Վաղարշակ Երիցյանին, Հարություն և Սիմոն Էլոյաններին (Սանահին), Արշավիր Երզնկյանին (Հաղբատ), Սիմոն Դալլաքյանին (Օձուն) և շտապ մեկնում Անի: Կրակոցների տակ նրանք հավաքում են հնագարանի առարկաները և շալակելով տեղափոխում Ախուրյանի մյուս ափ, այստեղից էլ՝ Սանահին: Վերջին վայրկյանին Գագիկի արձանի պահպանությունը հոգացող Ա. Քալանթարը հազիվ է խուս տալիս թուրքերի ձեռքն ընկնելու վտանգից: Փրկված նյութերն այժմ գտնվում են Հայաստանի պատմության պետական թանգարանում: Նրանց գիտական նկարագրությունը տրված է Հնագիտ-վիմագրագիտ եվդ. Մուշեղյանի ռենի քաղաքի պեղումներից հայտնաբերված առարկաները» գրքում (Երեւան, 1982):

Վերը բերված մանրամասնությունները մեզ պատմել է իր կյանքի 9-րդ տասնամյակն ապրող, հիշողությունը, տեսողությունն ու լսողությունը անխաթար պահած վաստակավոր ուսուցիչ Հովսեսի Գալստյանը:

Պրոֆ. Ի. Մեղրելինեի «Իօսիֆ Օրբելի» գրքում, թերևս սրբագրական անմեղ վրիփակի հետևանքով, տեղի է ունեցել Անիի կորած նյութերի համար մեղավոր անձի սխալ հասցեագրում: Այսիդ կարդում ենք. «Я заметил, что И. А. устал, собрался уходить, но И. А. меня остановил и коротко рассказал, что был виновен в том, что вагон с анийскими раскопочными и другими материалами пропал в 1917 г. между Армавиром и Баку и попросил это запомнить»

(с. 134). *Ատացվում է, որ Հ. Օբելին իրեն է մեղադրում, մինչդեռ և Հ. Օբելին, և ուրիշներ քաջ գիտեին, թե ով էր վագոնով տեղափոխվող նյութերի պատասխանատու ուղեկիցը (գիտենք և մենք բոլորս), որին Հ. Օբելին երրեք չերեց (և ներնու իսկ բան չէ): Պարզ է, որ ընդգծված ու որ (որ) բարի փոխարեն ետք պիտի ընթերցել, այսինքն՝ Հ. Օբելին «...համառոտակի պատմեց, թե ով է մեղավոր եղել, որ Անիի պեղածու նյութերով ու այլ առարկաներով բենված վագոնը 1917 թ. կորել է Արմավիրի և Բաբկի արանքում հնդրեց հիշել այդ...»: Պ. Մ.*

11. *H. Я. Marr. Ани. Книжная история города и раскопки на месте городища. М.—Л., 1934, նաև Ереван, 1939. Առաջին հրատապակության ներածականում հեղինակը նշում է, որ գրքի հրատարակմանը «մասնագետներից ներգրավվել է գործին առավել մոտ կանգնած, այդ աշխատանքի համար առավել հեղինակավոր պրոֆ. Հ. Ա. Օբելին» (с. XI—XII).*

12. *H. Orbeli. Развалины Ани. История. Современное состояние. Раскопки. Издание журнала «Нева». СПб., 1911, ИТ, с. 1—22. Գրքի վաճառքից ատացված ամբողջ գումարը տրվեց Անիի համարականին: 1911 թ. էջմիածնի «Արարատ» ամսագրում հրապարակվեց այդ գրաւածին:*

13. *H. Orbeli. Колокол с анийскими орнаментальными мотивами XII—XIII вв., ЗВОРАО, т. XX, вып. 1, 1919, с. 023—039. ИТ, с. 175—186.*

14. *Մեջբերումները քաղված են անդրանիկ հրատարակության 024—025, 038 էջերից, տե՛ս նաև ИТ, с. 176, 185.*

15. *Новый энциклопедический словарь. Издатели Ф. А. Брокгауз, И. А. Ефрон. СПб., т. 3, стлб. 664—674.*

16. *H. A. Orbeli. Фольклор и быт Мокса. М., 1982.*

17. *Давид Сасунский. Армянский народный эпос. М.—Л., 1939, (вступительная статья).*

18. *Там же, с. XXV.*

19. *Там же, с. XXVI.*

20. *Там же, с. XXIX.*

21. *H. A. Orbeli. Армянский героический эпос. Ереван, 1956 (Առաջին հայերեն՝ Երևան, 1956):*

22. *H. A. Orbeli: Багаванская надпись 639 г. и другие армянские ктиторские надписи VII в.—Хв, т. II, вып. I, 1913, с. 105—142; Шесть армянских надписей VII—X вв.—Хв, т. III, вып. I, 1914, с. 72—91; Указатель слов и имен к 13 армянским надписям VII века—там же, с. 95—100; Две строительские надписи князей Камсараканов—Хв, т. III, вып. 3, 1914, с. 297—306; Багаванский храм и его надписи—Хв, т. V, вып. 2, 1915, с. 129—143; Армянские надписи на камне—там же, с. 147—154: Надпись*

Сасанийского моста—ХВ, т. IV, вып. 2, 1915 с. 191—192; надпись Бердацзорского моста,—там же, с. 192—194. *Բոլոր պատկերների մասին* ИТ, с. 371—439, 451—476.

23. И. А. Орбели. О двух терминах в надписях Ани. *Известия РАИМК*, т. 1, 1921, с. 391—399. ИТ, с. 477—481.

24. Памятники армянской эпиграфики. I. Надписи Мармашена. Собрал и подготовил к печати Иосиф Орбели. С тремя автотипическими таблицами. Издание Анийского музея древностей. Пг., 1914. ИТ, с. 440—450.

25. Դիվան հայ վիմագրության, պրակ 2. Գորիսի, Սիսիանի և Ղափանի շրջաններ: Կազմեց՝ Ս. Գ. Բարխուդարյան, Երևան, 1960: Հայ վիմագրության դիվանի նախապատճենները մասին տե՛ս Հաջորդ ծանոթագրության մեջ վկայակոչված աշխատությունը, էջ XXVII—XXVIII:

26. Դիվան հայ վիմագրության, պրակ 1. Անի բաղարք: Կազմեց՝ Հ. Ա. Օրբելի, Երևան, 1966: Հ. Օրբելու կազմած «Դիվանի», ինչպես նաև նրա ստուգի ու տնտիպ մշտու աշխատությունների պատշաճ հրատարակությունների գործում անուրանալի վաստակ ունի նրա աշակերտ, ակադ. Բ. Ն. Առաքելյանը: Պ. Ա.

27. И. Орбели. Два серебряных ковша XVI века с армянской и греческой надписями.—ХВ, т. V, вып. 1, 1916, с. 1—13 (հմմտ. նաև т. V, вып. 2, с. 144—146). ИТ, с. 205—216.

28. А. Я. Каковкин. Армянский серебряный ковш XVI века.—ՀԱՅ ԳԱ Լրաբեր հասարական գիտությունների, 1977, № 3:

29. И. А. Орбели и К. В. Тревер. Сасанидский металл. Художественные предметы из золота, серебра и бронзы. М.—Л., 1935 Հ. Ա. Օրբելու և Կ. Վ. Տրեվերի հեղինակակցությամբ լույս է տեսնել ուրիշ աշխատություն և՝ И. Орбели и К. Тревер. Шатранг—книга о шахматах. Л., 1936.

30. *Josef Orbeli. Sāsonian and early Islamic metalwork. — A Survey of Persian Art. From prehistoric times to the present*. London and New York, 1938, p. 716—770.

31. И. Орбели. «Восток», кн. 4, 1924. ИТ, с. 269—291; Временная выставка сасанидских древностей. Пг., 1922, с. 6.

32. И. Орбели. Мусульманские изразцы. Пг., 1923, с. 6; ИТ, с. 253—254.

33. И. Орбели. Мусульманский Восток. Л., 1925, с. 3—4.

34. И. Орбели. О классовых корнях некоторых традиций исторической науки.—Сообщения ГАИМК, 1931, № 1, с. 13. ИТ, с. 293. Պարբերականի առաջին պրակը (ուր պետեղված է Հ. Օրբելու հոգվածը) լույս է տեսնել իսլամության հետեւյալ ժանուարում. «Статья И. Орбели «О классовых корнях некоторых традиций исторической науки», написанная для «Сообщений» ГАИМК, по недоразум

менного в настоящем № помещена вопреки желания автора». *Ժամանակին Կ. Վ. Տրեերն ինձ ասել է, որ Հ. Օբելին կեմ է եղել խըմբագրության կողմից դրված վերնագրին:*

35. III Международный конгресс по иранскому искусству и археологии. Доклады. Ленинград, сентябрь, 1935. Редактор академик И. А. Орбели. М.—Л., 1939, с. 151, ИТ, с. 363.

36. *Տե՛ս* ИТ, с. 364.

37. *Ի. Վ. Մեցրևիձե:* Иосиф Орбели. Тб., 1983, с. 94—107.

38. Памятники эпохи Руставели. Л., 1938, с. 20—21. ИТ, с. 581.

39. Вопросы и решения вардапета Анании Ширакаци, армянского математика VII века. Издал и перевел И. А. Орбели. Пг., 1918; ИТ, с. 512—531. *Գիրքն ունի նաև հայերեն տիտղոսաթերթ՝ «Ճաշագահարման և լուծման երիցու երանեալ Անանիայի վարդպապեափ Եփրակացոյ. տպագրեաց Յ. Աւրելի. Պետրոպոլս, ՈՅՆէ»: Խնչես ասկեց Ա գլուխ, գիրքը շարված է հեղինակի ձեռով:*

40. *Ի. Ա. Օրբելի.* Описание Версаля в армянской записи 1863 г.—Известия РАИМК, т. 1, 1921, с. 391—399; ИТ, с. 532—538.

41. *Եղիշէ.* О Вардане и войне армянской. Пер. с древнеармянского академика И. А. Орбели. Подготовка к изданию, предисловие и примечания К. Н. Юзбашяна. Ереван, 1971.

42. Памятники эпохи Руставели, с. 139—158. ИТ, с. 559—569.

43. *Իօսիֆ Օրբելի.* Басни: средневековой Армении. М.—Л., 1956.

44. *Ի. Ա. Օրբելի.* Избранные труды в двух томах. Т. I. Из истории культуры и искусства Армении X—XIII вв. М., 1968, с. 209—385, 420—504, 521—534.

45. *Ի. Ա. Օրբելի.* О первоначальной форме купола Ахтамарского храма. ЗВОРАО, т. XXV, 1921, с. 293—300; ИТ, с. 222—228.

46. *Տե՛ս 44 ծանոթագրության հզումը, էջ 17—204, 389—419:*

Գ

1. *Ի. Վ. Մեցրևիձե:* Иосиф Орбели, с. 7—8.

2. *Արտաշես Վերայց, Անիում, երկան, 1979, էջ 33:*

3. *Նույն տեղում, էջ 34—35:* Ա. Վրույրի հուշերը անգնահատելի սկզբնաղբյուր են պեղումների առօրյան վերականգնելու համար: Մինչ-պեղումների շրջանի Անիին, դժբախտարար, թյուր զուգորդություններ է առաջացնում:

4. *Նույն տեղում, էջ 37—38:*

ՀԱՊԱՎՈՒՄԵՐԻ ՑԱՆԿ

- ՀՀՄՆՊ—«Հայակական Հայոց պատմութեան աշխարհ».
- ՀՅՈՐԱՕ—«Զանգական աշխարհի պատմութեան աշխարհ».
- ԻԱՀ—«Հայակական պատմութեան աշխարհ».
- ԻՏ—Ի. Ա. Օրբելի. Հայոց պատմութեան աշխարհ. Եր., 1963.
- ՊԻԴՕ—«Հայական պատմութեան աշխարհ».
- ՊԱԻՄԿ—«Հայակական պատմութեան աշխարհ».
- ՏՐ ԱԳՓ—«Հայակական պատմութեան աշխարհ».
- ԽԲ—«Հայակական պատմութեան աշխարհ».

ԲՈՎԱՆԴԱԿՈՒԹՅՈՒՆ

Երկու խոսք	5
Ա. Կյանքն ու գործունեությունը	7
Բ. Գիտական ժառանգությունը	62
Գ. Խառնվածքի որոշ գծեր	91
Սանոթագրություններ	103
Հապավումների ցանկ	110

ԿԱՐԵՆ ՄԿՐՏՉԻ ՅՈՒԳԲԱՇՅԱՆ

Ակադեմիկոս Հովհաննես Օրբելի

Հրատ. Խմբագիր Ա. Լ. Սահմակյան
Նկարիչ Կ. Կ. Ղափաղարյան
Տեխ. Խմբագիր Լ. Կ. Հարուրյոնյան
Մրրագրիչ Է. Ա. Սոխիկյան

ИБ № 1477

Հանձնված է շարվածքի 8.09.1987 թ.: Ստորագրված է տպագրության
8.10.1987 թ.: Վ. 08263 Զամբ 84×1081/32, թուղթ № 2: Տառատեսակ
«գրքի սովորական», բարձր տպագրություն: Պայմ. 6,3 մամ., տպագր.
7,0+4 թերթ ներդիր մամուլ: Ներկ. մամուլ 6,3: Հրատ.-հաշվարկ. 4,95
մամուլ: Տպագրանակ 3000: Հրատ. № 7182: Պատվեր № 641: Գինը 65 կոպ.

ՀՍՍՀ ԳԱ հրատարակչություն, 375019, Երևան,

Մարշալ Բագրամյան պող. 24 գ.:

Издательство АН АрмССР, 375019, Ереван,
пр. Маршала Баграмяна, 24 г.

ՀՍՍՀ ԳԱ հրատարակչության տպարան, 375019, Երևան,

Մարշալ Բագրամյան պող. 24:

Типография Издательства АН АрмССР, 375019, Ереван,
пр. Маршала Баграмяна, 24.

65 4-1

